

# 蘇江

## 第七期目錄

- 圖畫◎爲民族流血黃公淳耀兄弟像○江陰君  
山之形勢  
社說◎民族精神論○家庭革命說  
學說(六門)  
政法◎民族主義  
軍事◎俄國軍事一斑  
哲理◎哲學概論(續)  
歷史◎臺灣三百年史  
音樂◎唱歌之教授法及說明(完)  
實業◎商業發達論(續)  
傳記◎莽英雄殺人記  
大勢◎日俄開戰之先聲○英國與西藏之交涉  
小說  
章回體◎明日之戰爭  
記事體◎明日之瓜分  
記言  
說苑◎揮戈錄○不敢忘錄  
文苑◎雜詩  
記事◎內國時評○外國時評  
調查錄◎鎮江學堂興廢表○揚州學界區所表○  
崑山學界談○嘉定農人之生計  
雜錄◎滿奴獻媚書○珍聞談片

每 月 一 回 朔 日 發 行

江 蘇 同 鄉 會 發 行

## 江蘇同鄉招待廣告

近來風氣大開本省同志游學日本者甚衆且多自費生但道遠人疏抑或初次出門不無少有不便本會同人爰有招待鄉人之議今倪君迪民壽康倪君與三壽齡兄弟熱心任事願爲本會駐滬招待員倪君現住上海三馬路望平街朝宗坊教育館內內地諸君有東渡游學者可逕至倪君處商詢一切東京另有招待員諸君由滬臨行時請先發一信至東京神田猿樂町二丁目一番地江蘇同鄉會事務所書明動身日期及所坐船名屆時當至橫濱招待（如由神戶起岸坐火車者須先示明發車時刻本會當至新橋車棧招待）如此則照料更覺周密萬不至有迷途之苦俾我同鄉志士東渡者日益加多則本會同人所私心禱祝者也

(1170)

## 江蘇同鄉會謹告

## 名譽贊成員台銜續登

柳亞盧君助墨銀十元

曹仁武君同上

任味知君同上

沈中路君同上

沈丹忱君助墨銀五元

薛公俠君助墨銀三元

王亞特君助墨銀二元

吳次伯君助日銀五元

蘇道生君助日銀二十圓

請看！  
請看！

## 本誌第一期再版廣告

本誌發行後久荷學界歡迎今首期已

罄而海內外續購者尙多惟首期草創

出版不無遺憾之處茲特大加改訂刷

印再版以鑒諸君子之望現已付印不

日出書特此豫告

(1171)

# 本誌第八期概目豫告

圖畫 ● 揚子江航路圖 ○ 爲民族流血瞿公式相肖像  
 社說 ● 民族精神論 (續) ○ 論日俄開戰與中國之關係  
 學說 ● 凡六門

政法 ● 西人之無君

哲理 ● 讀社會平權論

教育 ● 盜格爾撒遜人種論

歷史 ● 臺灣三百年史 (續完)

軍事 ● 俄國軍事一班 (續)

實業 ● 商業發達論 (續完)

傳記 ● 史可法傳 (續)

大勢 ● 英國與西藏之交涉 (續) ○ 英國之將來 ○ 於揚子江英德之競爭 ○

亞西亞鐵道之現狀及將來 ○ 巴拿馬之風雲

小說 ● 漢兒島 ○ 分割後之吾人

說苑 ● 雪湖高士楊碩夫先生傳 ○ 英雄逸話



文苑 ● 雜詩

時事短評

調查錄


雜錄 ● 珍聞談片 ○ 餘錄

(1172)



(1173)





江陰君山之形

黃公淳耀絕命書

遺臣黃淳耀。於弘光元年。自裁於  
西門僧舍。嗚呼。進不能宣力朝廷。  
退不能潔身自隱。讀書寡益。學道  
無成。耿耿不沒此心而已。異日胡  
氛復靖。中華士庶。再見天日。論其  
世者。當知余心。



## 民族精神論

非洪鈞之鐘不足以動人。非太空之氣不足以攝宇宙。民族之條而盛條而衰。迴環反覆興廢靡常者。皆其精神之強弱爲之也。人之生也。時而健焉。時而病焉。健則言語色笑無往弗心曠而神怡。病則舉止行爲無在不神。消而力弱。醫者不察其受病之原。徒見其外形之所發現。下以平庸之劑。病者受之。乃速其死。若夫能者則必推其本原而求其所以藥之之法。民族猶是也。不知其衰弱之原因而徒曰救之救之。其可得耶。若弗能者而強其能。則吾之持開化論者又奚濟矣。雖然。有腓尼西亞與希臘民族之混合而成。偷通有偷通。民族與羅馬民族之混合而成。拉丁葛留斯之法



立士巴太之族皆成尙武之人鐵騎之術行馬基頓之民乃橫行于天下由此觀之世界以來無天然無人力其不爲民族之競爭者蓋希所異者特古今偶有範圍之不同而已至于潛移默化截短補長酌乎中庸之道驚之以優勝劣敗之慘劇付之以生存競爭之能力則古今以來志士仁人善爲民族計者未有不同出于此轍也何者民族者成于自然而具有人爲之能力者也生于沃土者有天然之美術心而淫佚之心有以怠之則剛強之氣恒乏焉長于磽瘠者多尙武之氣風而野蠻之力有以害之則閑雅之性多缺焉故執雅典之民族與士巴太之民族相較則情形有隔闕而不可通者道路相隔曷嘗遠哉地理之異乃足以移其身心胡越之風習不同秦粵之俗尙互異歷史上經種々之變遷而後民族之特性乃爭發奮于無聲無臭之內矣至其結果則優者勝劣者敗存者留遺于世間敗者曳兵而走險愛爾蘭之受軛于英也至今世紀猶爲政治之問題一普通選舉耳何爲不決如是由此觀之一民族而思得政治上之自由使其身心之關係在々圓滿無一毫之羈束此豈易言事哉雖然使其中有非常人出焉則一鳴而同族皆應山呼雲響誓不願爲他

種之奴慮其精神之弱且憊也則積全付之力以強之足之如此則今之所目爲劣等民族者或駕服優者而上焉未可知也而況夫善惡不殊長短殊致有數惡焉未使無數善以消之則在銳眼能觀天下事者又豈拘々于目前而自餒耶凡事之成無不自造因而來吾救吾民族之衰弱吾且求吾民族所以衰弱之由其所長吾發之其所短吾裁之播之種布之根如是者數年或不數年亦必有可觀矣況行之以堅忍之力者乎波蘭之國既亡矣其民族之精神猶儼然在也其興也吾未可決也拉丁之國既盛矣其民族之精神仍不脫乎依賴也其敗也吾亦可以斷言也故有民族相聚于山之巔水之涯土地或一時偶非其所有權而土地之所被附屬者則自士坦列開闢亞非大陸以來世界中已無復有人跡不到之地矣且夫民族有終古受制于異種之下乃能陰鷲強悍一發焉而剛強發厲之氣足以震耳目而協人之肝膽者士拉夫之蟄伏于蒙古肘腋間數百年者是也故吾不悉民族目前之盛衰特患民族之性質其程度不合于盛衰之公理如此則無以答夫造物者之命運無以答夫造物者之命運是不堪自治者也是無政治上之能力者也其亡其亡不

待言矣。

且夫土地之大。不足恃也。軍艦之雄。無足懼也。惟夫民族之功用。可以操生人生死之權。應世界經權之變。則雖沈淪黯淡于悲思愁苦之下。異日者天地復開風雲變幻。終必有磅礴鬱積一發不可收拾之日。故民族者實有一種強制力焉。習慣也人情也。好尚也。服制也。南不同于北。西不符乎東。或矜爲高尚。或目爲新奇。或詭爲僿。或詆爲板滯焉。知此一種奇々怪々之現象。皆于民族之精神大有關係者乎。所可患者。高尚之念。重則厭世之心。深板滯之習。因則勤苦之德。薄弱如是。行且蹈印度之覆轍矣。若夫厭故喜新。變本加厲。惟樂利之是務者。則又拉丁衰弱之由。而吾人之不可不早處者耳。顧安得以是而爲民族主義病耶。而或者昧于世界之大勢。過爲高遠。颺々焉于名詞之一二。若曰彼唱淺狹民族主義者。非吾人高談政理者所屑道也。嗚呼。其亦謬矣夫。

則試徵之中世歐洲之歷史。夫中世之史。實白人種發達之濫觴也。是時也。羅馬分割天下塗炭。而北方蠻族爭以其風馳電掣之能。各據疆土。自存其種。雖以查爾大

(1180)

帝之雄才。終不能強而一之。乃至拉丁據其西。偷通保其北。昂古撒克遜守其西北之一隅。以自絕于大陸。各保子民。各守疆土。吾國古君子所斥爲春秋戰國無復綱紀者。殆無近于此矣。然而歐洲古代之文明。其効力乃不及中世。而中世難經黑暗時代之階級文藝復興。宗教改革。一切乃胚胎于此。時又豈非一大變也哉。奈翁之死也。有遺世之言焉。曰異日者歐洲必合爲一國。而後可以敵東北之露國。否則士拉夫必有吞併他族之一日矣。嗚呼。此言也。他日果呈爲實事乎。余不得而知。要之歐洲之合。遠待將來。而今日之分。實爲他日統一之基礎。又確乎無以易之例也。然則駁大同之說。而全歐賴以進化之偷通人。又豈得以他日種々聯合之要。而少其功哉。將來之合。今日之分。治爲之也。今日之分。治實遠伏。他日聯合之機。故名爲分之實以合之也。夫當中世之際。天非不欲歐人之合也。無如自然界中有地理之不同。宗教之各異。境遇之攸殊。使分者判。然無可復合。雖以目擊其弊。如奈翁者。終無術焉。以一變此不可復併之世界。此其故果何耶。蓋世之讀歐洲史者。未察此各人種當時之實情。故驟觀其分裂之史。不覺瞠目而相詫耳。

(1181)



吾請爲一言以決歐人當時之狀況。吾更請爲一言以決歐人今日振興之由。夫彼歐人者。苟無當時之狀況。則不能有今日之振興。彼所以能振興如今日者。實自當時種種不可思議之原因而來。其結果之最早。乃生民族之精神。其結果之最終。遂成民族之膨脹。由前之言。當日以之由復之言。今日以之。且夫彼之所以龍驤馬鬣。猛勇奮發。使當日之狀況。足以迫今日民族發達之狀。不得不出與世界相見者。豈真無故而然耶。謂歐人技藝之精。則當日所謂蒸氣電線。獨未有所發明。而火車輪船。軍艦。鎗炮。以及殺人滅種之法。猶一切未聞于世也。而歐人之所以能致此者。何哉。則以彼有一種如癡如狂。不可思議之民族精神在也。

且夫民族精神所由發現者有二。其一曰。由歷史而發生者也。其二曰。由土地而發生者也。言愛國者。羣推歐洲。歐洲之史。進步之史也。非唯歐人愛之。吾亦愛之。然而吾愛之而不能發達之。使如歐人之自愛者。何也。則以吾國歷史土地之不同使然也。祖宗之血質。社會之習慣。個人之感情。既使我以不能愛吾國。而兼愛其他。則吾之愛吾國。也不得不專。而見他人之國。雖其機械發明。文藝日新。吾亦唯崇拜之。尊

貴之而已。又豈可目許其文明。遂心醉西風乎哉。故言民族之精神。則以知民族之歷史。與其土地之關係爲第一。義而後可以進而言生存競爭之理。而當此不痛不癢。麻木不仁之世界。尤須以冷靜之腦。窺測之。而非然者。終亦昧于大勢而已矣。

民族之精神。濫觴于何點乎。曰。其歷史哉。其歷史哉。夫歷史之關係。匪僅限于民族而已也。天地之間。無動無植。苟屬含生負氣者。無不有歷史。發生焉。成長焉。皆必有其始基。在始基者。何則。此民族發達之實跡而已。或始而優者。爲其後者。不善保有。其始也。則優于初者。恒劣于繼焉。或始而劣者。繼其後者。善變其質也。則劣于初者。恒優于繼焉。優也。劣也。一轉移而已矣。而其間。或有觸于外界之感。而促其改良之性者。或有昧于生人之大命。而滅其生存之質者。則民族之盛衰興廢。或亦有幸有不幸焉。我支那民族。居龐大廣漠之土。自紀元前四千年以來。率魁梧奇特之衆。突焉出現于東方干戈之所。至威靈之所。及無堅不摧。無險不破。故遠溯我黃帝軒轅之舊轍。猶確乎灼灼。其可證。延及魏晉胡馬。突來漢種。大衰中原之族。遠來江左。而我祖我父。發揚蹈厲之精神。乃稍衰矣。其後則漢人與西伯利人之盛衰互爲乘除。

縣延不絕若宋之于元明之于清皆適逢其會者也悲乎悲乎我支那民族其亦有身受其咎者在耶不然又何至于此哉

我嘗俯仰今古感慨歔歔發我民族千古未開之秘未嘗不痛恨于前此之不早自謀也嗚呼古人往矣往者不可復追來日方長我支那民族幸而弗盡喪也其听我一言以自返以自拯之

今夫因果相生乘除相替宇宙間幻影空花如此者殆不可勝數而東方之主義重階級而薄個人輕形下而尊道德受其病者又非特我支那漢族已也翹然自負以大和民族唱維新之論者若日本今猶不脫此範圍焉則何也民族之受病也有由于天然有出乎人力人力之所及者可挽天然之所致者難回吾嘗觀日人維新數十年而實業思想薄于西洋家庭教育社會感情仍不出乎君臣父子之大倫未始不歎黃人命運之所至究輸白人一着也雖然彼叢爾三島既崛起于太平洋畔矣而返顧吾漢族之景象則何如腐敗歟愚陋歟則依然如故也吾欲爲吾族下針砭吾安敢自諱以誣我人種耶此爲我漢族受病最遠之因

且夫人之生也未始有異也初而髻鬚繼而壯而強立凡受益而獲智識者計無不自交際始交際少者其閱歷必淺智識必陋即使坐擁書囊手披目覽至于人世之關係必有窒塞拘滯隔闕而不相入者惟民族也亦然處閉關一統之世故見自封株株舊例耳不聞鉦鼓之聲目不覩文明之象即使其祖有尙武之風其歷史有偉大之光彩其子孫未有不流于文弱而置利害于罔覺者也況夫土地之大競爭之絕尤足以泯其對待之心自覺之性久而久之烏有不喪失其民族之本質者哉而我漢族實有以似之試觀五胡亂華舍人入塞中原之民氣節凜々雖遠竄南方猶有每飯不忘故國之概則當日切膚之災迫身之禍有以使然也思厥先祖父以返觀吾輩爲子孫者不痛不癢其氣象爲何如耶爲何如耶我爲子孫者而稍有知其亦可以自返矣此吾漢族受病最近之因

由前之因故亞人與歐人不得同例而論焉夫近世所稱爲雄國者非所謂英德俄法諸國乎哉而論諸國者第知其軍艦之雄兵甲之富財政之豐至于精神實質之所在則多畧而不詳而開明諸君又往往拘于原理不察古今徒見夫平等自由之

未豈亦知言平等言自由苟不根據于民族則所謂道德仁義者苟非飾耳目以自欺欺人聽者其誰受之其誰從之論者所說其亦重個人而忘團體者矣今夫西洋文明諸國所以致今日之由非特其力之充物也其握重要之關鍵而陰驅之潛率之者實在民德拉丁之豪強倫通之明達士拉夫之沈毅或雄于商或精于政或勇于軍此三種者世界無敵之智種也夫傲人以力過力之強者則吾弱矣傲人以勢遇勢之稍優者則吾拙矣惟德之充實者足以生無窮不可思議之力發無量不可思議之勢故有一堂招聚格不相入而懸隔千萬里之外神氣之契合感化力之神通同族之勢力乃迥出于他族意想之外者嗚呼人種乎人種乎其力固不重矣哉嗚呼悲哉近年來我中國提倡風氣主持學說者之誤也夫言平等言革命誠是也將為英吉利之平等與革命乎抑為獨意志人之平等與革命乎抑為佛蘭西與伊太利人之平等革命乎平等有術焉革命有道焉術不必其合也道不必其同也惟其適宜而已夫吾豈謂其間竟無可以相提並論者哉要之以上諸國言平等而竟能平等者必其平等有以適合于彼一國之初狀言革命而竟能革命必其革命有

以適合乎彼一國之現情遵斯道也而願力始宏達焉而氣象始發生焉今夫我國民族之內情何如也自治力之薄弱也公德心之缺乏也共同心之短少也宗教心之冷淡也此數者皆吾祖國近來腐敗之橫觀歷史也以上數者有一于此不足以立國而況乎處此生存競爭之世界乃兼此種々亡國之劣根性顧安得托跡于一方乎以自大而終古嗚呼黃人之株守舊習沾々不改以自促其亡國者多矣若安南若印度若波斯土耳其此數國者皆吾國近年以來唱道維新所引為殷鑒者也而抑知吾國腐敗之物情于彼又何多讓焉又何多讓焉彼數國者至今猶有保殘喘者乎若吾大夏者不過滅亡稍後而已而豈知精神上自立之方則已喪失久遠矣哉

悲夫有此芸々蚩々之衆守此廣大蕃碩之土寄生于他人之宇下問其祖宗則固懷有奇特卓絕之歷史者也其戰爭之迹聲勢之赫攷之鼎彝稽之簡冊其足令有心人聞而泣下繼之以哭者幾何其足令為後嗣者聞而興起頑廉而懦立者幾何而子孫之可告無愧于先祖者果何在也夫吾之土地吾治之吾之生產吾殖之治



吾之領土而殖我之利權。非我分內之事乎。乃有不痛不癢漠不相關見之淡然聞之泛然者此非喪心病狂而何。至于母亦自忘其位置之所在使然耶。奉天之掛順民旗。香港之祝維多利亞。他人之樂焉耳。于我何與。吾乃從而附之和之垂首屈膝。作佯僂蜷伏之態。若惟恐人之不我悅。不我樂焉。則固早已處于卑下矣。若此者亦吾族奴性一般之所在也。

日人知有大和魂焉。德人知有日耳曼祖國焉。法人知有佛郎克大帝國焉。英人知日旗之所在無往非彼族之佔領地焉。彼其泣于斯歌于斯舞踏于斯崇拜馨香于斯者。其心目中恍若有神使鬼善顛倒于其間者。故能遊心大宇發為猛勇蹕厲發揮剛毅之氣。嗚呼此何物耶。其即吾所謂精神云々者耶。夫非民族固有之良耶。而返觀吾國今日之現狀則可謂腐敗空虛種々奇異謬悠之態。幾無足自存于大地。則雖謂吾族之精神已死可也。夫已死者不可復生。然則吾族其從此長逝乎。將不然也。吾亦唯于淒風苦雨之中祝吾族之早自振臂而已。

(未完)

(1188)

## 家庭革命說

家庭立憲者

革命！革命！！中國今日不可以不革命！！中國今日家庭不可以不革命！！

家庭革命者何也。脫家族之羈軛而為政治上之活動是也。割家族之戀愛而求政治上之快樂是也。挾家族之封蔕而開政治上之智識是也。破家族之圈限而為政治上之犧牲是也。去家族之奴隸而立政治上之法人是也。鏟家族之惡果而收政治上之榮譽是也。革命者何也。以政治上之自由而影出國民種種之不自由是故。自由死而致國權死。國權死而致國民死。而欲不死我國民則惟有採惡感毒血以爲之藥石。此毒血實產美妙之花文明之果也。然此花與果乃經第一重之家族主義摧挫。矻闕而不發達。則中國其何由發達。是故家族不可以不革命。

國家者箇人之堆垛積也。而家族者其立基也。人羣之立其猶算數乎。愈演而愈進則國權榮矣。一演而不進則國權悴矣。國權榮則國中之一切政治機關隨而伸。是故其國興也。國權悴則國中之一切政治機關隨而縮。是故其國滅也。夫家族與國家中間進化程度相去不過一階級而成效若是其僂馳也。中峯雷雨。上界方晴。後

(1189)

堂。笙。歌。前。門。乞。食。則。家。族。主。義。之。停。頓。隔。絕。乃。使。我。國。民。無。國。家。思。想。之。一。大。原。因。也。

歐。西。人。之。視。家。族。猶。夫。中。國。人。之。視。家。族。歐。西。人。之。於。家。族。也。未。嘗。無。愛。情。未。嘗。不。有。團。結。未。嘗。存。一。破。壞。之。思。想。然。而。入。其。室。而。其。氣。和。繙。其。宮。而。其。容。盎。窺。其。經。濟。法。律。之。權。限。而。井。然。劃。然。也。學。年。而。入。學。稍。長。而。游。歷。雖。婦。孺。童。僕。皆。有。政。治。之。常。識。也。若。我。中。國。二。千。年。來。家。庭。之。制。度。太。發。達。條。理。太。繁。密。父。子。兄。弟。夫。婦。之。間。愛。情。太。篤。摯。家。法。族。制。喪。禮。祀。典。明。鬼。教。孝。之。說。太。發。明。以。故。使。民。家。之。外。無。事。業。家。之。外。無。思。慮。家。之。外。無。交。際。家。之。外。無。社。會。家。之。外。無。日。月。家。之。外。無。天。地。而。讀。書。而。入。學。而。登。科。而。陞。官。發。財。而。經。商。而。求。田。問。舍。而。健。訟。私。門。賭。博。竊。盜。則。皆。由。家。族。主。義。之。脚。根。點。而。來。也。夫。古。昔。聖。賢。帝。王。之。設。教。以。提。倡。家。族。原。以。爲。是。國。家。之。雛。形。而。豈。料。其。爲。國。家。之。堅。敵。也。國。亡。而。家。何。在。家。有。令。子。而。國。無。公。民。吾。爲。此。懼。十八。世。紀。法。國。大。革。命。虐。殺。貴。族。僧。正。二。十。五。萬。其。終。也。至。八。十。餘。萬。血。雨。洒。地。腥。風。撲。人。而。後。法。蘭。西。民。主。國。出。也。十七。世。紀。英。國。大。革。命。登。英。王。查。理。士。於。斷。頭。之。

(1190)

臺。轉。戰。四。年。終。始。二。十。餘。年。國。會。閉。而。復。開。民。黨。仆。而。復。起。血。雨。洒。地。腥。風。仆。人。而。後。英。吉。利。立。憲。國。出。也。今。吾。提。倡。家。庭。革。命。豈。欲。擊。吾。同。胞。相。率。而。爲。商。臣。爲。冒。頓。乎。又。豈。望。吾。同。胞。相。率。而。爲。周。公。爲。石。碯。爲。李。世。民。乎。既。挽。射。天。之。弓。復。演。紂。兄。之。劇。箕。帚。詭。譎。森。森。者。戈。矛。床。第。恩。私。離。離。者。荆。棘。孔。丘。所。以。見。盜。跖。而。拜。朱。均。不。免。篡。堯。舜。之。統。身。非。梟。獍。亦。非。空。桑。吾。其。爲。五。洲。萬。國。之。大。罪。人。哉。然。而。吾。所。謂。移。政。治。之。革。命。於。家。庭。者。蓋。別。有。說。

政。治。之。革。命。由。國。民。之。不。自。由。而。起。家。庭。之。革。命。由。箇。人。之。不。自。由。而。發。其。事。同。其。目。的。同。政。治。之。革。命。由。政。治。上。一。切。機。關。與。夫。國。權。民。權。之。削。弱。不。能。挽。救。而。後。以。革。命。爲。進。行。家。庭。之。革。命。亦。由。政。治。上。一。切。機。關。與。夫。國。權。民。權。之。削。弱。不。能。顧。問。而。後。以。革。命。爲。初。步。其。目。的。同。其。感。情。初。異。而。實。同。今。吾。中。國。普。通。社。會。之。家。督。其。權。力。實。如。第。二。之。君。主。第。君。主。之。統。系。在。人。爲。而。家。督。之。統。系。在。天。造。君。主。之。統。系。在。後。起。而。家。督。之。統。系。在。先。天。故。忠。孝。不。能。以。並。提。而。吾。之。所。謂。不。忠。不。孝。乃。亦。有。平。和。激。烈。之。判。家。庭。革。命。者。猶。經。濟。革。命。女。權。革。命。之。謂。也。平。和。之。至。也。

(1191)

世界之國家主義何日而破民族帝國之範圍國民之競爭何日而化民族帝國主義之畛域世界猶部落也國際猶家族也嗟爾歐洲之民揚大旗擂大鼓吶大喊順風揚帆滿載民族帝國主義乘潮流以入中國張目皇皇大搜大索而與夫中國無帝國之民族遇是尙得有國哉是尙得有家哉無國是尙得謂之國民哉是故欲革政治命先革家族命

今請揭家庭所以必革命之要素分其界說如次

一。曰父之界說吾愛我祖國吾望我青年然而青年者皆受家庭之支配者也教育之不如法而奴隸宗旨牛馬人格之謬種日以蕃經濟之不自由而學問補助社會建設之公德無由起愛身而不愛國利己而不利群如是以爲家訓也而倘有幹蠱之才出言驚座具振興國權恢復人道之思想不曰此子赤我族即操大杖以隨其後矣盡國民而爲無腦無血無靈魂之輩而後乃爲克肖爲亢宗父之界說此其一。

二曰母之界說父與母之權限名分無別也苟別之則父於其子尙專制母於其子

多愛情然而愛情之荼毒較諸專制焉而入人尤深平日居處相偎飲食相哺被之溫暖以柔脆其體魄禁之運動以頹靡其精神出門負笈則垂涕泣而送之杖劍遠游則媚神求佛投籤問卜以祝之早婚以縻其遠志吸煙以困其長圖此眞吾中國近日之普通母教也此我國民所以無范滂柳仲郢蘇軾其人也母之界說此其二

三日兄之界說凡文過怙惡干涉牽制之流毒已往之人才不如現在之人才蓋同此青年世界則社會之風潮變動不能不同受影響故經歷廣而偵探明而反動一起於骨肉之間則製革命之原料父也有不如其兄者矣跖兄惠弟臭味差池性不關於遺傳力乃感於同化吾見近日奪產析屋往往同室操戈忿爭不息貽二老以深憂獨至學問政治之關則明知義不當從而無如天澤之旁復增一重之壓制有不得不俯首屈服而聽其所爲者矣兄之界說此其三

四曰妻之界說吾言妻之界說而吾不得不爲吾國民恥也謂吾中國女權不發達何以閨房之內具有一王刑政之功默化潛移比條教號令爲速吾見偉大之丈夫而受支配於纖柔之女子蓋不少也吾窺其要亦有二端一即專制室人交謫悍妻



施威鬚髯戟張頭顱輕賤此其一也一即愛情風雲壯志消鑠春華兒女深情淡忘國是出門三里發懷鄉之病封侯一去學迴文之吟左顧孺人右弄稚子此樂何極如南面王此其二也總之閨房感化之力實較父母兄弟爲多凡吾國民如病如醉如眠如死而無一毫學問之思想政治之能力者其受病皆由此也妻之界說此其四

吾揭此數界說而吾首疾吾心痛吾悲吾祖國之前途殆未可以救也吾欲剿刃於頑父舊母劣兄惡妻之腹拔出吾數千萬青年於家族之阱而登之於政治之臺也國民乎國民乎歐風吹汝屋美雨襲汝房汝家族其安在哉醇酒婦人名山文字萬劫一盡同爲飛烟急起直追今猶可及擺脫桎梏掉游康莊其必自家庭之革命始矣兩害相權蓋取其輕革命之害猶愈於困守家族視國亡而莫救者萬萬也中國家庭革命之鼻祖曰神禹以隨刊之勞三過其門而不入是也次則楚子文之毀家抒難是也又次則漢卜式之輸家財助邊霍去病之匈奴未滅何以家爲是也又其次則張睢陽之殺妾以食士趙苞之別母以戰鮮卑溫嶠之絕裾以建義旗是

(1194)

也故有民族之思想者必不肯受家族之圈限則欲爲政治上之公民亦無以全家族之孝行也且吾國民其無託事苟有益於國雖大孝亦何以加哉吾言至此而家庭所以必革命之要備矣雖然吾有進也欲革政治之命者必先革家族之命以其家族之有專制也而革家族之命者尤必先革一身之命以其一身之無自治也吾國民吾國民無涼其血槁其容俳優其行嗚呼其派灰木其心祿利其志趣智德力三育不進步徒日日建家庭三色之旗號於衆曰革命革命吾恐家之破而國未必完也家之索而種未必有救也知我罪我吾言固不任其咎哉

#### 家庭革命說書後

家庭者社會之原動力也自古人類發生陰陽糅雜當此之時無有家族個人者一身之餘殆無所有至于男女同居或數夫而共一妾或一人而擁數妻野蠻人所以艱于進化文明人種所以獨占優步者大抵職此故耳及乎草昧初開國家觀念日以發生當此之時秩序煥然有條不紊一家之子生太平則可發明學術思想之精神處憂患則能作家國干城之保障士拍太喜子弟之從

(1195)


戰征阿善士求佳偶以生令子其精神意想之所在往々足令吾人于千載後勃然起敬者彼白人所以雄于地球者豈不在此乎至于自由平等乃西人之特長父兄子弟之間更無論矣若論者所言三綱之害殆西人所未同焉偷通希臘性情大抵無差安具魯邇孫尤能體會此意著書之學者傳教之牧師理想家庭恒不絕于其腦以視吾族之望子弟以升官發財者何如耶每歎吾同胞習于奴性專尚虛文父兄之待子弟等于囚奴子弟之望父兄如隔天日階級之現象生于一堂又何怪出而治世私壑日生無復自治味平等自由之大義也哉吾鄉野蠻尤特出于各省父兄子弟之間至有起坐不能自由飲食不能同席者黑暗如此負文明雅望之江蘇人其何以副此實耶夫內憂外患交迫而來使吾鄉人寢不安席食不甘味者有如今日乎北方塗炭南地偷安言念及此能無岌々雖使今日吾鄉人父詔其子兄勉其弟赴火蹈湯解此倒懸之厄猶恐不及吾鄉人尙株守此野蠻腐敗黑暗愁苦之習豈知天演橫流優勝劣敗固不容吾此種爲奴爲隸之民族存于世乎以歷史發達之實跡足以

令他人起敬之江蘇以江蘇文秀端雅之民族處揚子江滾々之大流據南北天塹之要害國亡則坐視之種奴則坐安之富者沈酣于膏粱貧者又流爲乞丐向之稱爲中華大族者今乃沈淪如此豈非一大疑問耶昧々以思不得其解要而言之家庭教育實其原因最大之一也夫富貴功名之念中于人心獨立自營之概消亡于無聲無臭此種惡習慣之絲牽而繩連之固不足怪第吾鄉人孰不有父兄子弟孰不有性命家財一旦豆剖瓜分豈尙有立足之地讓吾人以偷安苟且如今日耶往者不可諫竊願吾鄉人打破舊習共發權利防衛之心爲父兄者勉子弟以獨立之大義爲子弟者各勉爲傳家之令男使吾族有樹獨立旗之一日則宗周是恤之心耳

抑吾尤有言者集家族而成村落集村落而成一鄉集數鄉而成府縣積府縣而成省是則家族者實此各府縣省之分子也欲望吾族之興不得不望吾鄉人之自奮自奮者何即各家族各存一權利生命之思想也人々知有家族之關係各家族知有一省與其身家之關係幸則正己而後正人愛一鄉而後可

推及天下。佛蘭西之以愛鄉心興大帝國。大抵由此利害關切之念故耳。有熱心于社會改良者乎。請從事于一鄉家庭之教育。至于興之之術。亦非片言可罄。然苟非大破舊習。支離破碎。茸漏補苴。雖欲挽救。不可得也。大抵吾鄉人受病多端。一朝難療。其總端皆由不尙武與浮薄而缺沈着二者致之。亡國亡家。皆由于此。有欲拯鄉人于水火自任者。不可不知也。吾願鄉人知家庭教育之必要。吾大願生息于家庭中之爲父兄子弟者。知吾生命權利之所在。速以愛鄉交勉焉。可。

(1198)



# 中歷九月二十日發行

洋裝百八十頁 每月一回  
定期二十日發行

●圖畫◎浙江全省十一府新地圖(其八)衢州◎西湖勝景◎西泠橋晚景

湖心亭秋景◎溫州東山風景

●社說◎新社會之理論(續)

●論說◎近時二大學說之評論(續)

●學術

▲政法◎國際法上之新國家觀

▲實業◎植物與人生之關係

▲哲理◎斯賓塞快樂派倫理學說

▲歷史◎十九世紀西歐之泰東思想

▲傳記◎中國愛國者鄭成功傳(續)

●科學

▲水力說

▲世界一般大勢◎近世工商業之進步

●大勢

▲國際政局◎歐洲政局之變遷◎巴爾幹半島之風雲

●談叢◎野獲一夕話

●所聞錄◎嗚呼浙礦◎可憐歸化人

◎東三省問題◎外數件

●雜錄

▲東報隨譯◎支那必亡論◎餘數件

▲瑣談片片……二十二條

▲紹介新著

●專件◎杭州教育會章程

●小說◎斯巴達之魂(續)◎雌雄蜥

●文苑◎祭沈禹希文◎述懷◎送賀君

歸國◎聞俄警有感

●調查會稿◎富陽縣物產表◎浙江

銷場稅之一斑(承前)◎浙江全省房捐

酒捐膏捐總數一覽◎餘數件

●浙江文獻錄

○張公塢言集……北征錄

三圓二角……(冊二十)年全  
一圓七角……(冊六)年半  
三角……(冊每)售月

(1199)

外郵  
加稅

## 總發行所

日本東京牛込區  
東五軒町九番地  
浙江潮編輯所  
上海英租界大馬路壽康里永記書報代派所

## 浙江潮編輯所

潮 江 浙

錄 目 期 九 第



一歷史之發達也必有一新理想爲之先聲一政策之成功也必有一新學說爲之

學界焉。

近頃以來。民族主義之聲。漸播于吾國人之口筆。提倡主持者。頗不乏人。是其造吾國幸福之種子乎。雖然。一學說有、一學說之、主要。一主義、有一主義精神。語焉而不詳。擇焉而不精。是終不能放光明于黑暗世界中也。余故集諸大儒學說。擇其至簡至精之論。而適合于吾國人之程度者。以紹介于我學界焉。

### 民族主義



## 游學譯編

第二十期

癸卯九月十五日發行

全年十二冊 每冊一角五分 郵稅酌加

圖畫 ○壬寅冬孟同鄉會攝影 ○癸卯春

季同鄉會攝影 ○癸卯秋季同鄉會攝影

社說 ○湖南自治論

軍事 ○二十世紀之軍事問題

實業 ○日清銀行設立之運動

外交 ○續滿洲問題(續)

歷史 ○十九世紀歐羅巴歷史之壯觀

地理 ○地相測算沿革談(續)

時評 ○遊曆官之愛國淚 ○增祺之結果

○王文韶亦免官乎 ○鐵良誤矣 ○諸君

見約束留學生條約否

小說 ○黃人世界(續)

餘錄 ○遊臺紀略

附錄 ○湖南同鄉留學日本題名補錄

總發行所

日本東京神田駿河  
臺鈴木町十八番地  
上海棋盤街

支那留學生會館  
明權社

謹告代派處及閱者

本編自去歲創辦以來爲

海內外同志所鑒許期年之間銷行頗鉅惟同人等以學課餘暇組織成章文多難雜深自負疚今屆第十二期特大加增刊較前約逾一倍文之優劣閱者自有定評同人等以前者體例多未完善印刷亦須改良擬暫停數月一俟議有頭緒即行續刊屆時再當奉告

又上海湖南總代派所及各分派所辱承厚愛經理年餘無任感荷所有各項賬目多未清理本社以年終須一律結算務望各代派諸公趕速清算將所存各款匯寄本社不勝盼禱之至

回一月每 日望歷陰

前導其始。二三學者竭其心思耳目窮搜冥索辯論提倡以求一正當之理解而公之于世。之。人。羣。然。和。之。者。日。衆。則。時。勢。成。焉。時。勢。成。則。雖。一。代。之。人。豪。逞。其。私。智。以。求。抗。此。天。然。之。發。達。亦。必。陷。于。頹。敗。而。不。可。救。有。識。者。知。其。然。也。利。用。其。時。勢。以。成。莫。大。之。功。彼。拿。破。命。之。所。以。敗。加。富。爾。畢。士。麥。之。所。以。成。者。豈。偶。然。哉。時。勢。之。所。在。順。之。者。成。逆。之。者。敗。也。試。觀。自。古。典。復。興。之。時。代。以。至。于。今。能。破。除。世。界。的。國。家。之。理。想。以。演。成。近。世。光。榮。之。世。紀。者。其。中。心。唯。一。之。點。果。何。在。乎。曰。是。不。得。不。歸。功。于。民。族。主。義。

民族主義有一定之學說行于世者。自伊太利之滿基尼始。滿基尼之言曰。國際公法之發出點不在國家而在民族。故欲集人類而構成一合法永久和平之組織。體決非可以制服風俗宗教國力平均共同文明爲之。而在分各國家以成一完全的國家。所謂民族的國家是也。是故視察古今歷史之大現象。人類之運動無不以建立民族的國家爲原動力。而此民族的運動于其終局未有不得勝利者也。其爲說精深雄辯。人不能屈。伊太利學者多唱和之。未幾而風行于歐洲。厥後加富爾

統一之事業亦藉以成功。而伊太利學派之名遂現于世。雖然。滿氏以前倡民族之論者。未嘗無人。也。于十三世紀時。伊太利學者馬加文理封君論一出。以爲同一之民族爲政治上之元素。其後羅馬洛基氏者法律哲學亦主張馬氏之說。推闡敷陳。頗極精密。特未嘗持一不易之主義。以號召于世耳。故論者又謂馬氏爲民族主義之鼻祖云。夫學術未甚發達之時。學問之名詞極不完備。故往往以一名詞表示多數之意思。民族一語。見于歐洲學者之著書。始于羅馬西舍倫之共和篇。中多混國家人民民族爲一。日耳曼學者亦多採用之。爲學術上之定語。于實際頗多不便。請先舉諸碩學關於民族之定義。而後言其區別。

(一) 滿基尼曰。民族者其境土祖先風俗言語共同一致生活社交聯爲一體。兩者相互而成自然之結社者也。

(二) 范萊露哥拉曰。民族者人聚之自然的結社也。蓋其起原土地言語遺傳物等無不相同。因互相生活以成一致之社交。乃積人以成之團體也。

(三) 亞涅塔曰民族者順應乎人類生活之方而有機體中之一肢體也。

(四) 伯倫智理曰民族之爲物于其自然之意義可謂之爲個人何則民族者人類全體之一部歷史上之發達乃其進步之稟實故每經無形之修練(如風俗言語法制類)而歸于一致以發現于世者也。

(五) 亞倫斯曰民族者因種族言語社交三者之團練以相結而成一無形的有機體而三者之間尤以社交之功用爲最要蓋種族自中世紀人民移殖以後已漸趨于薄弱惟社交之力能驅此散處之人羣使化生民族學者于此最宜注意。

(1204)

取以上諸說折衷至當而與以簡要之定義曰民族者自然的(如種屬風俗言語社交)有機體(爲人類活動之一部)也惟其爲有機體故異于人民惟其爲自然的有機體故異于國家。

近世之國家有與民族一致者若英吉利日耳曼法蘭西意大利西班牙葡萄牙日本是也有一民族而成多數之國家者若中古之意大利是也有一國家而自多數

之民族成立者若奧士馬加土耳其是也。自同一民族成立之國家其結合強固且最有勢力是之謂民族的國家又曰完全的國家一國家自多數之民族成立者其結合薄弱非其各民族更其名目以成多數之國家則其國終不免于滅亡是之謂非民族的國家又曰不完全的國家然則完全之國家何由成乎曰欲構成完全之國家必先構成完全之民族請進言民族構成之要素。

### (第二)境土(地理的要素)

伊大利學者多以地理爲民族構成惟一之要素而倡民族各占有自然境土之論者此其所以受反對者攻擊之原因也夫謂地理爲構成民族之要素則可謂民族構成僅由于地理則不可蓋一民族之發生決非單恃地理之一端必由于其他種々之原因然後能結一致之團軀以自立于生存競爭之世若專以地理言則拉音河以東皆可謂之爲德人拉音河以西皆可謂之爲法人住于小亞細者不得爲希臘人住于伊大利之北部者不得爲瑞西人僅恃山川河海自然境土之區別以爲

(1205)

區別民族之標準。理論實際兩無所當。非真知民族主義者也。羅馬洛基曰：「民族者得自然之精神與共同之地理付之以一致之徽章與模型之民團也。」斯言得之。

### (第二種屬)人類的要素

種屬與民族構成之關係其最有力乎。觀于滿基尼之言可以知矣。滿基尼以爲以人類與他動物比則固爲一般特別之體。然其自多數之血屬互相區別乃事實上永久不可磨滅之迹。是故聚多數之種族棲息于同一之境土。非經永久之交際。無數之婚姻。別生新種族之後。則必不能自立。若同一之種屬。則其物質精神之性格無不相習。故互愛互助之心。不期生而自生。是言也可謂論民族者不易之見矣。

### (第三)言語(理性的要素)

同土地者同語言。此普通之現象也。況其言語同。則其感情同。思想同。祖先亦大抵同。是其爲構成民族之要素也。固無論已然。固已有同。言語而不同。民族者同民族而不同。言語者英之于美。南美之于西班牙。瑞典之于德。法意是也。則言語者固非必

(1206)

不可闕之要素也。歟

然則境土同種屬同言語同。可以成民族乎。曰：未也。以無精神故。

精神者何。曰：國民之特性。

觀于此。可以知民族興廢之原因矣。處于人類社會生存競爭之世。而集一獨立之團體。必有對於外及對於內之良心。然後可以自保。良心云者。非僅一時之感情。實由于遺傳性。及歷史之關係而成者。也是故英人有英人之良心。焉。法人有法人之良心。焉。不可強同。亦不可強異。而其中各具有一種不可思議之質點。以陰爲驅使。故聞其祖宗光榮之歷史。則欣然以喜。聞其祖宗失敗之歷史。則泣然以悲。軍人因之而輕生。國民因之而自愛。其政治家教育家。又各因其固有之質。而發達之以擴張其民族之勢力。嗚呼。此何物耶。所謂國民之特性者。非耶。蓋民族者。有機體也。地理言語種屬者。其構成之一部分也。國民之特性者。其魂魄也。質言之。爲民族之精神。文言之。爲國魂。亞利盎人種之所以雄于地球者。賴有此耳。近世以來。俄人挾其斯拉夫人種統一之政策。以趨巴爾幹。匈。奧。人。大權迎之。而識者知其國之將衰。以

(1207)

其特性日漓易爲外物所化故也。且不觀夫瑞西乎。彼以蕞爾之土地。各別之語言。雜居于列強之間。而不可挫其民族之名者。豈無故哉。論民族者。可以知所本矣。學說之有勢力于世。且有益于世者。未有如民族主義之甚者也。滿基尼倡之于伊。而伊統一威龍求利倡之于德。而德聯邦今則政治家無不定爲國。是而實行其政策焉。然其所以取信于世者。豈無故哉。經多數學者之頭腦之耳目。知民族主義者。眞理之所在。而無可如何者也。請證之以人類自然之進化與歷史之現象。人類由于其遺傳雜婚。及外國語之輸入。宗教之信仰。政治上之變動。經永久之年代。自然構成種々之團軀。故今日之合衆國。其民族已不同于英吉利南美之住民。其民族亦不同于西班牙。蓋由于以上種々原素發揮其力。日進月化。由同而異。遂至離其舊習而成一種特別之國民。若動物之肢軀。然其原始時代。渾渾沌沌。無所區別。及由于自然之進步而分科焉。個別焉。動物之全體成矣。人類社會之進化亦由夫斯。自渾然一體。漸畫爲多數之國民。而人類成。一大有機體。其活動力日增。月長。而未知所極。此固人類進化自然之結果。無足怪焉者也。

難者曰。由子之言。以民族爲人類之肢體。誠是矣。然各肢體之互離。不有破壞全體一致之恐乎。曰。是不然。生活于人類之民族。猶生活于社會之個人也。社會未進步之先。個人之性質互相近似。及其進化之程度日高。則其個人之特性亦日發達。其性格之差異亦愈遠。而社會乃利用其勢。以成分業之功。而益得有形無形之富。此非今日言經濟學者所共認耶。一個人者。社會之肢體也。一民族者。人類之肢體也。則民族之發達其特性。不特不能妨害人類全體之一致。且可以收民族分業之功。也可斷言矣。

民族自然進化之理。既發見夫世界。則彼妨害民族獨立自治之舉。必不能奏其效者。固無足異。

不觀夫古代亞細亞之大帝國耶。亞歷山大以不世出之雄才。遠征四出。屈希臘滅波斯。服埃及入印度。馬足之所經。無不俯首于一王之宇下。又復誅戮功臣。廣立屏翰。以固此帝國之基。其規畫不可謂不宏。眼光不可謂不遠。然而骨肉未寒。內難旋作。種族之爭起于國內。而志利亞希臘安息大夏諸國紛然起矣。不觀夫土耳其耶。



于中古世紀征服歐洲之東方虐待其人民滅殺其勢力希臘塞爾維亞布爾加尼亞諸民族之名幾不復見于世界乃十七世紀之後內部分裂外難乘之獨立之旗遍巴爾幹矣又不觀夫蒙古乎鐵木真忽必烈累代之經營聯合東西縱橫南北創一亘古惟一之大帝國復分封諸王各守其地以爲子孫帝王萬世之業也乃百年間分裂橫絕蔥嶺東西幾無蒙古人立足之地今且爲人奴爲人僕之不暇矣蓋威壓異種以逞雄畧者其禍若是之烈也他若羅馬人之滅亡拿破崙之失敗種々歷史不遑枚舉要在會心者自得之耳

是故民族之于世界猶個人之于社會對于內有絕對之所有權對于外有絕對之獨立權若一民族起而建獨立自治之國家無論何人無對抗之權利此民族主義之本旨而主張國際法二本主義之學所共認也

今日吾國深識之士亦知完全的國家之運動不可以一日緩也于是大聲疾呼以告于人世愛國愛國中國人不可以不愛國其愛國云者非文明各國之所以興而吾國今日必不可緩者乎雖然吾輩今日所處之地位不特爲無國家的民族而且

爲無民族的人民庸昏驕蹇麻木不仁其社會也滑稽詭譎談笑詆譭其言論也不見不聞無知無覺其人心也所謂自然的有機體其果何在乎以無國家的民族與民族的國家遇幸則爲日本不幸則爲波蘭以無民族的人民與民族的國家遇則印度已耳安南已耳憂國者每以波蘭非律賓爲吾祖國悲吾恐以今日大陸蠢々之情狀雖欲造成一種亡國光榮之歷史且不可得其他何論焉是故吾輩苟欲爲完全的國家之運動則不得不以構成民族爲唯一之天職決非可以枝々葉々循牆而走以塞吾責也抑又思之言論者理想之事業事業者實際之理想也伊大利無馬志尼之精神教育則雖百滿基尼又何救于壤地利之壓制普魯西無畢士麥之鐵血主義則雖百威龍求利不能成日耳曼之聯邦天下無不爲言論造之時勢更無不爲時勢造之英雄興念及此余欲無言

(完結)

堯之都舜之壤  
禹之封於中應有一  
箇半箇耻臣戎

(1212)

# 軍事

俄國軍隊一班

危險。危險。病夫。非我。老大帝國之現象乎。我國而自願夫瓜分也。則已。若猶未然。則無論各國急瓜分。不急瓜分。皆不得不與俄戰。與俄戰。則敵軍種種之狀況。凡爲國民。不得不探偵之。以無負我兵家知己知彼。百戰百勝之祖訓也。不辭謬陋。就其見聞所及者。舉以餉我同胞。

癡人識

第一 俄國軍隊之區分

●俄步兵之組織。於他文明國之軍制無大差。詳列如下。

▲——一師團——二旅團——四聯隊

▲——一聯隊——四大隊——十六中隊

▲——一中隊——二半中隊——四小隊

●其外有撤兵旅團之組織。如下



軍事 俄國軍隊一班

(1213)

- ▲—撤兵旅團—撤兵四聯隊及輕砲兵二中隊
- ▲—撤兵聯隊—二大隊—八中隊

●俄軍之各聯隊。皆描俄帝首字及雙頭鷹於旗。大隊中隊爲集合之便易。另有小旗。此小旗附於銃劍上。以大中隊之旗手攜帶。大隊之小旗。有白黃黑之三色。黃色在中央。以羅馬字記大隊之號數。大隊之號數。水平線。中隊之號數。縱線。直易識別。中隊小旗之色。與所屬聯隊兵襟章同一。

●見俄軍之服裝旗色。即知其爲第幾大隊。蓋赤色者第一大隊。藍色者第二大隊。



白色者第三大隊。濃綠色者第四大隊。有一定之例在也。撤兵大隊亦如之。小隊有小旗。全部赤色。俄軍旗與服裝之色多類此。


### ●俄騎兵之組織

- ▲—一師團—二旅團—四聯隊 (近衛之外則龍騎兵三聯隊及哥薩克(ガザ)一聯隊)—二十四中隊
- ▲—哥薩克一師團—哥薩克四聯隊—速倒里(ニト)二十四中隊
- ▲—一聯隊又哥薩克一聯隊 以六中隊成 屬哥薩克者云
- ▲—國境騎兵一聯隊—四中隊


●近衛騎兵聯隊。與龍騎兵聯隊。有聯隊旗。哥薩克各聯隊亦同有聯隊旗。其他屬哥薩克兵之聯隊。六蘇德尼。皆有附於鎗之基準旗。而聯軍基準旗。爲四角形。色與肩章同。中央記聯隊之號數。始終置聯隊長之側。蘇倒里之基準小旗。有二色。上部與聯隊之肩章同色。下部與蘇德尼同色。即第一蘇德尼。赤色。第二蘇德尼。鮮藍色。第三蘇德尼。白色。第四蘇德尼。濃綠色。第五蘇德尼。黃色。第六蘇德尼。褐色也。而

其蘇德尼之小旗。置於蘇德尼右翼。

(シ ド)音 德  
旗 隊 聯 克 薩 哥



克薩哥(ルイラウ)爾拉烏  
尼德蘇(色白)之三第



四

### ●俄野戰砲兵之組織

▲一砲兵一旅團 乘車砲兵六中隊 (重砲第一乃至第二中隊輕砲第三乃至第六中隊) 砲四十八門

▲一重砲兵一中隊 砲八門 (一〇、七珊知米突) 彈藥車十六輛 豫備砲架一個

▲一輕砲兵一中隊 砲八門 (八、七珊知米突) 彈藥車十二輛 豫備砲架一個 (行軍中彈藥車豫備砲架皆隨砲兵中隊之直後)

▲一乘馬砲兵一中隊 (豫備師團例有二中隊) 砲六門 (八、七珊知米突) 彈藥車十二輛 豫備砲架一輛 (行軍中彈藥車中之六輛及豫備砲架隨砲兵中隊之直後)

▲一白砲一聯隊 白砲四中隊

▲一白砲一中隊 野戰白砲四門 (一五、二五珊知米突) 彈藥小車六輛 彈藥車十八輛 豫備砲架一輛

### 第二 俄軍之服裝

●一般俄軍之被服戰時所被之略帽。多濃綠色。鉢卷之色。依兵之種類而異。軍服大概着濃綠色。鈕付在右方。有鉤接合。全軍皆着靴。步兵或時穿長靴。或時穿短靴。名下路窪里(シャロワリ)者。外套各兵科均有。悉灰色。肩章襟章同軍服。

●步兵及撤兵之軍服窄袴帽蓋濃綠色。襟與反袖亦濃綠色。(除近衛)常備師團各聯隊之服裝。悉由帽之鉢卷襟章肩章區別。今就此三者。分各師團(第一至第四聯隊。為第一師團。第五至第八聯隊。為第二師團。第九至第十聯隊。為第三師團。

以下準此之色如左。

- ▲第一聯隊赤色
- ▲第二聯隊青色
- ▲第三聯隊白色
- ▲第四聯隊濃綠

色


●肩章注聯隊與師團之號數。(或以名稱之首字代在若干聯隊之號數)而聯隊之號數注於帽之鉢卷。帽章倭聯隊號數之上。

撤兵聯隊(其一部駐屯接於德國之邊境)與他步兵異。制服悉濃綠色。無綠色者着紅色之肩章。肩章與帽之緣。記聯隊號數。帽無鉢卷。唯紅色之覆庇。

擲彈兵第十聯隊也。

●例如步兵第十八聯隊。則屬第五師團之第一旅團。其服裝如上圖。

●近衛步兵赤色之襟章。注號數與名稱之首字。與黃色近衛之襟反袖襟章。帽之鉢卷。有異。擲彈兵第十六聯隊。(屬墨斯科擲彈兵軍團)皆着黃色之肩章。襟章。帽之鉢卷。又各異。帽之鉢卷。注聯隊號數與T(俄國文字之Г)如記101。所以示爲擲彈兵第十聯隊也。



(1218)

豫備步兵師團之服裝。與常備師團無異。唯肩章上師團號數之下。有聯隊號數。帽上注聯隊號數。同撤兵聯隊之步兵。

●俄之騎兵由龍騎兵(多半)及哥薩克兵而成。甲騎兵鎗騎兵驃騎兵等。僅近衛騎兵有之。

近衛甲騎兵。如德國甲騎兵。用白色之略帽。有一列之釦。着綠色之上衣。近衛鎗騎兵。近衛驃騎兵。與德軍全同。龍騎兵附師團三聯隊即十八中隊。服裝如步兵。上衣反袖及帽蓋濃綠色。其與步兵所異之點如左。

▲一窄袴灰青色(步兵濃綠色)

軍事 俄國軍隊一班

常備步兵卒(正裝)



(1219)





唯理說。有時亦稱爲先天說。此說所主張者。以真正之知識。其起源實存於吾人之理性。吾本來之心意。原備有根本的原理。而吾所直覺之原理。則有先天的性能。非由經驗之所得。此爲唱唯理說之特色。唱唯理說者。古代之哲學家則柏拉圖。近世之哲學家。則笛卡兒。斯賓塞。拉衣撲尼茲等。之數人之學說。雖爲同一之唯理說。而所以論此理性之所在。則又互有異同也。茲就其最著之點而略述之。

柏拉圖之說曰。吾之心意。嘗生存於他世界。即實在界中。而此世界則假現界也。入此假現界。宿於身體之中。則忘其實在界之事。全不知前世界之所爲。自吾之身體與心意共爲發育。則次第追想其前世界。即實在界之事。其所追想者。決非由經驗而得其觀念。可知永遠不易。必能普遍其真理。是皆有先天的觀念也。至於有生得的觀念者。則吾於此世界所得之觀念。僅假世界之事寔。決無永遠不易之真理。此由於世之經驗而得之知識。乃物影之肖像。必無實在之知識。假世界之知識。必不具真正之知覺。所謂浮世之幻夢未覺者也。

笛卡兒之說曰。先天的寔例。如數學然。數學之原理及定義。決非由吾經驗而得。蓋

(1222)

古今普通永遠不變之理也。吾之心意。有生以來固早備之。要不過明白分明。而有思想之眞寔耳。(Quiaquid clareae distincte denipie verumest est)明白分明。眞寔思想。即先天的觀念之特色也。

繼笛氏之說而完全之者。則有德國斯皮諾柴氏。反對笛氏之說而辯論之者。則有洛克氏。調和兩說者。則拉衣撲尼茲氏也。拉衣撲尼茲氏之說曰。吾之心意。有一定傾向。即從此發生必然的原理。此傾向有生得的。此意義或觀念。潛在吾心意之中。則有生得的傾向。必由經驗之刺擊。引起其固有潛在力。而爲現實力。於是已然之眞理乃見。由斯之離。吾之經驗。而認識無存。僅恃先天的知識。而眞理或有未盡。微拉氏調和笛氏洛氏之說。其或然歟。

### 第三節 經驗說

經驗說。有時呼爲感覺說。其要點則在吾人類之認識。皆由經驗。而生唱經驗說爲知識之源者。於近世則自洛克始。洛克否定生得的認識。以謂吾觀念皆由經驗而生者。吾心意最初之時。其表面如白紙然。迨種々觀念。由經驗而來。則如白紙之有

(1223)

書字。此經驗之淵源。由於感官之觸於外界之事物。覺知內界之狀態也。且洛氏謂心意之經驗。非受動的。乃活動的。充氏之說而有唱為感覺論者。海尤姆承斯說而謂普通必然之觀念。例如因果之觀念。蓋觀念之由於經驗。吾之習慣種々之觀念所由來。即生得的先天的觀念。亦盡由經驗而生也。

英國主張聯想學說者。如黑篤來彌勒父子等。說明因果之觀念。如普通的必然之觀念。盡由觀念聯合之規則而生。反對此說之起者。則有蘇格蘭國之常識的真實說。即吾生得的觀念。備於生來普遍的必然的之觀念。決非由經驗而生。此常識的直覺派。如李篤為唱始也。

斯賓塞則基於進化之原則而調和之。斯氏之說曰。普遍的必然之觀念。無論由於經驗而生與否。然個人非由經驗而生。而吾人類之先祖。則有由代々之經驗而生者。吾受續吾先祖之經驗。次第有普遍的必然性。則原始之人。可決其為有普遍的必然性矣。故先天生得的之說。未可非也。雖然。從人類之經驗。考其起源。則論經驗而就斯氏之進化的說明之。自可燭近世學者之缺點。而得其完全之論矣。

#### 第四節 批評說

批評說。自康德創唱之。調和於唯理說。經驗說二者之間。蓋謂吾之認識之淵源有二。一悟性。一感性。感性者。認識之資料。即供給感覺者也。悟性者。認識之形式。即供給範疇者也。感覺與範疇結合之。而認識成立焉。故吾之認識。由於悟性與感性之協動也。由康氏之說。而唯理經驗二說之調和可明。推而言之。吾之認識有二要素。即含普遍的必然性之分子。與特殊的偶然性之分子二者也。此分子不存。即吾之認識不確實。以是知悟性之作用。即由於先天的形式與感覺結合而生。而諸種之範疇。即認識之形式。統一認識種々之作用。即統覺之唯一性。所以總合諸種之感覺者。範疇也。統一總合範疇者。統覺之唯一性也。

關於認識之起源。以康說最近真理。然考輓近之心理學研究之結果。又有記憶想像及諸種之感情與意志之作用。為心意之全體。乃得認識之成立。固不僅悟性感性二者之協動。然就其說而論證之。為關於認識之起源之一大改良。則凡研究認識論者。要不能忘其功也。

## 第五節 認識之本質

關於認識之本質問題。於認識論中爲最重要之點。以學者多岐異之說。故欲解釋此問題者。必就認識與實在之關係解之。則關於認識之範圍。及其確寔等之問題。不難冰解。所以綜古今之學說。立種々之異論。而大別之則有三。一寔體論。(Realism) 二觀念論。(Idealism) 三現象論。(Phenomenalism) 就諸說而詳論之。知關於認識之本質問題。屬於認識論。而心理學上問題。有非可同一視之者。蓋心理學爲吾人認識事物之方法。即就認識作用。而攻究及所認識者之本質。而全爲研究。以認識與實在之關係。屬於心理學之範圍。而心理學則攻究心的現象。即心意活動之現象也。由是以知客觀的實在。與心的作用之關係。乃屬於哲學問題之一。而認識問題。吾當如何攻究。認識之心的作用。則就認識與實在之關係。不難得其明確之結果。所以心理的攻究。論理的攻究。與認識論之攻究。三者雖互相補助。而其攻究之目的。則不同。使僅從心理學論理學的攻究。而求認識之滿足。則認識論之攻究。必不能得其充分之程。故欲論認識之本質問題。則不得不從認識之考察點。而論

其大端也。

## 第六節 實體論

實體論者。認識之對象。於外界存在之實物。爲吾之觀念有寔體之模寫。以考外界之實體。與有相似者之說也。物體者。存於時間空間之實體也。時間空間則有實在之存於心。外故凡物體之諸屬性。其形其色。其種種々之性質。無不存其根據於物體。而僅爲主觀的之說。此實體論之種類。又分爲常識的實體論。科學的實體論。批評的實體論之三種。常識的實體論。則以外界之物體即實體。與吾之觀念。備同一之屬性。詳言實體之色熱重大。存於吾之觀念。物體之屬性。盡存於心外之實體。即普通之人。考其平素。無不然也。此外界之物體。即外界之實體。爲常識所基之者也。科學的實體論者。以認識之對象。爲決常識的寔體論。實體。元子也。物體。元子之集合也。故吾之觀念爲物體之寫真。然物體既爲元子之集合。由種々之刺擊。而生種々之感覺。故吾之知覺。盡根柢於元子。而知覺既非空想。而根柢則爲元子之結合可知矣。批評的實體論者。以物體之第一性與第二性立其差異。第一性存於物體。如

物體之延長。爲物體必要之存在。第二性有主觀的。如色香等存於通常之物體。此洛克等所唱之說也。由是觀之。三者之理由。則實體論之根據所存。與主觀的所在之觀念。不可相觀而得乎。

### 第七節 觀念論

觀念論者。與實體論爲相對立之學說也。其種類大別之爲主觀的觀念論。客觀的觀念論。批評的觀念論之三種。主觀的觀念論者。以認識之對象。論吾之意識現象。對於實在。而存於心外。則不能認識。故學者名此說爲獨存論。(Solipsism) 又名之謂心理的觀念論。(Psychological Idealism) 康德名之謂資料的觀念論。康氏主張形式的觀念論者。故區別之也。首唱主觀的觀念論者。巴苦來篤與夫衣赫推二人也。巴氏以實在爲知覺之事。非知覺則不實在。故巴氏說明知覺之起源。假定神明之實在。物體之刺激於心意。即知覺生。所以認識之對象。有意識之狀態。即神明之觀念也。夫氏謂哲學之起。我有有限的自我。絕對的自我。即由有限的自我與非我二者之性能。分化而來也。故夫氏以認識之對象。即爲吾之觀念。附絕對的自我於

觀念以外。而認其存在也。客觀的觀念論。於古代柏拉圖。與近世海格羅皆唱之。柏氏謂萬有之實質。有最高善之觀念。即神明之觀念也。海氏謂絕對的觀念。爲萬有根源。故萬有者。絕對的觀念之顯現也。此絕對的觀念。現於天然。現於人心。現於宗教。現於美之現象。一言以蔽之曰絕對。則神明也。萬有則顯現者也。批評的觀念論者。批評主觀的觀念論。與客觀的觀念論之說也。以謂主觀的觀念論。則終始一貫之說也。自我爲概念之成立。對之則爲非我。即爲觀念之必要。客觀的觀念論。則說明吾之認識。爲萬有之實質。惟此先天的論定。所以基於吾之經驗也。輓近之研究認識論的一元論者。莫不宗之。觀念論之派別。殆如是。

### 第八節 現象論

現象論者。吾之認識。關於萬有之現象。其實質不能認識之論也。其種類則分不可思議論。(Agnosticism) 定驗論。(Positivism) 批判論。(Criticism) 三者。不可思議論者。以萬有之實質。爲吾之認識。萬有之本體。則有無制約之實在。認識則有相對的。相關的。故認識出於無制約者。而哈米羅篤斯賓塞皆主斯論。蓋借宇宙之現象。認



識一切之勢力。謂之爲勢力。謂之爲不可思議。皆有至微之點焉。實驗論唱自法之文篤。蓋謂吾人類常就萬有者。探求形而上之原因。人類進步之歷史。有三段階。第一段階。以鬼神爲萬有之原。此爲宗教時代。第二段階。以實在與勢力。認實驗以上之事。此哲學時代。由此而達第三段階。即實驗時代也。於此時代欲認識之。由於能力而起實業的原因。則不能發現象之法則也。此實驗論之說也。批評論唱自康德。蓋謂認識爲範疇感覺二者綜合而成立也。以純粹理性認之。以實踐理性假定之。窮感覺之起源。而物體之實在。即認識之對象也。此批判論之說也。

如上所述。既可略知關於認識之本質問題。古今學說。互有異同。更列表於左以明之。

現象論	本質論	寔體論
批驗論	觀念論	科學的實體
不可思議論	批評的觀念	批評的實體
批驗論	批評的觀念	批評的實體



## 臺灣三百年史

亞

盧

沿閩江流域出廈門而東望。狂風怒吼。落日無色。海雲蒼々。海水茫茫。之中有孤島在焉。其居斯土之一民族。聲音笑貌儼然我始祖黃帝之子孫。與我十八行省之同胞。無累黍異。然國旂招搖迎風而舞者。則旭日之徽章矣。穹石崔巍。凌霄而立者。則德配天地之紀念碑矣。噫。此地何地。我不忍言。我又不忍不言。我大聲疾呼。淚枯血竭。而終言之。以告我同胞。曰。臺灣。臺灣！！

游扶桑三島。過大阪博覽會。則人類館在焉。以我臺灣之同胞。廁于印度、安南、蝦夷、朝鮮、劣等民族之內。危坐兀立。以召人之觀玩。猷其髡首刖足之醜態。又有所謂臺灣館者。則做臺灣巡撫署而營造。酒樓茶座。環于其旁。而當墟猷茗者。又皆我臺灣女子。奴顏婢膝。服使令于環球諸人種。我見之而髮爲指。皆爲裂也。雖然。非我族類。其心必異。彼島夷何足罵我。獨悲亡國之民慘狀。乃一至此也。我爲我臺灣悲。我爲

我十八行省之將步臺灣後塵者。危我乃和淚于筆。嘔心爲墨。以草此臺灣三百年歷史。我臺灣同胞。听者我十八行省同胞。听者。哀莫哀于亡國。雖然亡國于同族之手。可也。亡國于異族之手。不可也。亡國于一異族。猶可言也。自異族之手。而轉輾販賣。以亡國于第二異族。不可言也。夫波蘭之分埃及之滅非我祖國志士。掉三寸之舌。執一管之筆。痛哭流涕。警醒國民。時所日々稱道。引爲前途殷鑒者乎。然彼祖國雖亡。猶得託庇于大英大法大俄大德大奧之宇內。爲純一不貳之順民。豈如我臺灣同胞。朝爲張氏婢。暮爲李氏妾。桃花人面。淪落年々。飛絮浮萍。飄零昔々。爲世界上最可伶之人種也。『貞女死耳。安能爲不義。屈民族殲耳。安能爲異種奴。』嗚呼臺灣！！嗚呼臺灣！！

立于今日。長夜漫漫。悲風慘々。亡國社會之臺灣。而遙溯三百年前。燦爛莊嚴之事業。若有無限低徊不已之情者。遺老歎。故國山河商婦話。當年車馬我同胞。其亦同此感慨乎。臺灣者我皇漢人種之殖民地。新領土也。當鄭芝龍未至以前。爲生番窟穴。榛榛狉々。依然原人時代之態度。其種類與美洲之土人。日本之蝦夷。同爲世界

(1232)

劣等民族。會芝龍自日本來。屯兵于此。驅狐狸。斬荆棘。移福建飢民數萬于臺中。墾土殖業。漸成邑聚。海內之民趨之若歸市。而生番舊族。則以天演公理。不能與我新種角逐。多伏處不出。于是此袤二千八百里。衡五百里。厥田上々。一歲三熟之海外桃源臺灣者。遂爲我黃帝子孫。譚斯哭斯之一片乾淨土。

彩雲易散。明月難圓。風潮益々起。盤渦益々急。當海外殖民事業增長發達之日。正中原多事之秋。黑龍江中之禍水。汪々其溢。長白山頭之妖鳥。飛々其啄。胡塵馬足。踏破神洲一舉而福。王虜再舉。而唐王死三舉。而魯王奔四舉。而桂王走銅駝。荆棘玉樹。苗香大好。河山腥羶。遍地而臺灣故土亦適以其時。淪于荷蘭異族。茫茫海內。外何處尋皇漢人種。駐足地乎。于是中國絕世英雄鄭成功。乃挺劍而起。黃帝紀元四千一百五十二年。以百艘浮海而東。逐荷蘭人去之。光復臺灣全島。名荷蘭所築赤嵌城爲承天府。置天興萬年兩縣。招徠中原遺民。奇人志士。抱民族主義者。咸蹈海往歸。成功又時出兵與滿洲爭泉漳諸地。謀恢復運動。結天地會秘密組織。以爲後勁。而數千年來上國衣冠中原文物。遂遺一綫之緒于此。海水重々。別有天地之

(1233)

孤島中。是謂臺灣全盛時代。

四

『胡奴未殺身。先死墓樹無枝。嘯北風。』四千一百五十三年。鄭成功卒。四千一百七十二年。鄭經卒。而孺子克塽。遂以私人之擁立。爲臺灣代表者。內政日腐敗。外侮日劇烈。家賊施琅復叛。降滿洲。四千一百七十四年。以水師來寇。克塽奉圖藉出降。唉。豎子不足與謀。于是亡國之慘劇始。一演于臺灣之舞臺。

麥秀黍離。傷心祖國。水深火熱。切齒胡奴。我臺灣同胞。其真心死而血涼乎否。不然。四千二百一十二年。漢奸王珍奉異族政府命。來宰制此土。嫉同種如仇。稅歛苛虐。淫刑以逞。禁臺人結會。自由及入森林中伐木。株連逮捕。二百餘人。臺民大憤。梟傑黃殿李勇吳外等。揭竿而起。擁朱一貴爲首領。杜君英輩蜂起和之。以夏四月入承天府。稱中興王。滿奴皆遁入澎湖。恢復機會。頓從白地上湧起。而施琅子世驃復以殺同種媚異種之遺傳性。率兵自廈門渡海。朱一貴迎戰。敗死。是年六月。臺灣復落于滿洲人手。中矣。


『使愛爾蘭一日淪沒于大西洋中。則英人始得安枕。偉哉我義俠之臺灣同胞。豈

(1234)

讓愛爾蘭哉。當四千二百六十七年。正滿洲全盛時。中原士庶。留于積威。方奔走拜跪之不暇。而蕞爾一孤島。忽于荒殿。峩々殘碑兀々之中。勃然湧出。天地會三字。此即百餘年前。絕世英雄鄭成功。所苦心運動之秘密團體。噓切餘之灰于今日。而青天霹靂。平地風波。驚醒愛新氏十全老人之迷夢者也。天地會黨魁爲林文爽。世居彰化之大理杙。地險族強。滿奴不敢過問。文爽司黨事數十年。勢力日益膨脹。浸々有動機。始遣兵來捕。又不敢直抵大理杙。而駐營五里外。焚數村以示威。人心大激。昂。文爽因而用之。夜覆其軍長。驅入彰化。繼復諸羅鳳山。軍威大振。而漢奸柴大紀。爲滿洲出死力。固守府城。攻之不能下。明年正月。出軍攻文爽。陷諸羅。死守之。相拒幾及一歲。至十月。而滿酋福康安。以兵至。文爽連戰數敗。卒以十二月走死。箐谷焉。大紀自以反噬同種之豐功偉烈。不肯爲福康安下。福康安譏之于滿政府。授首燕市。嗟々狡兔死。走狗烹。飛鳥盡。良弓藏。上蔡黃犬。華亭鶴唳。夫誰使汝以媚異族爲得計也。咄々黃帝之不肖子。哀々臺灣之大惡冤。

(未完)

(1235)



家樂音及家育教

!!!看!!!看!!!看

文明  
國寶  
音

上海曾志忞編輯

樂

續第六號

唱歌及教授法

音樂 唱歌

# 練 兵



(1239)

加批陸沈叢書初集四種出版

甲●建州女直攷 乙●揚州十日記  
丙●嘉定屠城記 丁●忠文靖節編

定價大洋七角

寄售處

日本東京留學生會館●江西省城教育會  
●上海國學社鏡今書局教育館●蘇州開  
智知新文瑞樓等書坊

政治 小說

**自由結婚**

初二兩編共兩冊

定價大洋七角

右書著者爲猶太遺民萬古恨譯者爲震旦女士自由  
花以經天偉地之事業寓乎兒女情懷繾綣之中小說  
界中之絕作也海內士人聞秀幸快先睹

(上海各書坊均有出售) 自由社告白

陽湖沈聯譯述

活 世 界

全 一 冊  
價 四 角

歐洲今日之文明悉胎原於十八九世紀交會時之變  
動使無十八九世紀交會時之變動歐洲與東亞可無  
異殊本書詳述變動時代之狀況一讀之下可以恍然  
於歐洲進步之所以

金一譯述

三十二年落花夢

洋裝美本寫真版二頁插入

定價大洋七角

日本宮崎寅藏與支那革命大豪傑孫逸仙同從事於支那  
之改革凡十有餘年是書即宮崎君敘述半生之歷史事々  
與支那有關雖當作支那近時革命史讀亦無不可

上海棋盤街

國學社告白

(1238)



## 練 兵

一 操場十里鬧盈々銅鼓喇叭一片聲

龍旂飛動當中一座演武廳

小砲連聲兵兵兵兵

大砲連聲轟轟轟轟

二 橫刀躍馬繞場行戰盔戰甲色鮮明

騎兵砲兵工兵步兵輜重兵

齊々整々來聽將軍令

軍令嚴明預備臨大陣

### 說明

此調謂之G調、有一#之記號記於譜首、以本調之s作d、故第一段第一節、讀作d d r r、其他由d而上下依次讀之可也、

第一行、即五線譜表、其下之1 1 2 2 乃畧譜也、

此譜爲二拍子、每節中應有四分音符二個、(如第二段之第一節)今第一段第一節中、有八分音符二個、及十六分音符二個、似與應有之數不符、然合計之、其音之長、仍相同、列式於下、

四分音符  
十六分音符  
八分音符

第三段第四節、只有二分

音符一個、其長與四分音

符亦等、如下

二分音符  
四分音符

音樂 說明及教授法

## 春 遊

音樂、唱歌



(1243)

## 教授法

教習上堂、先將譜之第一段、寫於黑板、注明讀法、(如 d d r r m r d L L d d s s s) 唱二三、使生徒審聽、且使認明音符之高下遲速及拍子之數、乃與生徒合唱五六回、(此時當和以風琴)畢、乃使生徒共唱、審其有無躁音者、如有、則矯正之、生徒共唱畢、更使之分唱、(二人或四人)細審其音之和否、和則繼以二段、教授時以恬靜活潑為主、如一時間不能教全四段、則教一段亦可、總以審聽生徒之發音、而切實矯正為要、且抑揚遲速之間、最宜注意、

注意

第一段第三四節之 s 及 L 音、係低音部之音、當唱得低、不可與第二段第二節之 s 及 L 相等、

(1242)


## 江 子 楊

音 樂 唱 歌



其一 長長長一亞洲第一大水楊子江

其二 嗵嗵嗵一汽笛一聲飛出黃歇浦




源青海兮峽瞿塘一蜿蜒騰蛟鱗

吳淞公共新商埠一江口開一鎖



滾々下荆揚一千里一瀉黃海黃

砲臺舊趾無一江底空餘活沙鋪



潤我祖國四千餘載歷史之榮光

西北轉舵回看三十六里煙模糊

## 遊 春

一 何時好春風一到世界便繁華

楊柳嫩綠草青青紅杏碧桃花

少年好齊々整々格外有精神

精神活潑々人人不負好光陰

二 學堂裡歌聲琴聲一片錦繡場

草地四圍一樣平體操個々強

放春假大隊旅行紮得都齊整

山青水綠景致新地理更分明

說明

此譜謂之F調，有一b

之記號，記於譜首，以本

調之F作d，每節之末，

有9之記號，當少停片

時，（參看樂理大意之

第十條）

## 戰 海

變 E 調


音 樂 唱 歌



|| 5. 6 5 3 | 2. 3 2 1 |

其一、白浪排空滾滾來一

其二、轟々大砲一片聲一



|| 6. 6 6 5 | 6. 0 |

遠々裏幾隻兵船

空中煙燄飛騰



|| 6. 6 5 5 | 1 2 3 | 5. 3 1. 3 | 2. 0 | 5. 5 5. 5 |

開足快輪就要戰全軍勇氣如雷

一雲間風平浪靜四海慶昇平




|| 6. 6 5 | 3. 3 3 5 | 6. 0 | 5 5 3 |

令旗昇排作長蛇陣望敵船

敵將逃萬歲呼聲高將士歸

九




|| 2. 1 2 3 | 5. 5 6 7 | 1. 0 |

衝一先鋒如入無人境

來人欽敬腰挂九龍刀

(1247)



## 楊子江

此歌第一闕寫江之來源去脈為吾國地理上重要部分第二闕寫自上海駛入是江時途中感情第三闕以下擬寫途中所見商埠名勝民俗物產及地理上種種歷史而以下略慰是江為結束

一 長々々亞洲第一大水楊子江

源青海兮峽瞿塘蜿蜒騰蛟鱗

滾々下荆揚千里一瀉黃海黃

潤我祖國四千餘載歷史之榮光

二 啾々々汽笛一聲飛出黃歇浦

吳淞公共新商埠江口開一鎖

砲臺舊趾無江底空餘活沙鋪

西北轉舵回看三十六里煙模糊

## 海 戰

一 白浪排空滾々來遠々裡幾隻兵船

開足快輪就要戰全軍勇氣如雷

煙々軍令々旗昇排作長蛇陣

望敵船衝先鋒如入無人境

二 轟々大砲一片聲空中煙燄飛騰

一霎間風平浪靜四海慶昇平

敵船沈沒敵將逃萬歲呼聲高

將士歸來人欽敬腰挂九龍刀

## 說 明

此譜爲變E調、以本調之m爲d、

## 遊 戲 法

以生徒分作三組、各以擬軍艦、

第一列爲旗艦、(如第一圖)占其首位者、持旗、

三組立定、(如第二圖)乃唱此歌、

唱第一首第一節第一句時、各作小步、(即蹈足)

唱第一首第二節第一句時、各開步進行、

唱第一首第三節第一句時、持旗者振旗、

唱第一首第三節第二句時、第一列作小步、第二列右側斜行、第三列左側斜行、

(如第二圖)速作橫陣、(如第三圖)

唱第二首第一節第一句時、橫陣皆作小步、

唱第二首第二節第一句時、小步停止、


## 新

音樂  
唱歌

其一 新 新 新 新 新 新 一 四 萬 々 國 民  
其二 新 々 々 新 々 々 一 四 萬 々 方 里  
其三 新 々 々 新 々 々 一 新 黨 出 奇 謀  
其四 新 々 々 新 々 々 一 新 民 其 聽 々



願 我 四 萬 々 國 民 一 日 日 如 臨 陣  
願 我 四 萬 々 方 里 一 變 做 黃 金 地  
願 我 新 黨 出 奇 謀 一 榮 光 照 五 洲  
願 我 新 民 其 聽 々 一 智 識 要 長 進




廿 世 紀 放 光 明 曉 日 昇 天 眼 界 清  
人 既 衆 心 要 齊 家 々 高 萬 黃 龍 旗 休  
富 我 國 種 復 我 仇 殺 盡 豺 狼 方 罷 人  
我 國 練 我 兵 五 洲 萬 國 做 主 人




新 新 新 一 新 新 新 一 四 一 萬 一 萬 國 民  
新 新 々 一 新 新 々 一 四 一 萬 一 萬 方 里  
新 新 々 一 新 新 々 一 新 一 黨 一 出 奇 謀  
新 新 々 一 新 新 々 一 新 一 民 一 其 聽 々


## 圖 一 第



## 圖 二 第



## 圖 三 第



唱第二首第三節第二句時、皆拍手歡呼、  
唱第二首第四節第一句時、左右復原列、  
注意  
每一節之第二句、須複  
唱、以便舉動之寬展、

## 蟲 秋


音 樂 唱 歌



C調 || 6 — 7 7 | i i 7 7 | 6 6 7 i | 3 i 7 6 }

其一 離々芳草 夜氣清——陣香風月正——明

其二 高々山上 夜色明——陣清風過園——亭




|| 7 i 7 6 | 3 4 3 2 2 | 3 0 3 0

金 鐘 兒 紡 績 娘 —— 哈 哈

油 胡 盧 青 合 蟻 —— 哈 哈

唱 —— 聲 和 —— 聲 —— 哈 哈

聽 —— 聽 停 —— 停 —— 哈 哈



|| 6 6 6 6 0 | 6 6 6 6 6 | 3 0 3 0

唧 哈々哈 唧 哈 哈 唧 哈 哈 唧 哈

唧 哈々哈 唧 哈 哈 唧 哈 哈 唧 哈

唧 哈々哈 唧 哈 哈 唧 哈 哈 唧 哈

唧 哈々哈 唧 哈 哈 唧 哈 哈 唧 哈

(1253)

## 新

一  
新々々新々々四萬萬國民

願我四萬萬國民日日如臨陣

廿世紀放光明曉日昇天眼界清

新々々新々々四萬萬國民

二

新々々新々々四萬々方里

願我四萬萬方里變做黃金地

保我種復我仇殺盡豺狼方罷休

新々々新々々四萬萬方里

(1252)



## 秋 蟲

一六

一 離々芳草夜氣清一陣香風月正明  
金鐘兒紡織娘哈哈

二 高々山上夜色明一陣清風過園亭  
油胡蘆青合哈哈

三 啣哈哈啣啣哈哈啣哈哈啣哈哈  
唱一聲和一聲哈哈

四 聽一聽停一停哈哈  
啣哈哈啣哈哈啣哈哈啣哈哈啣哈哈

(1254)



## 商業發達論(續第三期)

太 孟

## 第四章 商業發達之沿革

人文進化。商業之發達隨之。茲就商業中心點之移動。而考其沿革。

## 第一節 地中海之商業

地中海介歐亞非三洲之間。其沿岸氣候溫和。地味肥沃。居民開化甚早。交易盛行。誠三洲貨物聚散之一大市場也。其海濱有世界文明史上最古之事蹟。而最先馳逐於商戰之場者。實爲腓尼西亞。Phoenicia。其次爲加大其。Dardage。希臘羅馬。至第二期變遷之時代。則有意大利里城等。今條述之。以明其變遷之大概。

(一) 腓尼西亞 腓尼西亞於地中海開拓最先。沿小亞西亞之雷拔能山麓之一帶長地也。其地產物雖不豐。然山腹多樹。富於船材。故國民勇敢爲航海國之先導也。茲列舉其國民之所以倡霸於上古者於左。

實業 商業發達論(續第三期)

(1255)

(甲)國民勇敢善圖進取。

(乙)賽米惕人種。富於經濟思想。

(丙)國於沿海。

(丁)國產雖少。而鄰邦豐富。

(戊)富於船材。

其航行之範圍。東漸紅海。越阿拉比亞而遠至印度。西涉基甫拉太海峽。沿法國之海岸而北行。直至英德。南則沿非洲之西岸而下。且地中海有適宜之港灣。便於碇泊之島嶼。絕少風浪之險阻。而水域較小。雖非老於航海者。亦得安然航行於其間。然則地中海者。殊可縱橫濶步航海術之修習場也。

航海商業並趨於隆盛。國民因左列之二目的。而設殖民地。其尤著者。西班牙及非洲是也。

- (一) 航行遠海。數日夜相繼而進。必因之困頓。故途中必多設碇泊之所。
- (二) 必於地味氣候適宜之地。製造貨物而為輸出之品。或輸入本國製造之原

料而定。一生產之所。

其從事於航海殖民民既如此。而復經營商業。輸入原料。振興工業。製造物品。外國貿易之利益。悉為其所壟斷。其商工立國之政策。殆與今世之英國無異焉。

(二) 加大其 加大其者。繼續其母國腓尼西亞之事業。非洲北岸之殖民地也。有河流之灌溉。地味豐沃。而農產極富。利用尼羅之河流。輸送內國之物產。而行交易。其與未開之地貿易也。用一種奇妙之手段。謂之沈默交易。Silent Barter。商人攜帶華美物品。至則先揚烽火。以報其來。陳列貨物於海岸。及土人至。各挾其象皮象牙砂金諸土產。與之交換。得所而退。一以公正。絕無欺詐於其間。蓋當時言語不通。習慣絕異。非如此則貿易不行也。

其商業之臻於極盛者。原因有五。地土豐腴。資本充富。使用奴隸。富於經濟思想。工藝知識之進步。是也。

(三) 希臘。希臘港灣多而海岸線長。且近海鎮靜。風波不起。國內山嶽縱橫。產物以地方而異。航路開通。故國內商業發達甚早。而外國貿易亦盛焉。其國始營海賊

商業。抄掠外國之海岸。貪暴不知所爲。及其後也。悟平利交易之利益。經營國外貿易。而設殖民於海外。創立領事制度。謂之 Proxeni。分遣領事於海外諸要地。設領事之利有三。(一)察知駐在地之風土人情。(二)謀本國人營商海外之樂利。(三)於海外遇有訴訟之事。可以就近裁判。今日之領事制度。實濫觴於是焉。

(四)羅馬 羅馬之國民。是政治的。而非經濟的。有軍人風。而無商人風者。也。故商業之衰微特甚。加以蕩平諸國民。趨於奢。有貴族平民。而無中級之國民。振興商業。且地廣人衆。常輸入外國之物品。以供其需。而大利外溢。其後雖確立地方制度。修道路。疏交通。創郵政。興有益於經濟諸事業。然皆以政治軍事之目的而設備。於商業上絕少影響。迄乎末世。日耳曼種族自北方侵入。帝國瓦解。移首都於康士丹丁。

(五)康士丹丁及亞歷山 羅馬帝國之滅亡。政治及商業之歷史上一大紀元。而地中海之商業。爲之一變也。康士丹丁在土耳其之南。黑海及地中海間之要港。而小亞細亞位其前。歐亞之貨物由海陸而集中於此。亞歷山在非洲北岸。尼羅河

口。爲歐亞非三洲貨物聚散之場。以此而地中海商業之中心。遂移於此二地焉。

(六)阿拉伯 當時也。回教祖謨罕默德起於阿拉伯。以宗教之勢。兵馬之力。壓於四鄰。復興之通商貿易殖產興業。亞洲西部之商業面目一新。且阿拉伯人因與耶蘇教民異教。絕不交通。海上貿易絕。而亞非二洲之陸上貿易。乃日臻於盛。自亞歷山之商業衰微。而中心點移於卡伊魯。康士丹丁亦爲回教徒所陷。而永爲大陸貨物集散之場焉。

是時回教之勢力盛於亞。耶教之信仰盛於歐。無端而歐亞之間。忽起宗教之衝突。所謂之十字軍是也。自是以降。開歐亞貿易之路。輸入西亞之文明。社會之階級廢。尊商工。放奴隸。認都府之自由。因之而地中海之商業。煥然一新。十字軍者。實歐亞通商上之一新紀元也。其時商業之中心有二。一爲意大利之自由都府。一爲北歐之亨才同盟都府。

(七)意大利之自由都府 意大利之謀市府獨立也。始於十世紀。及百年而完成。而

極盛於中世之末。僅以排外自利。而速召滅亡。如腓尼斯、米蘭、甫祿倫、阿馬魯非、等。尤其繁盛者也。

甫祿倫及米蘭內地之製造農業。頗著大名。復以濱海之地。長於航海。故於十字軍之役。當兵士輸送之衝。遂得商業之特權。

腓尼斯派遣旅行探險之徒於各地。擴充新市場。阿馬魯非之研究磁石。助航海之發達。於甫祿倫設銀行。並分建支店於海外。握中世財政上之特權。整理簿記之法。禁止奴隸。熱心於商業教育。諸市之商工業。均稱極盛焉。

(八) 亨才同盟市府 九世紀時。海賊橫行。乃締同盟。共謀防禦。北歐商業。因之勃興。其最盛之時。同盟者凡七十有餘市。其布置之法。同盟都府廣大。則設總會以統轄全部。設居留地於各地。以交易大地之物產。設市場以謀貨物之集散。

自由都府與同盟市府。皆脫封建之壓制。以完全其獨立自由之發達。收攬其獨占之特權者也。然而前者以分立而黨朋相鬭。遂為外勢所侵。而招滅亡。後者雖富於團結之精神。得永持其勢力。及其後也。利害不能一致。分裂頓生。而同盟以外。諸市

府。漸得勢。諸外國亦同時發達。不能壟斷前時之利益。且無幾而印度之航路發見。商業西漸。葡萄牙、西班牙、兩國遂握大權焉。

地中海商業之變遷。既論之如此。更述當時貿易之通路。以示其方針。

(一) 南北貿易之通路 歐洲依亞耳潑山脈之連亘於中央。分為南北二大部。於北有亨才同盟市府。於南有意大利自由都府。而通此商業之二中心者。有二道。

(甲) 海道 自地中海經其勃拉得。沿法國之西岸而北上英國及甫蘭陀之海路。為腓尼斯商人所通行。而甫蘭陀之勃耳克實為亨才同盟之大倉庫。貨物集散之場。故直與南方互相交易。

(乙) 羅馬時代陸上之交通。多依岸道。至於中古。遂取河流之便。其時南北之通路有二。來因河及特細勃河是也。

要之當時南北貿易之中點。在北海岸者。勃耳克及亨勃伊。在南海岸者。腓尼斯及康士丹丁之二都。而其通路則來因特細勃之二河也。

(二) 東西貿易之通路 十字軍之役以前。中央亞洲之商羣。經諸方之通路。而出於

康士丹丁。與歐人交易。其後陸道艱險。而歐亞之貿易。皆由海道。其通路亦二。  
 (甲) 亞洲之通路 由印度至波斯灣。出排斯刺而分二道。一由惕格里河。一由夏甫拉底河。

(一) 溯惕格里河。出排克特。更北上而入康士丹丁。西折而經美索模坦米。出地中海而入腓尼斯。


(二) 溯夏甫拉底河。而由巴比倫西折。經希利亞之沙漠而入腓尼西。

(乙) 非洲之通路 自印度航行亞典。而登非洲。經沙漠。出尼羅河。沿流而下。至埃及之卡伊魯。更行二百英里之航路。出亞歷山港。而與意大利商人交易。

至十五世紀。回教徒跋扈。陷土京。葡人發見喜望峰航路。而此通路遂廢。因之地中海之商業。一躍而至印度洋、大西洋。而其中點亦移於彼焉。

(未完)

### 莽英雄殺人記



『天有何德以生人人以何物報天恩。殺殺殺!!! 殺殺殺!!!』此何言。此皇漢末日之草澤英雄張獻忠手書七殺碑上之言也。吾怨張獻忠。雖然吾愛張獻忠。張獻忠何人也。彼法蘭西革命之亂民也。彼希臘之副王而兼佳賊之亞利巴西也。彼埃及之獨立不成。惹入英法卒以就縛之亞利飛也。彼視陳勝、吳廣而有慚色。然彼視吳三桂、耿精忠而有完德矣。彼視韓林兒之覆元而有缺憾。然彼視洪承疇曾國藩之助清而有榮幸矣。夫勝則爲王。敗則爲寇。生不五鼎。食死當五鼎。烹張獻忠之舉。兵以革命宜也。我既立於革命之地位。則保皇和平皆欲與我。以頭顱相交。易利劍相親。愛伏尸流血乃必不可避之事。非犧牲其國民。乃治反對黨者之天職。

固如是也。況天演淘汰物競爭存精騎三千不可有一羸卒。斯巴達。人嘗以此法殺其兒。凡受革命之慘劇而死者。本不足以立於革命以後之世界也。然而事窮勢蹙。異種橫來。男兒不能笑談痛飲。餐胡虜之肉。以爲糧。復不能狹路相逢。朝刃於開門。揖盜者之腹。則無甯自行殺盡。無使異日屈辱於彼族。而爲奴隸於世界之歷史。雖曰其人實不祥。然優勝於所謂開國中興僕妾狗馬行之名臣大將。抗同胞殺家賊者。萬萬矣。諦听吾述張獻忠殺人之歷史。

有帝王有流寇。流寇與帝王有何分。吾敢斷言之曰。無分也。流寇者。光棍之代表也。然試問劉邦。朱元璋。獨非光棍之尤乎。帝王者。英雄之結果也。然試問鄭成功。李秀成。獨非英雄之秀乎。流寇以人民爲犧牲。然試問帝王何嘗視人民有天賦人權。神聖不可侵犯之義乎。有流寇有外族。外族與流寇有何異。吾又敢斷言之曰。無異而有異也。外族亦有時而入爲帝。然如阿骨打。成吉思汗。實爲流寇之種。而初無有變相也。流寇亦有時而起爲王。然遠如施琅。近如紅鬃馬賊。直受外族之奴。而爲之效其死力也。流寇而僨帝王之願。則必以人民爲寶貴。惟異族而篡帝王之統。則永

(1264)

壓制其人民。使歷劫不復見天日也。然則流寇何以足稱。以其不降於異族而死於異族。是以足稱。

張獻忠者。殺人之英雄也。而非革命之英雄也。彼於革命之宗旨。識之尙未圓透。然於殺人之學。說直可謂有天縱之能。充滿其量矣。獻忠於革命之役。凡三頓挫。彼起崇禎三年。依府谷王嘉胤。所向無敵。革命軍中號爲八大王。四年入晉。敗於曹文詔。嘉胤死。獻忠於是一頓挫。已而復起。渡河入梁楚。規蜀不克。九年自楚出淮陽。爲左良玉所敗。追及於宜城。刀拂獻忠面。額中流血。疾馬馳得脫。創甚不能戰。僞降於熊文燦。而安置穀城。獻忠於是又一頓挫。明年復起入楚。第二次規蜀。殘開縣。屠綿州。攻成都。不克。至瀘州而還。復出夷陵而東。北破襄陽。休兵光固間。入隨州。復爲良玉所敗。引兵就李自成。十五年督師丁啓睿破之信陽。傷股。走依羅汝才。汝才助之數百騎。獻忠至是復一大頓挫。然自是再出英霍。習水戰於巢湖。還破楚。稱西王於武昌。設五府六部。開科取士。已復南下長沙。至辰沅。還軍荊州。而後第三次入蜀。時則我皇漢氏族滅亡大記念之歲爲崇禎十六年癸未。思陵殉國。滿洲入關。而混世魔

(1265)

王張獻忠出此天生野蠻之鐵血手段益々加辣錦江玉壘間腥風血雨捲地來矣中國之波朋王家既狼藉摧殘於革命亂黨之手使倡此前而有羅伯斯比爾丹頓其人吾口不屑述張獻忠使承此後而有拿破崙其輩吾又心不記有張獻忠張獻忠者殺人之魔也雖然殺之有道白起也項羽也不如其爲張獻忠也赤眉銅馬也黃巢也不如其爲張獻忠也李自成也劉宗敏也不如其爲張獻忠也夫白項殺降卒而獻忠殺降臣則警人臣而爲不忠者也赤眉銅馬黃巢殺方盛之同胞而獻忠殺將亡之同胞則所謂無污於異族之手也李自成劉宗敏殺人之妻子獻忠則并自殺其妻子則所以示我鐵血主義之至公無私也至於惡僧妖巫奇倡怪優酸丁纏足之徒則殺之所以更新世界也嗚呼獻忠雖殘忍無人理一旦蒙艸寇之名以死然而不謂之英雄不可得矣

獻忠初破武昌執楚王見庫中積金歎曰有如許財而不散諸好健兒賣其戰死朱翦子眞庸人哉昇而沈諸江既入重慶瑞王常浩與巡撫劉士琦同被執獻忠降堦而迎執其手而笑曰我兵強於闖殿下畏闖而去漢中獨不畏我而去蜀豈非命乎

(1266)

四

殺之而將屠其民時赤日麗空忽大雷電起天地晦冥人咫尺不相見獻忠仰天而詬曰我殺人何與汝事用大礮向上擡轟之俄而晴遂并士奇殺之七月破成都蜀王及妃嬪皆自殺獻忠自稱秦王建國號曰大西改元義武獻忠爲人身長而瘦面微黃人稱之曰黃虎彼亦喜以之自稱其性特異恒醉柔而醒剛一日不殺人悒々不樂既王蜀召官吏紳士來見至則殺之或今日授以職明日復殺之前令吳繼善書祭天文其紙中接獻忠怒曰若不許天畀我一統趣速殺之後值迎春獻忠問降臣江鼎鎮春自何門入曰東門獻忠國號西拂然曰是出何典曰大明念典獻忠怒責一百棍江有故人代受五十明日飛騎收兩人并家屬悉殺之禁民間畜馬及試武生擇營馬極瘠劣者使乘而放砲發喊隨其後馬驚人墮宛轉塵埃間卒蹂死獻忠大笑開科會試取進士百二十人狀元張大受華陽人也年未三十身長七尺弓馬絕倫獻忠圖其像賜甲第一區美女玉帛家丁二十人廷臣皆賀已而坐朝奏新科狀元入見獻忠忽顰蹙曰但斬此頭來我心實愛渠但不敵畏之之尤甚明日傳美女家丁悉殺之明故相陳某有女獻忠委禽焉一日忽出示曰陳娘娘欲齋僧大

(1267)



僧千兩。小僧六兩。銀用黃封。帛貯大慈寺。諸僧遠近挂單。雲集或潛薙髮。暫爲沙門。冀得齋至期。入寺領銀者。萬人乃閉寺門。十僧貫一索引。出擊殺之。李自成自燕京敗還。遣兵圖蜀。猷忠廉知諸生有通欵表者。則大怒。命州縣教官率生監考試。教官之妻亦率生監之妻來省點驗。既至。聚大慈寺。照牌點名。驅之西城外青羊宮。坑殺之。共一萬七千人。所棄筆硯如丘塚。家屬發娼院。乃并娼優悉殺之。捕得敵兵卒。非烹即剝。官吏被擒者。諡曰賊胚。以刀周剝其頭。叱令剝頃刻間。全皮俱下。或稍與肉粘附。更叱善剝者。剝々々之人。於是人々自危。遠近樹義旗。傳檄聲猷忠廉罪者紛起。猷忠初志在帝蜀。至是鬱々不樂。日以殺人爲消遣。先殺武弁。次殺僧道巫卜工匠。乃出兵以屠城。自登高而望。兵所過有人煙者。將吏必殺。在成都夜出微行。听人私語曰。張家長。李家短。則又大喜。以爲是我黃虎獨霸之讖也。猷忠之初至蜀也。以男子之拒戰。悉斷其右手。或願易以左。則并兩手斷之。復斷婦女之纏足者。積之爲尖堆形。已而少一頂。猷忠有嬖妾戲問曰。吾足如何。猷忠大喜曰。佳。即斬此足。以合尖灌油塗蠟。引火燒之名曰『朝天燭』。穢臭聞數十里。一月不息云。

(1238)

詩曰。『挽弓當挽強。用箭當用長。射人先射馬。擒賊必擒王。殺人亦無限。立國自有疆。苟能制侵陵。豈在多殺傷。』猷忠雖殺人多。乎彼其革命思想。尙在幼稚民族主義初萌芽。是時皇漢滅後。已三年矣。苟痛哭縞素。布告天下。提携關洛之舊部。恢復燕雲之故都。明知天不祚漢。已成末日之期。然而田橫五百項羽三千。殺兮鬼雄亦足以豪於世界。計不出此。而乃困守蜀中。尋此下策。猛虎食肉。豺獠磨牙。徒知殘內而不知對外。君子惜之。猷忠既不出蜀。而滿洲方定中原。乃移兵西上。猷忠迎戰於平陽關。不利。則思背城一決。先燬成都城。焚蜀府宮殿。及未盡民房。火不能燬者。聚薪發砲以碎裂之。於是成都四面千餘里。百物皆盡。空如沙漠矣。猷忠嘗言見天神授以二語。曰。天有何德以生人々。以何物報天恩。乃自書之。續此下曰。殺殺殺殺殺。殺殺殺。刻於石。高數丈。名曰七殺碑。有道人諛之曰。陛下即天神。終當遺棄一切。仍歸上界。猷忠大悅。乃盡殺此妻妾一子。尙幼。亦殺之。曰。『我亦一英雄。不可留幼子爲胡虜所辱。』明朝三百年正統天意。未必湮絕。不出二十年。必有人能興之者。惟我則休矣。遂屠順慶。進屯西充。一日衣蟒半臂。腰三矢。單騎出營門。瞻敵。忽流矢洞。


(1269)

魯墮馬死。射之者滿洲肅王部下大將雅蘭布也。自是而蜀江無語。蜀山抱雲鶴唳。秋風猿啼。夜月莽英雄之歷史。亦於是終矣。雖然觀此殺幼子之言。猷忠者猶心乎明哉。

金一曰。有傳猷忠。豈以其能殺人哉。殺人者慘賊之道也。猷忠者不建設而工破壞之人也。今聚中國民族若蜀人若無。論何省人。萬其口。萬其舌。皆切齒憤眼。拔劍斫柱而唾罵張猷忠。唾之罵之。誠是也。然獨不聞揚州十日。嘉定三屠。其慘賊不下於張猷忠乎。何以至今言之而愉其貌。冲其辭。若行所無事也。豈我國民固有時而健忘抑猷忠胤祀之已絕。遂培擊塚中之枯骨。以爲快哉。革命而流血。猶因之與果。雖以湯武華盛頓之聖。而猶不免猷忠特殺人之魁耳。嗚呼。蒙大辱以生者。無甯死以中國。今日人種之劣。時々猷其囚奴狗彘色於外族。聞革命而訛說瓜分。而不信曰。我輩終當望政府！望政府！嗚呼。行尸走肉。充斥道路。演出無數醜活劇。貽世界笑。則張猷忠殺人之劍。非獨不造孽。而且將邀福於黃帝之靈矣。今日中國四百兆人。其幸而生者。特區々腐壳至其靈魂之界。乃於皇漢亡國大紀念之歲。先張猷忠。

(1270)

忠而自殺久矣。吾於猷忠乎。何尤。或者又傳猷忠埋骨之處。土生異艸。觸此多患。大疽。或致死。又有黃虎。白日噬人。々不敢過其地。有張懋賞者。受滿洲職。蒞任榮昌。主僕八人。入成都。四顧無人。日未暮。羣虎突出。八人之中。攫啖其五焉。英靈未沫。猷忠其真可兒哉。



(1271)

上海三馬路

望平街朝宗坊

本館爲開  
通風氣起  
見專運泰  
東西圖書  
儀器標本  
模形一切  
理化藥品  
運動器械  
各學堂應  
用教科書  
籍文具等  
件如蒙  
賜顧價目  
從廉批發  
另議外埠  
函購信資  
自給茲將  
詳細目錄  
價格列下  
以備採擇

一 ● 理化部

一號物理器械(六十二種)  
二號物理器械(四十五種)  
又本館選定甲(四十二種)  
又本館選定乙(三十二種)

一號化學器械(九十八種)  
二號化學器械(五十七種)  
三號化學器械(四十七種)  
一號化學藥品(百種)  
二號化學藥品(五十七種)  
三號化學藥品(四十四種)

本館選定化學器械及藥品甲  
又本館選定化學器械及藥品乙

二 ● 圖書部

中外方輿全圖  
最新東亞三國地圖  
亞細亞東部輿圖  
東亞三國地圖  
最新萬國地圖  
最新大清疆域分圖  
清國明細地圖  
兩半球圖  
小兩半球圖  
大清鐵道圖  
坤輿全圖  
東洋歷史地圖  
萬國分圖  
大清輿地全圖  
最新滿洲全圖  
支那現勢地圖


一	五	三	四	一	八	一	一	七	七	三	七	三	二	二	八	十	二	拾	六	四	六	八	百
					元	角	元	角		角	分	元	角	分	元	角	分	元	角	分	元	角	分
元	角	角	角	元	式	五	四	五	八			元	角	分	元	角	分	元	角	分	元	角	分

普通暗射世界地圖  
普通暗射大清國地圖  
暗射古今沿革地圖  
廣東省全圖  
日本明細地圖  
旅行新圖  
日本交通地圖  
新譯生理圖和製五色  
新譯生理圖已裱兩幅  
新譯生理圖  
天界現象掛圖  
世界人種圖  
列國發圖  
列國帝王軍服裝圖  
中國歷代帝王圖  
體操圖  
日本軍艦圖  
礦石圖  
前世界動物圖  
哺乳動物圖  
腔腸動物圖  
水棲動物圖  
爬蟲及兩棲圖  
海獸圖  
蟲類圖  
鳥類圖  
貝殼圖  
甲殼類圖

大大大大大大大大  
五二十<sub>十</sub>五五五五二  
張張張張張張張張張張

式一五拾	式式五	式式一三	七	七	一一	一一	一五	三一	一三四	一一	一五四二
元元	元元	元元元	元	元	元元	元	元	元	角	元	元四二
五五	五五	五五五五	五	式	元元	元	元	元	四	式	元角
角角	元元	元角角	元角	角角	角角	元元元	元角	元角	分	元角	元角

1273 ;



新白話報

本報之意趣

以白話演深理務期求合於我國多數人之程度障迴智識退化之惡潮

同人皆於學有心得而精心爲之故分門也多而取材也宏仿近來叢報體例凡粗通國文者即可手持一本而窺世界之活劇

門類十二(子)論說(丑)時局(寅)政事(卯)教育(辰)哲學(巳)軍事(午)歷史(未)地理(申)傳記(酉)工藝(戌)新聞(亥)雜俎

字數訂少成本不多定價從廉即吾國社會中之最苦者亦有力購閱藉享進化之益利

每月一册刊登二萬五千字左右定價每册洋一角五分全年一元五角半年洋八角陰曆每月朔日發行

女子世界出現 ● 全年二四月出一册朔日發行

發行所 棋盤街 大同印書局

贛省効愚氏編輯 定價大洋三角二分

哲理新發明

二十世紀之哲學一破從前空想之迷霧

發宇宙大主觀合萬有全壹體而趨注於一元之向上主義以迫人類上於進化之途洋洋哉義精理巨福我人類者良非淺鮮此編純採取近來東西大哲學家學說編輯而成針對吾國青年猛施鞭策中國青年其亟取讀之

發行所上海通雅書局贛州日新公司

教育 應用 眞 興 味 ● (人生美妙之感情)

常熟丁初我譯 定價三角

冒險 海外 天 ● (鼓助冒險之精神)

昭文徐念慈譯 定價五角

近世 豪傑之細君 ● (家庭 艷 話)

常熟丁初我譯 定價一角

戰爭哲學一斑 ● (發明戰爭之原理)

常熟丁初我譯 定價一角五分

發行所○上海文明開明廣智啓文各店 出版所常熟海虞圖書館

日俄開戰之先聲



自滿州撤兵延期以來東邦朝野志士激昂慷慨議論沸騰咸欲以黃色人種與可薩克一決雌雄其先則有七博士之建議次則有對俄硬青年會之激論終成議會大問題開會之初即思上奏以責政府奈政府執事諸大老深慎過周思欲以平和了局屢與俄開談判故七博士則致免官青年會則被解散雖堂々立法部之議會亦遭解散日政府之不欲戰彰々明矣豈知事與心違俄國之回答大失日本之希望既不肯遵約退兵又不允滿韓交換反紛紛進兵滿州并有駕凌朝鮮之氣概日政府於是知戰不可已遂亦日夜豫備半月來已大致楚楚雖內容尙多秘密吾人不易聞知僅列陳其

大勢 日俄開戰之先聲

已表見之舉。動告我國國民。俾知大亂將生。勿復優游自得。夢想昇平之境也。

臨時閣議及樞密會議。○日本內閣及樞密院開會。悉有定期。值此歲終。正當休暇。刻因時機切迫。於東十二月二十四五等日。連開臨時閣議。二十八日。更於宮中。開樞密會議。議定戰時應變之方。下記之緊急諸勅令。即其所議之事也。

緊急勅令。○二十八日。樞密會議後。深夜之中。發布緊急勅令。令凡四件。

(一) 財政上必要處分

朕經樞密顧問之諮詢。依帝國憲法第七十條。裁可財政上必要處分之件。茲公布之。

勅令第二百九十一號

第一條 苟有爲補充軍備而應支之費用。政府可臨時借債。移用屬於特別會計之資金。及發行國庫債券以支給之。

第二條 京釜鐵道株式會社之線路。利在速成。政府對該社之債券。保證其本利

之償還。俾可易集資金。克敷使用。

第三條 京釜鐵道株式會社。如因速成工事。須費用之補償時。政府得補助該社金百七十五萬圓。但遇不得已之事由。所費仍不敷應用時。政府得再補助金四十五萬圓以內。

關於以前項補助金支給補償之費用。別設詳密之監督規程以監督之。

第一項所定之補助金百七十五萬圓之財源。政府可臨時借債以充之。

第四條 當施行第一條及第三條之際。臨時借入金及國庫債券之利息。以週年六分以下爲率。歸還期限。臨時借入金。限以二年。國庫債券。則以五年內爲限。關於國庫債券之事。除前次所定外。得適用整理公債條例。

(二) 京釜鐵道會社之件

朕裁可關於京釜鐵道株式會社之件。茲公布之。

勅令第二百九十二號

(條文因無關大要。畧之)

## (三)戰時大本營條例

朕裁可戰時大本營條例改正之件。茲公布之。

勅令第二百九十三號

## 戰時大本營條例

第一條 置最高之統帥部於天皇大轟下稱之曰大本營。

第二條 大本營中置幕僚及各機關之高等部。其編制別定之。

第三條 參謀總長及海軍軍令部長。各爲其幕僚之長。以行帷幄之機務。參畫作戰。稽終局之目的。圖海陸兩軍之策應協同爲任。

第四條 陸海軍之幕僚。各受其幕僚長之指揮。掌計畫及軍令諸事務。

第五條 各機關之高等部。各受其幕僚長之指揮。統理各該當事務。

## (四)軍事參議院條例

朕裁可軍事參議院條例茲公布之

勅令第二百九十四號

## 軍事參議院條例

第一條 軍事參議院。爲處帷幄之下。應重要軍務諮詢之所。

第二條 軍事參議院。待諮詢而開參議會。上奏意見。

第三條 軍事參議院。置議長、參議官、幹事長及幹事等職。

第四條 軍事參議官如左。

元帥 陸軍大臣 海軍大臣 參謀總長 海軍軍令部長 特親補軍事

參議官之陸海軍將官

第五條 軍事參議院議長。以參議官中勳高望厚之人充之。

第六條 當必要之際。可以在重要職之將官。補臨時參議官。使列參議會。但於所議事畢後。即行解職。

第七條 凡陸海兩軍之事項。當查照其規畫。以國防用兵之目的。爲主。調理相互之聯繫。

第八條 陸海軍無相關係之事項。得專以陸軍或海軍之參議官。開參議會。

大勢 日俄開戰之先聲

第九條 遇緊急之事件。議長可不經院議而對諮詢。

第十條 幹事長以侍從武官長及他之將官充之。使整理軍事參議會之庶務。

幹事以侍從武官中陸海軍佐官各一人充之。使補助幹事長之職務。

第十一條 特行親補之軍事參議官。附以佐尉官一人。爲其副官。

#### 附則

軍事參議官條例。從今廢止。

陸海軍臨時條例。○陸海軍中。近數日內。屢發臨時條例。皆戰時豫備之條例也。今列舉之如下。

(一) 陸軍臨時召集規程 (陸軍之召集歸休豫備後備等兵本有定期今改之)

臨時有必要之際。可不依本表。原定行演召集及教育召集諸事。

(二) 海軍軍令部條例改正

海軍軍令部中。遵十二月二十八日之勅令。廢局。原有第一、二、三等局置參謀。分掌左列事項。

(1280)

一 掌出師及作戰計畫。艦船之配備。並其進退役務。

二 掌纏隊軍隊之編制。及運動法。以暨演習運輸通信及檢閱。

三 掌選定軍港要港防禦港。與其他軍事上必要之地。及防禦計畫諸事。

四 掌軍事諜報翻譯及編纂。

(三) 臺灣居住軍人召集規程 勅令第二百八十九號

第一條 居住臺灣之陸海軍豫備役後備役將校。同相當官。准士官。下士卒歸休兵。及補充兵。遇戰爭及事變。以必要人數爲限。令臺灣總督。召集臺灣守備部隊。

(1281)

第二條 關於前條召集之必要規程。由臺灣總督定之。

第三條 際戰時及事變之時。欲使居住臺灣之休職停職之陸軍將校。同相當官及准士官等。就職時。悉依召集之方法。

#### 附則

本令從明治三十七年四月一日施行。



(四) 臺灣守備軍司令官設置 十二月二十九日勅令第二百九十六號

遇有必要之時。臺灣得設置臺灣守備軍司令官。

守備軍司令官。以陸海軍中將親補。承臺灣總督之命。指揮陸海軍。無違承命之時。遇軍事與總督有同一之職權。

陸海軍之準備。○年例當歲暮之際。各省皆休假數日。今參謀本部及陸海軍省。悉不休暇。雖歲朝猶辦事。▲陸軍省軍務局之砲兵科。經理局之衣糧科。皆日夜準備。刻無暇晷。▲海軍豫備兵。悉急行往橫須賀海口。▲東京大阪之砲兵工廠。日夜製造槍炮。兵器廠中。亦紛紛輸送兵器火藥於各地。▲對馬之海軍修理工場。近已修好水雷二十餘隻。武裝整列港內。一令之下。即可行動。陸海軍人。盛開訣別之宴。▲北海道師團中。爲雪中行軍之準備。熊本第六師團。下令大阪商船會社。預備船隻。▲東京砲兵工廠。現趕造水上行蹄鐵八萬個。郵船鐵道之準備。○全國官私鐵道會社。因各停車場。祇敷平時之需。一朝有事。軍馬紛來。殊不足用。現已於各要處。添設停車場。有事之日。亦無阻礙。▲日本郵船會

(1282)

社之山口丸榮城丸山城丸。皆豫備爲陸海軍之用船。大阪商船會社之某々數船。三井物產會社之萬田等丸。皆停行航以備急需。▲稻佐地方某人。願借所有之小火輪二十隻於宇品補給廠。以供軍用。赤十字社之準備。○赤十字社之船博愛丸及弘濟丸。皆豫備爲戰時病院船。▲赤十字社奉政府命。豫備戰時救護。新定章程。製造戰時救護員必携之物品。并分配戰時救護章程於各會員。以上所舉各項。皆日本近日備戰之舉動也。至於俄國舉動。俟異日再陳之。

### 英國與西藏之交涉

國何貴乎。有屬地曰爲富。故爲強。故爲殖民。故欲擴張國力者。不可無屬地。待屬地而不富。不強。不殖民。則有屬地與無屬地等。俄占東三省。而英侵西藏之問題起。吾觀滿清政府之所以待西藏者。而驚其對屬地政略之不可思議。

(1283)

一千七百十七年。亦即康熙五十八年始用兵於西藏。至一千七百九十一年。亦即乾隆五十七年平定廓爾喀。闢西陲之地萬餘里。設駐藏大臣轄治之。然所謂駐藏大臣者。食祿而已。非有所事々也。百餘年來。若憶若忘。以迨今日。於政治上軍事上生計上。毫無所裨益。彼數十年中。用金億萬。殺人百萬。取我黃帝子孫之膏血頭顱。僅供其一時之快慾。而絕不謀所以慰死者福生者之道。其可駭已甚。

雖然。今更有甚者。吾讀某日報。見有所謂拍賣西藏者。烏乎是何物。而可拍賣西藏。而可拍賣也。則十八行省何一非贅疣物。可拍賣者。耶。然則凡爲滿清政府之轄地者。危矣。

吾觀近來之外交。而知滿清政府之愛各地方者。總不如其愛滿州甲午之役。日據遼東。不惜割東南屏障之臺灣。以與日。今因俄占東三省之故。又不惜撤西境藩籬之西藏。以與英。吾思之不覺股慄心悸。爲我支那本部哀且號也。

吾有以知創拍賣議者之意矣。彼不過以爲東三省者。滿清往昔巢窟之地。不可棄而不得。所以保全之策。欲仗西方大國之英。以制俄。而又逆知英之未必好事也。則不得不割英所最愛之西藏。以媚之。以求其一憐顧。彼烏知西藏者。固世界之奧區。黃金之產地。又且長江上游四川之屏蔽。耶。西藏入英。是猶紿揚子江流域之臂。而扼其吭也。

然今日而始欲拯西藏之亡。則西藏已爲英俄之競爭點。而幾無復我容喙之地。俄之於藏也。誘其遣使至俄都。而優禮之。而厚款之。且勸其獨立。允其布教。俄藏密約。早爲世界視綫所集注。雖然。其圖之也。暫而英則積數十年之心力。經營慘淡。視爲囊中物。不容他人染指者也。英屬地最多之國也。日所出入處。無不見英之旗幟者也。其拓地政策。概可想見。豈獨於西藏而劣之。然則西藏其爲英有矣。

論西藏地勢。其東北與我壤地相接。西南與印度隣。東南一角界於緬甸。而西部遙與中央亞細亞相對。英之所必爭。而又俄之所甚欲也。英乘清俄交

涉未定之日。急借印藏畫界爲名遣兵入後藏爲先發制人之計。其手腕之敏。驚不得不令人驚服也。自是英藏交涉。又與俄事同爲世界一大問題。極東老大帝國從此更失二千餘里饒富之地。

雖然是豈旦夕之故耶。觀其數十年中交涉沿革而知英之愛藏如渴者之於食飢者之於飲。未嘗一刻相忘。特當事者未早覺耳。烏乎我得之則爲石田人得之則爲腴壤。我忽之若敝屣。人愛之若拱璧。如此而望其萬世爲我藩屬。其可得耶。今述英藏交涉歷史以覘西藏之所以亡。

(一) 哲孟雄屬之由來及英國與布丹之關係

哲孟雄者。國於比馬拉亞山之上半熱帶國也。地味富饒。林木蕃殖。北向西藏。則漸高峻如歷梯級。一中里之高度約三百餘尺之比例人種風俗宗教言語似西藏。其王與西藏貴族婚。今王朝之始祖二百六十餘年前。從西藏來有其國。今王其第九代也。以高等僧官掌其政權。英國爲欲擴張印度領土之故。保護其自治而不干與其內政有事之日。則使之蔭於英國主權之下。而英代之當防禦之。衝既保護其自治。乃使開放其國。

以便貿易。易夫貿易者。英國政略之要名也。張伯倫曰。吾國政治上最大之利益。貿易而已。無貿易則不國。烏乎貿易哉。貿易哉。因鄰邦妨害貿易之故不得已而並有其領地。非其初願也。雖然其結果固罔不至此。

蒙古種之廓爾喀人者。住比馬拉亞山國尼保爾之一部。剛健勇鷙。蠶食隣服。十八世紀之末。據有尼保爾全國。千八百十四年。侵入印度。越哲孟雄。欲以威服比馬拉亞山脉上各國。三年而英以兵自哲孟雄擊却之。使國王復位。以尼保爾之泰拉及孟蘭等廣地與哲孟雄。此役也。英所以制尼保爾人之南下。侵掠印度也。而若甚惠哲孟雄者。千八百三十五年。割哲之領土獨吉嶺。獨吉嶺者拔海七千英尺。人口十五萬五千。及與印度平原連接之山地。而與哲孟雄國王年俸三百磅。既而增爲六百磅。

獨吉嶺之既爲英國殖民地也。因英人之經營。日赴繁盛。而西藏人之宰相僧。爲營私利故。自哲孟雄購買奴隸。送之西藏。且誘買隸英籍之土人。其所買之奴隸。有自獨吉嶺逃失者。強請之於英。於是英之獨吉嶺知事康甫伯赴哲王之所居坦倫哲人捕而禁錮之。幾瀕於死。乃更割下部哲孟雄及全泰拉地方爲英領。罰國王年俸

數年。使放逐該宰相僧。然拐買劫掠仍不止。千八百六十年。英將哥拉。遂據其王宮。要哲王使。允自由貿易。保護旅行者。改築道路。便利英藏貿易等條。約成。乃增哲王年俸。爲千二百磅。

雖然哲王。實不遵行此條約。印藏之貿易。仍不振。千八百八十四年。孟加爾政府之書記官馬哥來者。自請爲使節。使於西藏。於哲孟雄附近藏境之地。遇西藏之地方長官。得其優禮。復得後藏大喇嘛之宰相表友誼之覆書。明年。馬哥來爲商務使。欲赴拉薩。據天津條約。得佛教聖都拉薩府旅行護照於清政府。然此護照者。實止紙上之許可。而無實際效力。乃止。蓋清政府者。疾視此舉。密發書命西藏防遏使節。禁其入境。故也是役也。英割緬境之支那領。爲英領。且自北京政府贈哲王以支那高等位階。而優禮之。

(未完)

(1288)

章回體



明日之戰爭 (承前)

著者 鄧利

(第四)

譯者…冷血…

(1289)

霹靂一聲。山谷響應。那向梅砦方的衆目。都道是敵兵殺來。咸怒目立待。過了一時。不見有動靜。探听後。方知這聲。原來不是敵軍的砲聲。是鹿門堡傳斥候的警報。因復少自安堵。至午前七點鐘。頃天色清朗。一空如洗。平曠崇田。悉集眼底。那時那鄧利太尉。對着齊武爾。靠着砲塔凸角。帶着眼鏡。面向着前眺望。且又獨自背着手。尋

小說 章回體 明日之戰爭

一

思道那日耳曼軍自那國界盡處火車站梅砦乘黑夜中送大兵至我朋泰沙騎兵聯隊屯紮處又令本隊進襲恨則金克間鐵道那步兵當夜必然即止宿在金克那騎兵必然又進襲恩歇南科綫路至曉遂全軍合勢前進若然那日耳曼軍的先鋒前隊不久必來我堡下鄧利方在那裡想忽見堡壘前離四千米達外那密羅街屈曲處隱々有一騎兵縱隊急取千里鏡一望卻是自己的軍隊這軍隊係是獵騎兵第六聯隊堡內守兵見了有援軍益加奮勇一時歡聲如雷正慶幸間鄧利又於那對面高岡上發見一着暗褐色的兵隊（德國兵士冬衣均着暗褐色）及近來卻又是自己的軍隊這軍隊係是迷爾來的砲隊兵士等見自家又添了兵來這欣幸是不消說那鄧利一人卻又想到呀那砲隊來了我們是不能占頭功了倘若那天殺的日耳曼人先了這砲隊來這第一次的發火不是我中隊是誰呢鄧利正低着在那裡想轉身來見砲兵中隊長已走至面前那砲兵中隊長先向四邊一着因問鄧利道

胡若太尉在那裡？

鄧利答道

在那後面豫備兵隊中吩咐預備兵被服的事

那中隊長道

不差不差我來的時候原見那堡門邊有許多百姓就是那預備兵了

忽然又問鄧利道

爾喜歡骨牌不喜歡

鄧利道

小官是喜歡的……但這時候為什麼問起這些事來

那中隊長道

沒有什麼我不過來的時候想着這籠城中狠沒有消遣路過那遊戲館時振那奮伯君所寄存的骨牌取了來又想這裡沒有人是我對手所以纔問々爾

接着又問道

那日耳曼人殺來的活爾們是什麼知道的

鄧利聽了這問遂將昨晚的事如此這般大畧序述了一遍。那中隊長道：

原來是如此。我們昨晚方在那紅葉館開宴送別毛六大佐。歸家後已大醉。將就枕時忽接命令狀急馳往騎兵營。始知日耳曼兵殺來。司令官命向葦蘆堡會合。正部署間忽聞鹿門堡號砲急々馳來此間。連那行李都一點沒預備。方纔聽了。僞說纔明白了些……哈々……我們來遲了。來遲了。這堡內的大砲。那彈丸自然是還沒有預備的。自然是待我等來的？嗎？

那中隊長說着帶笑。似有輕薄步隊的神色。鄧利聽了含怒答道：

太尉！小官有一直言。小官雖在步兵隊中。那砲兵使用的方法也畧知一二。可惜這次沒有機會。不然就請太尉一觀如何。

那砲兵中隊長聽了又哈々冷笑道：

好！好！既這樣。我領來的那些砲兵。贖下來。供給供給雜役罷。我們專等拜觀。爾們步兵擊射六千米達以外的敵人罷。

鄧利道：

這也不難。若下官步下。携有魯皮兒槍。射手十名。六千米達以外的敵人。有什麼不能擊射呢？

那砲兵中隊長聽了這話也憤々道：

近來的步兵也太張威了。總之這爭戰的事。誰沒有優劣呢？

鄧利道：

確然確然。這話也就不但爲我們步兵的話了。

中隊長道：

這是什麼說。

鄧利道：

那初交陣的時候。爾們的砲隊自然是要緊的。但是到了那砲眼既崩了。砲架既破了。那時擋住那如入無人之境的日耳曼人。是何種兵隊呢？又如那前進的時候。挫性舍命在咫尺之間。奪那敵人的砲臺。是何種兵隊呢？這不是太尉輕弄的那步隊嗎？

鄧利正在那裡辨論步兵的長處。忽聞後有人說道：

奮勇前進。冒死不顧。以殺強敵。勿論步兵砲兵各兵皆然。

鄧利回頭着時。不是別個。就是那步兵中隊長老太尉胡若。老太尉胡若因聽他二人爭論。所以用這言來分開。那砲兵中隊長見胡若便笑向他道：

胡若君。倘步下的小隊長。保護爾們部隊的利益。正在這裡動怒……但是這小隊長。確甚好甚好。他也是個狠喜歡骨牌的……

那砲兵中隊長說後。帶笑遂下堡內去了。原來這砲兵中隊長。姓逐名浦。兩耳雖稍不聰。也算在法蘭西軍營中。勇壯活潑的軍人。那兩耳不聰的緣故。也為前在坡箕砲塔內。驗試射擊時。震動過甚。傷及耳內鼓膜所致。閒活慢表。且說鄧利見逐浦去後。他仍舊立在堡角上。向前面觀望。忽見遠方的有一獵騎兵官。向這堡壘跑來。他就下了堡。迎將上去。到時恰是平日的好友孤台。那孤台原來是奉了聯隊長的命令。特來听探敵人的信息的。二人見後。約畧說了幾句別後的情形。鄧利忙同他到了望遠鏡邊。開了地圖。一指點了敵人的路進。正談說間。忽聞前面小林內。槍聲

兩三發。再靜聽時。又沒動靜。因想這槍聲。必是自己的騎兵。在那奴皮谷。遇見了敵人的斥候。因而放火的。急取望遠鏡。向奴皮谷觀看。時見騎兵已探得了敵人的消息。漸々向鹿門的道路退。回過小谷後。忽為希菴爾樹林遮蔽。這時堡上衆人。盡以手加額。向前觀看。寂無聲息。忽聞老太尉胡若一人獨語道：

妙！妙！那騎兵的移動。寔在快得狠。……忽又轉說道。快！快！快是快了。究竟他這麼遠。寔快得狠。寔在快得狠……忽又轉說道。快！快！快是快了。究竟

那裡及得我生了這双健脚。自己使用了自己呢！

看官。倘道胡若老太尉。為什麼獨自發了這番言語。原來這老太尉。生性不喜騎馬的。他的不騎馬。也不似象我們中國的武官。不會騎馬。騎了馬。恐怕倒下來。所以不喜歡騎。他。也曾。在騎術傳習所。學習了三四年。他也當過了騎兵的中隊長。他的騎術。雖算不得是上上。也是出人頭地的。但是他常說道。那好々的一個人。天生。了這双脚。不肯去用他。專靠了這畜生。是不中用的。倘若這馬病了。傷了。不是就斷送我了。所以他當着那應該坐馬的時候。看來可不坐。他就不坐了。近日做了這堡壘



的戍兵。他也就更好。連馬都不養了。這且慢說。且說那鄧利見老太尉胡若說了這一番話。便往下接口道：

老太尉的話是一點也不差。目下的任務。騎兵也是萬々不可缺的。然到了四五日後。那戰鬥的事。不是專靠了我步兵與這小口逕槍嗎？

老太尉胡若忙回頭道：

爾說起了小口逕槍。我就想着了……鄧利君。我說了出來。爾是一定喜歡的。

鄧利忙問題：

是什麼事？是什麼事？

胡若道：

我昨晚剛接了運送局來文。說有小口逕槍十六箱。送來這裡。今天正午可到。

鄧利不等太尉說定。便接口道：

妙！妙！這是助這堡壘。不讓添一萬來。

說罷還欣喜不已。原來堡壘中這時僅有小口逕槍十枝。這十枝小口逕槍。選了中

隊中好射手十名。分與了他這十名分受小口逕槍的兵士。時常携了這槍。誇耀同輩。自許一朝有事。是天賜成功的。那同輩見了這槍。也是十分羨慕。所以經不起今鄧利忽然听胡若老太尉說有十六箱來。這一箱原有十二枝。十六箱是有了一百九十二枝。一中隊的兵。不過二百五十人左右。連了原有的十枝。差不多已每人均有了一枝。這不是天外來的喜事嗎？因又向胡若道：

中隊長！那小口逕槍的命中。是盡人知道的。前日試驗的時候。不是有二十二百米達距離嗎？我們現在這堡壘中。有了這槍。即使沒有一門大砲。那恩羅門、奇兒、旁往來的敵兵。也可一擊。

胡若道：

鄧利中尉！間言慢說！那敵人來的時候。想已不遠了。請快々差一兵。往近傍的村落傳令他們。凡四十歲以下的人。各自防守村落。或則往來樹林內。幫助戰鬥。教他都携了那戈落式手槍。殘下來火藥包。也給了他們。他們平常也時々想着萊州（被割於德之二州之二）所以結了個擊射會。常往那山中打獵。預備着

一朝有事出來幫助的到了今日去吩咐他們他們必然是很喜歡的。

鄧利聽着便答應了幾個是照着令行事去了。不一時那遠近村落的百姓咸已齊備。有的在那來傳號令時早已得了緊急的信息來齊集了。有的在那圍困的村落逃出來的也遠々の來會集了。爾道那法蘭西的百姓爲何這樣忠勇呢？爲何不象我們中國的百姓見了敵人來一個々祇顧逃着自己性命呢？咳！爾不知那天生的人原是沒有不想保護自己的國家的。況且有了教育難道反忘了保護自己的國家嗎？我們中國的百姓也非本來這樣的因爲一則近來教育難說他是有一則近來屢次吃了敗仗見了敵不是降就是跑。既經走順了勢所以倒似不保護國家是本分保護國家反不本分起來了。這雖正話不是這書的本旨。現且暫歇。且說那鄧利既奉了老太尉胡若之令就吩咐人去招集那村民編成了那豫備兵與後備兵。兵不一時就是那曹長蒲蘭士携了豫備兵與後備兵的人員表來問鄧利道：

中隊長！聽稟總共豫備兵凡二十二名。後備兵凡六十八名。除那後備兵的軍二名不到外都已齊集。

(1298)

鄧利道：

那士官都來沒了有呢？

蒲蘭士道：

還沒有……但是那克興太尉是住在巴黎京城的那格傑中尉是住在渾池的都離這裡很遠所以遂沒有到。

鄧利道：

我們中隊附屬的懷立堪少尉來了沒有呢？

蒲蘭士道：

他也沒有來。他也住的很遠住在那哈勃羅近邊……但是他也不是那遲疑的人。想來不久就要到了。

(四 完)

冷血……曰問我國民有如鄧利之好勝者否？問我國民有如胡若之耐勞者否？問我國民有如法兵之依小口逕槍爲性命者否？問我國民有如法民之保土地如性命者否？否！否！否！否！

(1299)

冷血又設人言曰：法人明日有爭戰。我國明日無戰爭也。法人當時蘆葦堡中步兵不過一中隊。騎兵砲兵等不過一中隊。豫備兵不過二十二人。後備兵不過六十人。我則男女合計有四萬々人也。彼寔危我寔安。彼寔寡我寔衆。

噫！法人之戰爭在明日乎？抑知我之戰爭且在眉睫而猶近乎？法人之兵僅在蘆葦堡之數乎？抑知我之兵且有一人而尚以爲多乎？彼與我果孰危乎？我與彼果孰衆乎？我等不當視當時之法人而更急々乎……噫！

冷血又曰：老太尉胡若不喜馬，且云專靠這畜生，終究不中用的。我聞之，我心甚感。

冷血又曰：結了個擊射會，常往山中打獵，預備着一朝有事出來幫助的。此等作爲，我甚愛之。慕之。郊野村民果然忠寔。

解例


國有所謂民兵者，民盡爲以兵。如法、德、日本，是民至二十一、二歲，必入營爲兵，是爲正兵。正兵或三年或四年，退而散處。因事而召集，是爲豫備兵。豫備兵五

(1300)

年或四年，退而散處。因爭而召集，是爲後備兵。後備兵七年，退而居鄉，有守鄉土之職。鄉存與存，鄉亡與亡，是爲終身之兵。



(1301)



(1302)

記事體

明日之瓜分

瓜子

少年新進。統盜虛聲。衆人易欺。往往以君子腹度小人心。十月初旬某學堂之備大轟。日夜操練。如臨大敵者。蓋將比美僧尼。送老大人之葬。而人或謂拒俄義勇隊復見於滬上。十八日之張園。蓋因有戲故往者多。而人或謂志士集議救瓜分策。余十七夜得奇夢。而詰朝適聞是謠。以爲今日之會。倘即吾夢中所謂議政所耶。往焉。至則有戲堂無議會。無聊之甚。乃乘汽車。登高臺而說我夢。說如左。

嗚呼！同胞！同胞！我十八省。四萬萬之同胞！自吾祖宗。以至吾身。得與諸君子及諸君子之祖。若父。以此最親愛。普通之兩字。相稱謂者。垂五千年。近數年來。祖國主義。益發達。吾人之愛此兩字也。尤朝暮不去口。即以我小說家瓜子老人之陋。且賤亦去某看官聽衆之舊套。而代以此兩字焉。習之既慣。脫口而出。如情婦之

(1303)

呼哥哥如情夫之呼姊妹方謂天假之緣得長此哥哥姊妹共登春臺也而警電飛來破我耳鼓裂我神經嗚呼吾失望吾腸斷吾夢吾夢携絲竹牽梅鶴由蘇至杭由杭至他處皆如過都越國關吏碧眼紅髯者巡警甚嚴密而說書與瀾偶對聽衆用同胞二字則碧眼紅髯者又佩劍戟蜂擁至以爲我老人欲以祖國主義燃已死之灰也嗚呼噫嘻此何夢耶此何夢耶此蓋瓜分之夢也雖然事變之來朝不及夕在今日爲夢者在明日安知其不爲事實耶嗚呼休矣！我同胞！行見汝明日人人親歷吾夢中境

吾之夢也歷年三十走遍中原吾入夢之初所聞見者蓋與吾今日不夢之同胞所共聞見者無殊焉越旬日乃大異又旬日而益異不一月間若英若俄若法若德之極東大總督至而大清官棄印綬空府署奴顏婢膝以相迎如火如茶如電如風之極東大艦隊至而中國民具牛酒燃爆燭簞食壺漿以相待順民旗滿樹道左萬歲聲充塞兩大易國籍如奕棋愛異族如老母二十萬方里之分割四萬萬人之分配蓋朝令暮施行所無事焉嗚呼幸而其夢也然安知他日實演于天地間以爲萬國

觀笑者不竟如是也以吾夢中所調查蓋我江蘇入英版圖之日蘇滬各戲園繁盛不減於平時而外人則當我四民之首邦家之光之豪傑青年呻吟秋闈與蚊爭聲之日我慈禧端佑康頤昭豫莊誠壽恭欽獻崇熙八旬聖誕普天同慶之時已厲兵秣馬鼓爐聚炭以謀所以處我矣吾痛哭於夢中吾惟聞遍地鬼哭自國祖黃帝以下以至吾數月前化去之弱弟皆化爲怪鳥哀鳴於天地間曰『二十萬方里之古國何至於此四萬萬偉大之民族何至於此』

方洋兵之將至而未至也吾居滬上吾以說書地爲議政場志士聞風而來者數百人僉謂政府無可望官吏無可望當此絕續存亡之交惟有各還本土提倡獨立或可延國命於萬一余素好拳術且曾肄業於武備學堂因不揣驕昧亦從衆議歸既而達里門泣而入衆皆以爲狂爭來勸慰飯我而望我說書余心益悲大哭曰『今日何日我父老猶欲從容聽我談笑乎瓜分之議旦夕實行我所最敬愛之父老不知命在何時矣困獸猶鬪而況人乎而況偌大之中國乎而聽人四分五裂於無聲無臭之中乎我之來也無他意蓋欲托父老之蔭庇提三尺劍以自比於困獸也』

語未畢。老者掉頭去。連呼妄人妄人。小民何得開國政者再。而猶幸少年學生百數人戀戀未肯去。余因且喜且悲而畢。吾詞衆皆泣。一少年大呼曰『泣晚矣。無補也。』一人善射。百夫決拾鄉團之設。即自今日始。即自我百數十人始。縱人皆坐視而莫吾助。然我百數十同胞。同日同地。灑敵人一滴血以死。亦有以見國祖於地下而勝於束手待斃。自經溝瀆者萬萬也。』哀聲所布。天地爲動。少年聞風而來者踵相接。或願以校舍充兵房。或願以家資助軍餉。或願以教育鎗充殺敵器……然頑父鬪母指天畫日大罵狂人。誤我兒狂人。誤我兒者。亦蜂擁而至矣。中有一老人名某者。吾里中人也。熟視吾而驚曰。『汝何人。汝何人。汝豈非某家子。名阿瓜者也。吾見汝成立。既非外來之官府。又非本邑之紳衿。而能辦團練乎。而能保鄉里乎。而欲以才德誇耀於長者之前乎。其夢耶。其病狂耶。』

『絕妙鄉人口吻。實爲自治之大阻。愈藐視而自治者必合最親之人而成者也。愈疎則愈崇。』力常人輕所親而尊所疎。愈親則拜深宮之主。海外之王。爲中人之慈父母也。嗚呼哀哉。

余方欲有言。則見吾所最敬愛之少年已紛紛被父母曳以去。嗚呼。忍言哉。子固不可以不愛。然子之失於吾。欲辦團練之老人手與國之失於欲滅人種之外人手孰

重執輕倫。能以今日之奪子者。奪將失之國土。吾保其國安於磐石。而父若子亦保無有流離之苦也。而今已矣。抱子坐積薪之上。天倫之樂其能有幾。余既逐於鄉人。乃投宿於故人家。寒夜相對坐。見飛蛾逐隊投紅焰中。則共驚爲我國民。今日人寫照而已。淚枯神竭。方欲交睫而叩聲門。鑿々如鼓轉瞬間。二縣吏已排闥入。大呼阿瓜何在。吾故人色變不能聲。余獨怒目相向視。請之曰。『阿瓜不難得。第不知欲得阿瓜者何人。』吏悟曰。『汝即阿瓜乎。欲得汝者縣官也。』余曰。『縣官何言。』吏曰。『縣官言聽人瓜分與否。朝廷自有權衡。汝輩名爲排外。實則革命耳。國可亡。汝輩不可不殺。』余聞之不能忍。大叫曰。如是乎。如是乎。拔劍刺吏。星夜奔赴。

翌午抵滬。歸議政所。則見與我同任倡辦鄉團之事者。大抵已返旆。而各述所遭遇。亦大抵與余同。越數日。又陸續歸。又數日。則不歸者僅二人。蓋統計十八行省。能採用此策。以與菲律賓、杜蘭斯哇、萬一之榮光者。祇兩省有奇也。夢時有省。名今隱之。其他諸省及邊地。則十之九歸外人。十之一爲滿族歸養地。皆與我大漢之主權長謝矣。嗚呼。

傷哉。誰爲之而令至此。雖曰民氣之不振。歟。然亡秦者胡。古人豈欺我哉。方外人之送瓜分圖於清廷。而令其畫諾也。許留某省爲清廷壽。清廷知勢之不敵也。幸地之不盡失也。齋戒三日。悉如所命。而某月某日。所謂□□與□□者。遂與旗兵一小隊。退處歸養地。□□一息未喪。拜辭宗廟時。淚如雨。而□□則取道勝之貯金圖。頤和之標樣。先命臣工馳往歸養地。築第二隱和園。車中顧謂□□曰。『汝何憂乎。有阿母在。何患無噉飯所乎。』鵲巢樹。不過一枝。偃鼠飲河。不過滿腹。方吾逍遙乎園中。國之外爲二十餘行省之大國焉。爲一二偏邑之小國焉。於我無以異也。我向之痛哭於殿上。在人臣前。不得不如是耳。汝迺誠以之戚戚乎。』又問曰。『朝廷雖小。吾位猶尊。彼著書罵我之某某。拘留將半載。果正法已乎。』□□不忍聞。泣答曰。『國且不守法。何由正。』□□忍言之。徒增□□之愴結耳。□□狂笑曰。『吁。是何言。是何言。大俄吾良友。寄以祖宗發祥地。未見其危也。中原十八省。則原非吾土。而吾今猶得據一焉。是吾輩在今日。非受瓜分者。而實瓜分者也。實非受歐美人之欺。而實與歐美人並駕奔馳以欺人者也。天下無不散之筵席。前此二百六十年之

(1308)

六

全瓜視爲先得之優利。則可耳。安得生患失之心乎。』又罵曰。『汝不自量之漢奴乎。深仁厚澤。待汝不薄。汝見吾繁盛。不如前。乃欲革命焉。乃欲獨立焉。吾今贈汝於極繁盛之富貴家。』指各吾將傾耳而聽之。汝得復肆無忌悼如前日乎。』諸如此類。不可勝紀。蓋自舊京以達歸養地。途中無一語非罵漢人。而未嘗有一語自怨。怨外人也。

滿人出。白人入。皇皇舊都。昔一家之委裘地。今乃爲十國之磨刀場。無何而漢人得中狀元。不得爲議員之令下。無何而漢人不得爲將帥。不得爲五品以上之文職之令下。無何而漢人不許入武備學堂。政治學堂之令下。武備我本怕學。政治即在瓜分前亦不能學。此令何足以動我。無何而漢人非經洋官特許。不得去豚尾。效主人之裝之令下。無何而漢人食毛踐土。納稅過輕者。每人加征人頭稅十圓之令下。無何而漢人所居之某村某城。低濕污穢。易生瘟疫。着即焚燬之令下。無何而某地漢人飢寒多盜。妨害治安。着派兵隊驅入河海之令下。豈駭人乎。未瓜分前已行之。無何而嗣後凡遇戰事。以漢人爲先鋒之令。又下耗矣。哀哉。白人所豢犬。猶或美其毛飾其項。投之以魚肉。而此四萬萬之爲奴種。蓋

(1309)

曾不能敵犬之一毛也。我同胞蓋至此而知白人之滅人國必并其種而滅之矣。然前乎此則夢中亦未嘗料及也何也。最野蠻之學究鞭撻學徒無完膚然學徒進謁之初必稍假以禮貌最險惡之主母誅求婢媼不知厭然婢媼初來之日亦必畧和其詞色此人之常情也而吾同胞不之悟也第見極東大總督之莅任極東大艦隊之投錨鷄犬如故海不揚波而遂謂王師厚我厚我永山可長恃也

嗚呼如上所云云猶滅種政策之顯而易見者耳至不可見而更酷毒之計畫我同胞蓋有至死而未悟者矣於烟置毒

烟中雜鴉片汁今在於酒置毒於藥置毒於麵包及種種食物中置毒於茶於茄非於牛乳中置毒西教毒害小兒之謠久已不見信於識者雖然吾今云云斷非造

謠以駭人也澳洲土人吾舉凡我同胞所愛之茶肆酒舍以及不可悉數之行集地先輩已先或而受之矣

蓋無一而非死地焉嗚呼天耶人耶夫何爲而至於此極也

刀俎魚肉良慘矣而尤慘者則莫如燃箕以責某某二省欲以獨立軍完舊土外人攻之者蓋三年初未嘗自本國加一兵運一餉也衡鋒陷陣洗村屠城絕人之嗣發人之墓者蓋卽我舊日之同胞焉每當朝噉初上軍樂響處一洋將口烟斗揚長

鞭驅漢兵千百人而過蓋儼然雄師焉蓋漢兵性也屬洋將則勇太平革命時之常勝軍其明徵也嗚呼昔也何怯今也何勇天之生此種也蓋獨賦以自殘同氣之才能


亦有不殺敵不自殘而好靜如故者則受禍尤鉅吾省有某老者率其二子行商於四海富有千萬一日英官召之入衙署謂之曰『某省漢匪久抗洋兵藉口獨立以惑民志雖去我屬地尙遠然任其逍遙於治外汝輩本土亦難保無不有奸民聞風效尤以爲汝累者吾將往討之爾其盡出家財以佐軍需否則令爾二子充前鋒』老人手足無措怒哭曰『吾惟欲保此財與子故聽汝瓜分吾祖國也汝等入關之日說我迎拒者良多早知有今日吾以此與汝等決雌雄矣』英官笑以鼻答之曰『當日誠能如是則我雖死汝鋒鏑之下猶且敬汝今則晚矣晚矣……我大英屬地遍天下最著者爲印度彼等皆然寧容汝獨外生成乎』繫老人盡取其貨瓜分而後不適中之最適者莫所謂士者若而又莫所謂維新之士者若出入於官署奔走於關梁假虎威以魚肉同氣者皆此輩也然面顏之厚尙不在○以下則亦萬萬不忍一日生出遊於娼寮歸驕其妻妾公子之尊威固猶如昨也而一遇碧眼



紅髯者流。則氣爲之奪。蓋除骨、摩、阿、奈、大之外。幾、幾、無、出、話、之、資、格、焉。某少年者。學界之健卒。久留學於外者也。美鬚髯。善辭令。日奔走於中外有力者之門。絕口不談革命排滿。以爲卒業後地。且館於外國某貴族家。悅其女。將俟卒業而偕歸焉。而何圖業未卒。國先亡。彼美人無限恩情。乃不得不爲國恥所阻。而掬一滴淚。致詞於某曰。『妾誠愛君。然國法不容妾爲新亡國人婦。』某神昏氣塞。漸汗滴如雨。別女歸國。病暴發。舟子速其死。而投之海。

吾言至此。未盡夢中三十年慘劇之萬一。○而吾淚已枯。吾手戰々不能書。嗚呼。忍言哉。地獄三十年夢之祇一夕。猶復使涕淚滿牀席。而況他日之實受。而況他日之實受……

揮戈錄



垂虹亭長雜著

昔露陽值戰鬥方酣。赤日遽沒。乃押戈回之。日以再中。戰遂大勝。異史載錄。臨傳至今。竊維朱明往事。雖禍始流寇。而滅我國者。實長白山下一羈狗也。沈沈二百六十載。中間仁人志士。貞夫烈婦。因抵排異族。而殺身以赴國難者。何可勝道。迄今間搜故紙。私采遺聞。覺其徘徊隴畝。淒戀河山。眷眷然思欲復興明室者。不一其事。縣延未絕。誕生洪楊。而其氣爲之一吐。歐風廣扇。民族主義大昌。凡有血氣之倫。當無不奮戈而起。前途事業至難至鉅。因寫潛隱爲國民告。庶幾『生從死』

不從男從女。不從』之遺訓。得以震動乎人人之耳。鼓而自由獨立之精神。亦於以鼓舞乎。命曰揮戈錄。蓋從黑闇時代而手寫明季遺聞也。燭光熒熒。迴青轉紅。疾書不停。日昇於東。嘻。我漢族。其有重光之兆乎。癸卯冬至日黎明記。

### 楊秀清之安民告示

特授開國軍師平滿大元帥楊秀清爲再行曉諭事。本師今承王命。興兵伐暴。所到之處。望風瓦解。破城之日。將貪官污吏剪除。並不擾害一民。爾等轉須安家樂業。不致驚恐。前已出示曉諭。料必知悉。風聞爾等鄉市。有不法之頑民。藉大兵未到。乘機肆掠。燒搶良民。現在本帥拿獲。已經斬首百數十人。茲因省垣遙遠。欺本帥不知。殊堪痛恨。今着校尉李憲帶兵數百人。徧行鄉市。一經拿獲。就地斬首。其有良民。各將順字貼門。不必畏懼。爾等捐貲助餉。納臨捐職。試問此等功名。何榮何辱。即滿賊所中功名。亦不爲榮。本帥皆大漢之人。讀大聖之書。豈受滿夷之爵位。爾等即將敘來之扁額。除去切勿自悞。我定金陵之後。議定考試。衡文取士。再定甲乙。其有各處廟宇。供屬僧道及嫖賭之賁。何如養鄉里。窮民之爲愈也。現今拿獲僧道斬首。前並查

其首垣重修之人。一併拿究。本帥統共削滿。一切議條。自應上聞更改。如不遵改者。大兵到日。鷄犬不留。案楊秀清一鹵莽匹夫耳。觀其出示。尙知種族之分明。漢人之可貴。滿夷之至賤。不願良民受其爵秩。諄々誥誡。至爲詳明。卓哉楊氏之特識也。乃有昌言革命。日談排滿者。流一旦失志。即奔走賊汗。希恩倖寵之不已。烏虜。何其楊氏之不若耶。

### 陳譔奮身奪楊建樞頭

楊維斗先生當國變後。以不薙髮。爲土國寶所捕。戮于蘆墟泗洲寺前之橋上。據明史但云有門人迓紹原購其屍葬焉。而不及其他。予頃刊張方湛氏忠文靖節編。見其於紹原外。亦祇載一陸山斗字聖謀者與其事。方恨當時仗義之士之少。及觀沈彤吳江縣志。始知猶有一奇俠之陳譔焉。案志於譔不立傳。但引郡人薛放壽蘆墟陳譔序文於迓紹原傳後云。『維斗先生殉節于翁之鄉。軍卒竊其首要。重賂無敢抗論者。翁獨廉知其匿處。奮身直入。持首叱咤而出。付其家。不告姓名去』等語。然則先生之成殮。非惟紹原購屍之功。尤賴陳翁奪頭之義。而楊氏莫知。僅以紹原配

享先生意者其不告姓名之故耶。誤字貞卿。平生多義行。

四

長興伯致葉天寥虞部書

武林諸義士來顧行幕。稱說德義。頌歎無極。高風大節。固宜遐邇景慕。垂譽千秋矣。但山林嘉尚。獨不念荷戈枕甲之瘁。耶弟血戰經年。大仇未報。軍孤餉乏。救援路絕。憂心如惓。未知所出。若得越中三千君子。軍成犄角之勢。亟圖進取。所大快也。聞諸君入山問策。魯連先生幸廣引教之。無虛彼望。案長興伯吳公諱易。吳江人。予別有傳。茲文見諸甲行日注。簡潔典雅。殊堪諷誦。故撮錄於此。公生平著述頗富。殉國後多所散佚。聞洪楊時代。其族人猶藏有遺集。曩年嘗極力搜訪。竟不可得。今日窮愁無任。或獲此吉光片羽。洵莫各歡慰矣。

(1316)

不敢忘錄

揚州二百六十年之紀念

申 叔

屠戮之慘

揚州罹禍之慘。大抵具於揚州十日記一書。茲擇其最要者錄之。其言曰「驅數十人如驅牛羊。稍不前。即加捶撻。或即殺之。刀環响處。槍呼吼起。齊聲乞命者。或數十人。或百餘人。遇一卒至。南人不論多寡。皆垂首匍伏。引頸受刃。無一敢逃者。查焚尸之數。共八十餘萬。其落井投河。閉門焚縊者。不與焉。被擄者。不與焉。」吾民何辜。罹此浩劫。可爲揚州紀念者。此其一。

通海之獄

當鄭延平之入鎮江也。張煌言率師西征。未至儀徵五十里。士民迎降。（見全樹山張公神道碑）而揚州之民。亦多以牛酒勞軍。見臺灣紀事本末。及事平之後。而通海之獄興。據孫潤如王公士禎傳。謂「使者至江甯治揚州。通海之獄羅織甚衆。」則當時揚州之民。因通海而死者衆矣。可爲揚州紀念者。此其二。

追逋之獄

王渙洋年譜云。「揚故有積欠。起順治二年。止十七年。凡二萬兩有奇。本犯已故。輒禁其妻子。甚至株連親族。圉圉填溢。山人初至。見鳩形鵠面。銀鑲荷械。大半株連。測

(1317)

然遣之手疏達巡。監獄吏諸官及諸商咸願代輸。而揚州積欠一清。(又孫潤如王公士禎傳亦言時承追揚州賈人積逋數萬。有物故者輒繫其女子株連至親族)此揚州追逋之始末也。可爲揚州紀念者此其三。

### 鹽灶之苦

揚州自甲午以後。小民困苦顛連。無可告訴。而以灶戶爲最苦。吳野人陋軒集臨場歌序云。「雖曰窮灶戶。往歲折價何曾少。逋胥役謂其逋也。趣官長沿場徵比。春秋兩巡途來。遂成額例兵荒之餘。誰憐此窮灶戶。」詩曰。堂上高會門前賣子。監丁多言。筆折牙齒。於當日橫證暴斂之情。歷々如繪。可爲揚州紀念者此其四。

### 諫臣之斥

順治十二年。給事中季開生(揚州人)奏近日臣之家人。自通州來。遇吏部郎中張九徵回籍。其船幾爲使者封去。據稱奉旨註揚州買女子。恐奉使者不能仰體宸衷。借端強買小民。無知未免驚慌。必將有嫁娶非時。骨肉析離之慘。且乘機而奸棍挾仇。捏報官牙。藉端壟利。諸弊斷不能無。乞皇上速收成命。季公仰言。必非無據。乃疏

(1318)

入之後。得旨申飭流徙。尙踣堡。可爲揚州紀念者此其五。

### 開河之設

近世河流南徙。淮黃並漲。河臣冒利開河。通海淮揚州縣。蕩析離居。寶應喬公(名萊)力言其弊。卒以觸河臣之怒。削職南歸。厥後開高橋之堤。高寶田廬悉淪於水。高郵孫公(名宗彝)力排羣議。廷臣震怒逮死獄中。(見朱竹蛇喬君產表錢陸燐孫公墓誌銘)而邗水以東遂爲水國。溯其原始誰之咎。與可爲揚州紀念者此其六。

### 文字之獄

乾隆之事。大興文字之獄。東台人徐述夔作一柱樓詩。多排斥滿清之語。(聞述夔作正德杯詩云。大明天子重相見。且把壺兒擱半邊)後述夔已歿。縣書上其事。述夔剖棺戮尸。其孫徐食田等數人悉解京。正法詩集各書悉行消毀。(案述夔所著書見於禁書目者七八種)而東臺縣知縣涂躍龍。藩司陶易。揚州府謝啓昆。悉罪重典。此乾隆四十三年之事也。(見東華錄)可爲揚州紀念者此其七。

### 南巡之舉

(1319)

乾隆南巡之事。大抵具於南巡錄一書。然吾閱揚州畫航錄所載之事。有足異者。其言曰「兩岸支港。叉河。橋頭村口。各安卡兵。禁民舟出入。緯道。每里安設圍站兵丁三名。令村鎮民婦。跋伏瞻仰。於應回避時。令男子退出。村內不禁婦女。」其不禁婦女之故。雖未明言。然以今度之。則固有為懃德者矣。可為揚州紀念者。此其八。

八

爾忘越

王之殺爾父

乎對曰

(1320)



書顧亭林先生墨迹後

申 叔

胡塵沒中原。虜騎密如織。先生經世才。文采華南國。拜表至行朝。真意達肝鬲。微忱抱區々。歲寒堅金石。崑山三百里。坐見烽烟逼。神州既淪沈。悲哉陷異域。秋風吹濟南。摧藏鍛鴻翻。一鶚翔雲霄。肯為尉羅得。昌平風蕭條。闕塞悲行役。傷哉麥秀歌。吾駕將安適。滅跡遂躬耕。有懷亦焉極。著書豈近名。淹雅深寄匹。平生苦羈旅。德鄰必有擇。關中得天生。傾盖心莫逆。迢々一紙書。道義了無隔。此書歟。亭村縑簡隨雲烟。零落憑誰惜。手迹尊名賢。珍護如球璧。沈埋三百載。幽光豈終匿。生民尙左衽。天未厭夷德。鬱此貞堅心。對此空悽測。

詠晚村先生事

申 叔

中原昔板蕩。滄海悲橫流。呂君曠世才。勁節高南州。淵源溯紫陽。講學宗黎洲。晚村本黎州弟區々匡復心。志與黃山顧亭林侔。鳳皇翔九霄。悲哉網羅投緹騎。下越山慘淡。神

記言 文苑

一

(1321)

鬼愁祖龍坑。儒心千載青史羞。嗚咽。浙江潮逝水。空悠悠。

登曾公閣有感

癸卯秋。日同震澤某君過此。某君題其壁云。三楹小閣。一方池。未是天長地久時。一將功成萬里血。看來畢竟漢家兒。百年隱痛剝肌膚。滿地生祠莽大夫。小閣江天容我望。人豪不惜惜人奴。余揣其意。一似重有憂者。感

今弔昔。率書其尾。

英雄失路書生哭。漢家奇禍胡兒福。纍纍白骨戰功高。一手掩盡天下目。朱衣君臣地下笑。夫差不免吳宮沼。蘆中胯下尙有人。南冠痛哭憤王廟。叩關太子爭上游。齊襄來復九世仇。公兮公兮投袂起。不措牽羊大國羞。公之爵兮侯伯子。大官巍々紆青紫。公之功兮千萬祀。煮豆燃箕同根死。公之生兮立生祠。公之死兮傳青史。公之才兮亦足多。偏衣金玦盤太和。公之後兮海不波。燕趙之士慷慨歌。嗚呼公死何太早。公若不死今日之事公奈何。

(1322)

寓樓雨坐與顧二黃大仿柏梁體限順次盡覃韻

劉 三

冥心獨往思淵覃。劉上窮霄漢下江潭。顧鬱勃久乃發狂譚。黃奇情奔放追驂驪。劉蒲團坐對疑瞿曇。顧妙語俶詭譎禪理參。黃忽接家書催歸驂。劉夢魂飛落江之南。顧人物故鄉思荆枏。黃眼前落々無奇男。劉黃薑紫蟹風味諳。顧豈宜詩酒老窮庵。黃欲哭不哭淚空含。劉側身西望海渾涵。顧擬挾匕首入殺函。黃虹氣百丈落青嵐。劉么麼小醜殭春蠶。顧觥觥吾黨朋盍簪。黃此意願與共鉤探。劉誓不忍見豺狼貪。顧裂眦相向空眈々。黃劍書三册我所眈。劉還我江山樂且湛。顧南北渾合爲一龕。黃年來心緒百弗堪。劉渭城唱徹慟何戡。顧南箕北斗口侈弁。黃窮愁著書擬史談。劉沈々夜漏心如倏。顧常睨鼎鑊如飴甘。黃直道何往不黜三。劉登臺慷慨酒半酣。顧黃花朵々香滿籃。黃和孃爲我擘霜柑。劉迴波一曲顏頰慙。顧祝君壽考齊彭聃。黃琉璃杯盡襍銀坭。劉貼地甃甃鋪淺藍。顧興酣起舞揮長鏐。黃月明笑倩碧雲擔。劉我起致調休嘲哈。顧禮失求野聊問鄰。黃竭來空谷足音稀。顧歐風墨雨群情恍。顧豈知亞粹濃於泔。黃閉關守秦師。章邯劉眞宰上訴氣。龍々顧踟躕搔盡雙鬢藍。黃卻哀餘子皆羸蝓。劉叔孫制作無人儋。顧一室難春愁定盦。黃楚囚南冠額髮鬢。劉

(1323)

東方局促如螺蚌。顧四萬萬衆何癡愁。黃蟻蠓處。發聲節々。劉可憐。殿柳踈地。耗顧猶誇十萬磨霜鐔。黃前事應鑒齊滅。鄧劉漏舟難塞。江水淦。顧如病在肺核。結痰黃睡獅睡獅長昏寐。劉前有毒蛇後猛魃。顧吸膏扑髓。索之婪。黃偶一撷之鋒。巉。劉窮檐蕭索無石甌。顧室家漂泊泛萍蓬。黃澤鴻嗷嗷。籬鵠。劉河決魚爛堤岸。淦。顧宅憂全國皆亮闇。黃我恨禍水朱晦菴。劉儒緩不掉胡牛領。顧其言詹詹行慘慘。黃絕無生氣雄兜鍪。劉外族遇之如叱慘。顧仰曹顏甲堅於背。黃猶復抱經誦。誦々。劉鳩羽晝酒常荒飢。顧何年出此幽谷。甜。黃匪惟不出墮深。嶮。劉偉哉蚡冒啓華。璫。顧鎮懣百怪靜以俟。黃見山高高水澹々。劉若藥瞑眩無取。箇。顧南瞻五嶺森如鑕。黃春雷震醒羣。嚙。劉熱腸潮起。顏面醅。顧豎儒卻走舌爲。耕。黃重與君倒酒一壘。劉商量提挈。師徒。餒。顧幟紅以茜灰。以。檀。黃蛟龍得勢起深。窪。劉筆硯焚盡書飽。蟬。顧間關杖策走趨々。黃汗流足繭。猶趨々。劉男兒氣節慎勿婢。顧君不見黃龍之酒味。醇々。黃

(完)

## 趙主父

關弓習騎改輕裝。獨上恒山制犬羊。畢竟養成排外性。笑他嬴政築邊牆。

## 鄭成功

燄然朱火慘難明。萬首低髡啞不聲。航海竟焚儒服去。英雄惟有鄭延平。

## 讀羽衣女士東歐女豪傑有詩二章依韻和之

冶民

莽々神州似亂紛。誰知巾幗愧鬚眉。校枯愛國千行淚。收拾情天一局棋。未死春心猶裏繭。已灰俠首爲投魑。寶鞘龍劍今何在。此事當年聶姊知。

二十紀初現在身。苦將往果證來因。精禽銜石沈冤海。杜宇嘯枝訴恨人。古國殘魂還中酒。百年芳夢總成塵。傷心只事編遺史。豈獨紅顏爲溼巾。

## 爲鐵筆生題花裏寫經圖

冶民

獨抱鉛刀割不平。好修慧業懺浮名。衆香國是華嚴界。字々珍珠大放明。

## 春興

冶民

荆榛滿地不開門。且與人間種慧根。時諱熱田真吉家庭感情教育獨媚幽馨寄瑤想。一簾春雨鎖花魂。

# 目要籍書新最行發局書明文

友之生學●脈命之民國●友之師教

日本越智直安合著**實用教育學** 角四  
首論智育德育體育之理次論致知進德衛生之方次論管學事宜實事求是無一泛語日人原序云讀此一書勝於讀他種教育學教授法管理十數冊良非虛語

日本鈴木氏著**教育新論合刻** 角四  
日本中野氏著**教育新論合刻** 角四  
論以自育爲旨足爲中人之良鑑史詳載十九世紀歐美教育大勢尤足爲中國師資

蒙學第一奇書  
少年國民必讀  
每課選列中外大豪傑嘉言懿行之相類者各一條欲使子弟成大人物者最宜以此等書爲教科書勝於尋常讀本萬萬也

日本高田早苗原著**再版國家學原理** 角三  
欲全國民之資格必自知國家之所以爲國家凡爲國民者不可不讀也

日本天野為之原著**理財學綱要** 角四  
全書凡六編曰生財曰析分曰交易曰用財曰策富曰財政較他書之傳具前四編而乏後二編者不可同日而語

日本高田早苗原著**憲法要義** 納憲政精理於區區小冊中講求外國憲法者得此思過半矣(二角)

日本高田早苗原著**英國外交政略史** 四角  
英人最長於外交故爲全球之雄國本書前半論英國外交之沿革後半論公使領事之職務留心國事者允當一讀

日本柳內蝦洲原著**學生立志論** 二角  
學生首宜立志二十世紀之中國之學生不可不讀此書

日本橫山氏著**生物之過去未來** 二角三角  
無錫秦毓澹譯**地球之過去未來** 二角三角  
議論新奇圖畫精緻譯筆雅達奇書也

日本福澤諭吉先生原著**男女交際論** 一角五分  
著者乃東邦第一醇儒著書立說振聵發聵維新自強厥功甚偉是書成於十七年前當時日本女子墨守古訓無才爲德其弊與吾國同自此書行世女學日興去卑陋服從之陋習得平

段北街盤棋海上


(售出有均館會生學留京東書各上以)

(1327)

蘇

江

144



六

(1326)



美國伯蓋司著 金貴張競良譯

泰西各國立憲史論

(新出)角半

今之談政治者莫不曰憲法憲法然欲知憲法之  
所由來非一讀各國立憲史不可此書著者以精  
神新之意見著論譯者以最銳達之文字傳其  
政界改造祖國亦大可取法幸各置一編

德國伯倫知理著 無錫稽鏡齋生譯

自治論

(新出)角半

憲法之成立必以地方自治爲之基不知地方自  
治之義務者不足以有立憲國民之資格地方能  
自治則政府雖頹陋亦無如民何居今日之中國  
而欲議改革政體者不必侈言立憲研究自治之  
道爲尤要矣此書著者爲近世第一大政治家論  
精詞簡最便初學有志之士幸快先觀

再高小國史教科書

全部二冊 定價四角

此書爲張君肇桐所編敘述簡明而無遺漏議論  
痛快而不輕薄文筆淺顯而不粗俗可爲史學之  
基礎可爲文學之楷模官私學堂爭相採用初版  
已罄特再印行近日常購而未得者請仍駕臨敝  
局或函囑寄奉可也

日本渡部高藏著 秦疏鑒張肇桐譯

未來世界論

三角 新刊

此書歷據群學心理學生理學政治學計學等  
最精闢之理論證白人之將衰黃族之將興及世  
界將統一於黃族之手大足爲我黃族吐氣望讀  
者有以實其言

德國伊耶陵著 金貴張肇桐譯

再權利競爭論

三角

此爲今日中國最對病最應時之良藥傳來數月  
名重一時初次調製者今已告罄特再精製以應  
當世之需

日本齋藤與治著 無錫秦元弼譯

再訂正西力東侵史

西力東侵危迫極矣嗟我主人曷可不知是書初  
版數千部不久即罄今特益加訂正再印若干以  
慶閱者之望定價大洋三角



記事

內國時評

朱臻仕

壯哉朱臻仕！烈哉朱臻仕！哀哉朱臻仕！  
昔英之文豪羅倫助希臘獨立以死世之人每稱  
之吾讀其傳想見其爲人而迴顧外人對於吾祖國  
之行爲又未嘗不歎息泣下以爲古今人不相及也  
今而後知有朱臻仕知有愛我中國之朱臻仕

朱臻仕者德人也居中國三十年歷處江寧鎮江  
陰吳淞諸地爲砲台總教習盡心于中國之事及東  
三省事起痛中國之不足有爲居恆鬱鬱不樂而憤  
俄人尤深游過遇一俄人詰以東三省事且言俄人  
虐待中國有背公理俄人笑而答曰君以中國事尙

記事 內國時評

可爲乎何不思之甚也朱聞之愈憤遇英人囑其調  
停東三省事英人答之如俄人朱憤甚貌若癡及回  
江寧見中國人即握手告以中國前途之苦及改革  
之不可緩華人漠然置之且有腹誅之者一日宴于  
番菜館語及東三省事輒切齒怒目碎其杯盤明日  
攜銃將出旁觀者止之遂返闔戶自戕將死時猶大  
呼中國不可救！中國不可救！者再啓戶視之則  
其手書一紙置几上言朱某自戕與中國無涉德人  
不得籍口與中國爲難其眷于我中國如此  
或曰朱之死某公使實促之蓋某公使密囑朱壞其  
砲台防務朱不聽某公憤乃以一月爲限不然則出  
其國籍朱憤然告人曰一月後吾將爲中國人矣乃  
未幾而即自戕云

嗚呼我言及此心滋戚矣其目觀祖國之慘奮然不  
顧利害而終以身殉之者此我輩少年之責也朱臻

上海棋盤街北段

(售出有均館會生學留京東書各上以)

仕與中國言語不同。宗教不同。種族不同。徒以久居是邦。踐是土。不忍目見其危亡。而油然奮其義俠之天性。而一死以報我國人其慷慨激昂之氣概。又豈東洋民族之所能夢見我輩之日言革命。日言流血。者能無愧死。能無愧死。

自有此死。而朱臻仕可以不朽矣。昔擺倫心醉于希臘之文學。而不惜以身赴之。若朱臻仕者。其亦有同情乎。方其出地中海。渡印度洋。破浪而東也。觀江流之浩浩。覽山靈之奇秀。豈不以聲明文物之邦。萬無可亡國之理。而毅然以加里波的自命乎。及處之既久。詳悉其社會之情勢。乃知南人之不復有爲。然猶不肯灰心頹志。而從其外交之政策。以陷我中國於死地。事變迫來。間不容髮。乃自殺其身。以冀我國民之或悟其心事。磊々落落。如日月皎然。不誠烈丈夫哉。他日者。登石頭城上。堅獨立國旗。而以一杯

酒慰其靈魂。則朱臻仕且爲二十世紀上歷史之人。物我輩今日。又何必沾沾然作兒女子態乎。

雖然。擺倫死而希臘竟能獨立。希臘獨立而擺倫之目瞑矣。吾不知今日我國人對於朱臻仕之感情。何若。更不知朱臻仕死後之中國。又何若。而風聲鶴唳。草木皆兵。歐雨亞雲。朝夕發作。白馬素車。且隨遠之大江東去。人非木石。能不悲乎。我書至此。泣下沾巾。

嗚呼。朱臻仕死矣。我四百兆人。豈盡死乎。觀于此而漠然不動者。吾知其心死久矣。否則朱臻仕死猶不死。

### 南方之三大鐵道

嗚呼。我同胞。我同胞。其亦聞英法經營于南方之三大鐵道乎。

三大鐵道者何。曰蜀漢鐵道。自成都至漢口之鐵道。

也。本議定中國人自設。今英公使極力爲之運動。又遣人測量其地。以爲敷設之先聲。曰粵漢鐵道。自廣東至漢口之鐵道也。爲英所得。今已有開通廣東佛山間之舉。曰雲南鐵道。即雲東鐵道。自安南之東京至雲南之鐵道也。法人欲得之已久。今年十月廿一日。法公使與清政府結約。得達其多年之宿望。

嗚呼。鐵道之于人。猶筋脉之于人身也。是故一縣失其權。則一縣死。一省失其權。則一省死。况全國南北(與漢鐵道)東西(蜀漢鐵道)交通之大關鍵乎。四川雲南金沙之產出地也。英法人涎之久矣。所以不即瓜分之者。以其地重岡複嶺。交通不易。恐有反抗者。起不能一時制其死命。故耳。今一旦得償其多年之慾。且又握縱橫四出之利。則掘子江流域之土地。非我有矣。

雖然。此何足異。中國鐵道若滿州(俄有)蘆漢(比

利時有)山東(德有)淞滬九龍(英有)津鎮(英德

所共有)諸處。孰非滿政府之供獻物乎。扼其咽喉。斷其手足。非一朝一夕之故矣。而爲之主人。翁者聽家賊之販賣盜竊。目瞶口呆。不敢抵抗。抑何其恭且謙耶。蘇州某紳聞蘇滬鐵道之將成。欣然曰。從此上海不須多費時日。或笑之。余謂此何足異。苟知之。何至有今日之中國乎。嗚呼。朝獻其南夕貢其北。本部不過十八省。何足供幾次送禮。他日列車萬里。笛一聲。吾不知揚子口流域之地圖。是何顏色。吾言及此。悲從中來。

### 三江師範學堂

客歲張之洞署兩江。奏設三江師範學堂。派楊觀金爲總辦。聘日人十一名。有一月六百金薪水者。至少二百五十金。講堂上住日人家眷。另招致漢文教員五十人。每人五十金。一月開辦之始。本欲使日人數

漢文教習東語理化等學而漢教習以經學教日人。後因日人不願所經學乃止。而漢文教習入堂以後。每月坐領五十金。學アイウエオ數月。即放。聞假々以後。又一二日。方上學。仍讀東文字母。且每日必寫字母送日人改正。記分數。如是而已。至理化等學科。則尚未夢見。不知其明年何以教學生也。(原教員一年生徒)尤可笑者。教習無事。須與總辦編書。不編者除去之。近總辦又以堂內教習多不合意者。月行招致候補教員。而條子已如山積。恐又必除去一大半也。至明年學生若何課程。尙不能定。然教習如此。其他可知。堂中自總辦以至委員。無慮數十人。盡藉此謀生者。而營造建築所費。動數十萬。嗚呼。脂膏有限。慾壑無窮。江蘇之地皮有幾層乎。

觀于以上所舉。又以知學堂之內容。其他姑不具論。中如使漢文教習以經學教日人一事。尤足爲三江

師範學堂之特色。推張之洞之意。其以日人生于文明之地平等自由。諸邪說深入于人心。想學生將來沾染其習氣。而欲以經學正其本乎。抑以日人日智將爲我害。而欲以經學愚此十二人使歸而并愚其國乎。俱未可知。或曰。是蓋張之洞特別之外交教育的政策。豈其然歟。豈其然歟。

#### 嗚呼陸軍學生

今日我漢族之救苦救難。天奪非陸軍學生乎。爲異種賊奴所百方阻撓。窒其求學之途者。非陸軍學生乎。嗚呼。吾有一言和淚以告陸軍學生聽者。粵督岑春煊以粵事棘手。不知所措。特電請江督魏光燾。調回留學日本士官學校卒業陸軍學生某。迅速赴粵助剿。會黨江督即電致駐日公使。轉促某歸國。某已東奔西走。爲東裝計矣。吾聞之而疑而驚。終而痛哭。

(1332)

夫留學生之不爲政府所信用。而爲所嫉視者。不待言矣。而尤甚者。則惟陸軍學生。故有志陸軍者。政府則多方阻遏。使不得伸其志。各省官吏。偶亦遣派學生。東遊習陸軍。然及其卒業歸國。則使之爲某局提調。某處翻譯。以百金數十金之薪水。羈縻其身。心從無與以軍事上之實權。甚至有一再屈膝於候門。而不能得一衣食之地者。彼粵督何人。偶以辦事不得手。竟敢電召學生。任以軍事。且不調遣已卒業歸國之學生。而必電召未歸國之卒業生。某殊足異也。

彼滿清中興之代。曾胡左李。豈非不可爲一世之才也。然而論其事業。不過媚異族。殘同胞。戕萬人性命。成豎子功名。確全其賤奴之地位耳。今以神聖不可侵犯之陸軍學生。當羣敵環攻之日。不能爲我漢族之干城。徒爲他人所驅遣。殘賊最親愛之同胞。敗則爲効忠於異族之鬼雄。成則爲曾胡左李。殺同胞之

後起吾言之心爲之痛

陸軍學生爲賤奴所阻遏。不克入校。同胞志士且出死力以爭之。今若是則吾願中國無陸軍學生。若陸軍學生而盡效某之所爲。則訂約阻陸軍之張之洞。反爲我漢族之保障。吾哀吾同胞身價之賤。甘爲賊奴。所買吾哀吾同胞遭劫之慘。復爲同種所戕。

#### 祝麗澤學校之前途

上海一隅。學校無慮數十。通中國學校。無慮數百。自有學校至今。無慮數十年。而所謂學校者。約不出二派。一造奴隸之學校。一謀衣食之學校。前者成立最久。求其宗旨。不過爲通古斯族養成一般應時之奴隸。其成效不過爲候補官於洋務。保甲善後諸局之外。多添一項優差。不過爲讀書人於科第捐班軍功之外。多開一項進身之途而已。後者自戊戌以來。科舉之士。知八股之運不長。己之衣食將虛懸而無着。

(1333)

不得已而出此計策論焉。經義焉。英文焉。算學焉。光怪陸離。并爲一談較之。官立學校。尤可嗤笑。此二派者。其教育之效果如何。其於祖國之影響如何。無待智者之辨別矣。雖不無一二有志之士。出乎其中。然亦有志者能自拔擻。非三派之教育果能成就之也。」

自去年南洋學生退校。建設愛國學校。嗣後學界風潮日甚。各處踵起者甚衆。精神雖振。率皆組織不完。於近時教育界中。可稱完備者。厥維震旦學院。但其學科偏重文學。與其選者。亦皆成才之士。專門學校。而非普通學校也。欲爲吾祖國有志少年。求一修業盡善之地。竟不可得。是可悲也。

近海上有麗澤學院之設。其中任事之人。皆熱心國事。學業優裕之士。以諸君之志願。不患其精神之不振。以諸君之學識。不患其教授之不善。果能有條有理。精進不懈。其爲益於我少年無量。即其爲益於我

祖國無涯。當此存亡危急之秋。培植一般壯志有爲之士。非諸君其誰與。歸德意志之獨立小學校。教師實居首功。敢以斯言爲麗澤學校之前途祝。

## 外國時評

### 日俄協商之近狀

日外相小村與俄駐使羅昂協商于東京。先以俄帝及俄外相遊歷。未得要領。後屢次會見。終無決議。今則兩國經營戰備。不遺餘力。其結果如何。尙不能知。德意志新聞。無不稱道中立。從東京日俄交涉。漸底平和。說者謂法德兩國之債。已達巨額。故俄人之對於德新聞也。百方利用之。爲一時含糊之計。所謂新聞政畧者。其此之說乎。

雖然。吾觀於歐洲列強之論。而有異焉。歐人之言曰。『日俄問題。事早已不關於滿洲。』又曰。『滿洲問題。

既解決者也。〔見法蘭西亞西亞協會月報〕然則滿洲之爲俄屬地。固已爲各國所共認者矣。嗚呼。此固意中事耳。雖然。我不得不爲十八省之將爲滿洲者。悲我。更不得不爲我江蘇之將爲英人之滿洲者。悲。

諸君亦知俄人占領奉天之事乎。當其占領之初。俄人聲言爲極東總督之意見。與俄皇無涉。是言也。雖三尺童子。莫不知爲謬言。雖然。俄人有極東總督在滿洲。英人獨未嘗派遣楊子江東總督於江蘇乎。他日一旦起而入南京。破蘇州。亦不過揚子江總督之意見耳。若勢力平均之說。由來久矣。况英俄之水火者耶。

是故無論日俄之開戰與否。我中國必爲各國魚肉之場。此今日所可斷言者也。然則今日北部之關係。其影響于南部者至重且大。積薪火上。禍在眉睫。如

此好河山。行將爲條頓人飲馬地。吾蘇人雖欲求一片乾淨土。如今日之行尸走肉。不癢不痛者。可得乎。見冤而不知顧。犬亡羊而不能補牢。根性如此。不亡何待。魂魄有靈。我祖我宗。必飲泣干地下而歎息。痛恨于子孫之不肯也。謂余不信。請挾吾目懸之。干狼山福山之絕頂。以觀南滿洲之出見於世。

### 巴爾幹問題

今日世界百目。多被滿洲問題所壓。不知其間若有關係。若無關係。而實握外交之秘局者。其巴爾幹之問題乎。

巴爾幹問題。由來已久。其重因蓋東人種之競爭。馬基頓革命軍起。俄人之領事。爲其所戕。前次改革案出。土人終未實行。近俄奧公使。連送嚴重之公文於土政府。聞土帝已經允諾。則此事或可漸靖。然前日馬基頓革命黨首領某氏。于某地演說。從今日方爲

戰爭之開始。識者知巴爾幹禍未艾也。俄人之於極東也。以剛字行其外交政策。其於近東也。以柔字行其外交政策。故其對於土耳其已過非訂結。桑思發諾條約時。可比蓋俄人不得志於近東。乃專從事于東三省蒙古之間。其於西伯利亞鐵道籌無量之巨款。担無上之國債。彼固有大欲存乎其間也。今東清鐵道大底就緒。陝西又有更造支線之說。此則中原多事。北方必無乾淨。十斯拉夫人得志之時期。將不遠矣。夫彼唯有大欲於極東。故憂緩其手腕於近東。而移其強暴之行於東三省。英人雖欲於極東防之。其如鞭長莫及。何大抵世事繁劇。無過外交。故英已聽俄人關外之一切處置。一毫不加以干涉。至於近東問題。英人亦無所藉口。而現狀維持之說。於俄人不唯不便。且反覺其可以無後顧之憂焉。嗚呼。亦狹矣哉。

(近東問題即巴爾幹問題。蓋對於極東而言) 橫濱華商入日本籍者四十餘人！

噫！！我民族其亡乎！！

我輩無國家久矣。雖然我民族猶在也。今而後知其已亡。何以故。以橫濱華商入日本籍故。

賤種！賤種！！此西人詬我輩之口頭禪也。吾始聞而怒之。今以華商觀之。猶信。

初有以是事走告我者。吾毅然語之曰。子無誣我商人。我商人之經營于外者。類能櫛風沐雨。勤苦自甘。雖在異域。不忘故國。此觀於檀香山新嘉坡之歷史。可以知也。而安得有如是無恥事。子其無誣我商人。然而傳聞之入吾耳。報告之入吾目者。固日不絕也。嗚呼。其信然矣。以我平日所深信而崇拜之華商。一旦乘時自保。若是之速。且若是之多也。吾不禁悄然以悲。

(1336)

我漢族者。非有歷史價值之民族乎。今至于此。固我輩不肖子孫之罪也。然自排外思想。一變而為媚外。吾族歷史。無不皆然。我亦不得強為我族諱。蓋生死利害。身家性命之念。深入于心。牢不可破。故見飢寒困苦之迫我來也。則惶然以懼。當是時。凡有可以保我身家性命者。雖若何冥頑。若何無恥。亦不憚為之。威多利亞之紀念碑。大日大英之順民族。非前事師哉。則今日橫濱之華商。其亦遺傳性使然而無可如何者歟。

噫。身家性命。而果可保耶。則華商之入藉華商之圖自保也。不知各國憲法。雖有歸化之條。而既歸化之後。其苦每甚于未歸化之先。納稅也。當兵也。華商有幾條命乎。非我族類。其心必異。我祖宗已教我矣。謂余不信。請觀夫已入外籍之商人。

去父母之邦。遲々吾行。此人之常情。而民族之天性。

也。故雖以北人之蠢愚。且有義和團之暴動。雖以南方之柔弱。且有燒教堂之頑民。其舉動一切。固為文明諸國所不齒。而其為種族不畏死之心。則有不可泯滅者也。今海外之商人。人居文明之地。日與文明人接。乃視然為外奴。而不知恥。吾恐死而有知。義和團之亡魂。且將為厲鬼。以擊其腦橫濱之華商。能母懼。

且民族之盛衰。至無定也。欲盛之。則盛。欲衰之。則衰。天下事在人為耳。是故今日之中國。固為萬國魚肉之地。然使一旦人心不死。捲土重來。建新中國。獨立之旗。撞大漢族自由之鐘。則三島人士。且為我附庸之。不暇彼已入外籍之華商。母乃悔前日之孟浪。以自外于大陸之民乎。

雖然華商又何足責。衣食住三者。固人生必不可少之具也。孰使我民族無衣。無食。無住。以致求衣食于

(1337)


## 校學立私之廢已

## 調查錄

名目	開校日	停止日	發起人	經費	場所	何故停止
商務學堂	正辛 月丑	腊辛 月丑	茅謙	捐學費及商	獅子街	經費不濟
中西書館	正壬 月寅	腊壬 月寅	李恩藻等	學費	藥師巷	學生無志于學因而經費不濟
中西文武學館	壬寅	腊壬 月寅		學費	西門大街	
潤洲學堂	正癸 月卯	八癸 月卯	耶蘇教士 賽兆祥	學費及教 堂捐助	薛家巷	發起人病故

## 鎮江學堂興廢表

京口襟江帶河。山明水秀。爲揚子江下流之總樞。自英人開通航路。商務繁興。數十年來。目濡耳染。其人文之進化。宜較他府爲速。乃頑固之沈黯。實較勝焉。以故教育上之改良。影響甚微。茲將其學堂興廢之歷史。列表如左。即可覩其一斑。



海外孰使我民族不能安其衣食住以致求保其衣食住于外人爲淵。獸魚爲叢。獸雀罪魁。禍首固自有在矣。我乃閉我口。擲我筆。磨刀霍々以向爲我仇敵之通古斯犬羊。



崑山學界談

崑山隸屬蘇州。與新陽同治。縣無城郭。蘇滬往來。爲交通要道。屋舍鱗櫛。市面頗繁。歷來士子多陋。舊學文風素以禮讓著。故鄰邑之冒籍觀光者。輒多奇中。也。近頃新學漸興。鄰封近邑。學堂會社。次第舉行。而該邑士人。仍守非今好古之義。有謀之以新法者。則輒曰「若輩何曉々爲。靜俟一二年。後朝廷必再復時文策論何足道哉。」守此等主義者。實可謂崑邑士人全軀一致。

調查錄

辛丑之夏。本邑志士郎君宋生。魏君口口。嘉定志士毛君口口。同時創私立學堂三所于城內。咸思有以開通錮疾。振作士風。而魏君所創者卒無生徒。顧問乃空開兩月而罷。有學堂而無學生。非學生之少也。喜新學者少耳。毛君所辦者。曰口口學堂。有學生二十餘人。科目未能完美。實苦于教員之少。經費之窮。未可爲毛君責也。乃甫辦半年。虧空頗巨。復以教員某。因曖昧事。遂即罷歇。起憤學堂者。郎君宋生所創也。郎君既心愛國。復善于辦事。于教育之道。頗有條

私立學校尚有培成館及奮新公學等數處。或作或輟。且其中教科大約除英文外。均不注意。直與細思學堂無異。故不列入。

校

校名	開校日	立者	學生數	發起人	場所	經費	教法
邵伯蒙學堂	春壬寅	私立	四十人	薛鶴鳴等	邵伯鎮	慈善學堂及捐助	按蒙學堂課程
余氏算學塾	春癸卯	私立	十餘人	余恒	彩衣街	學費	算學專門
惜陰學塾	春癸卯	私立	十餘人	劉健庵	灣子街	學費	東文英文算學

堂學之存現

堂名	開校日	發起人	立者	學生數	場所	經費	教法
中學堂	未新開校建	鎮江府	官立	六十人	府署西	書院撥款	中學課程
小學堂	未新開校建	丹徒縣	官立	四十人	藥師庵	文昌宮改及籌捐	小學課程
城南蒙學堂	八壬寅月寅	茅謙	官立	四十人	南門	化務所改及調業捐	國文算學
承志蒙學	七癸卯月卯	曹姓	私立	五十人	金山河	洋貨業捐	國文英文算學

視右表。可知鎮江守舊之風氣。其固結力甚大。此中學堂之教習鮑某。欲以因果錄爲課本。所由來也。幸現在鮑教習。自知不容于衆。業已告退。此後任暴比者。爲了太史。聞尙不致如鮑某之腐敗云。

揚州學界區所表

學

學名	開校日	立者	學生數	發起人	場所	經費	教法
儀董學堂	春壬寅	官立	六十人	兩淮鹽運使	東關街	書院舊款及鹽商捐助	按中學堂課程
篤材學堂	秋壬寅	官立	四十人	江都縣甘泉縣	瓊花觀	書院舊款及捐助	按小學堂課程
方氏學塾	春壬寅	私立	廿餘人	方爾咸	東關街	學費及捐助	完全普通學
日新學塾	春壬寅	私立	廿餘人	汪舜伯	倉巷	學費	普通學

理。三學堂中。此其巨擘矣。學生有三十左右。

當即君開辦之初。嘗與同志三人謀。某々兩君專主教育。其一家道頗豐。遂約與擔負經濟之責。某君亦欣然應之。開辦以後。即君親爲會計。持籌握算。克勤乃職。半年結帳。虧空三百。遂與某君照約分墊。

壬寅春夏兩季。開辦如初。至暑假結算。虧數如昨。而分任經濟之某君。業已墮落。葉子戲阿芙蓉。尙其餘癖也。即君以前約責之。無以應。即君大窘。蓋即君家道本康。而乃翁尙在。經濟權非所掌也。所可熟者。僅私產而已。雖然。即君固熱心家也。決不因此以阻大志。遂悉數籌之。下半年照舊辦下。至年底結算。壬寅一年約賠去七百餘金。遂有難以成立之勢。

先是新陽某令之子二人。亦肄業于是。聞以經費故。翌年將停。遂歸以白諸父。某令聞之。急邀即君而訊以歷史。即君以經費支絀勢難辦下對。某令慨然曰。

既以一番心血。不惜巨款。經始此事。中途廢止。未免可惜。遂力勸即君續辦。曰。以後如有虧空。兄弟一力幫助。即君遂欣然應之。以爲賢有司樂育英才。固宜如此也。初學堂屋舍。均屬租借。某令遂商諸紳士。借地方某公所以移之。復申詳上憲。立案准其與官立小學堂一體辦理。遂更名曰民立尋常小學堂。代爲出示招考。一時隆々勒々之勢。頗極震動耳目。

癸卯春開辦之際。學額大增。學生共五六十人。英文教習某君。固即君知友也。願不計脩金以教。學生既多。入款自富。屋移公所。房金亦無。故經濟界中大爲寬展。暑假結算。所貼無幾。而不幸有某令干涉教育之事起。

某令以爲該學堂之復能成立。盡屬已功。于是開學以後。稍々干涉其教育之事。諸教習頗惡之。嗣後日甚一日。甚至今日某師爺督課。後日老夫子監堂。諸

教習尤相憤恨。即君亦無可如何也。後至出題作論之際。所謂師爺輩者。竟有某題不可。此題欠佳。勒令教習另換。又學堂定章。星期休沐。某令竟強令不准。諸教習乘暑假之際。咸投袂以去。即君欲去不可。假滿開學。諸教習無一至者。即君再四請求。僅遣代館者至。于是勉強敷衍。聞明年即君決計歇手矣。嗚呼。一片熱誠。僅足付之一嘆。崑山學界。如此而已。

#### 嘉定農人生計

我郡婁東爲三吳拔萃之處。全屬無山岳。合郡少大河。既無山水暴發之虞。又少大河沖決之患。氣候適宜。土地肥沃。故其民熙々。犁耕灌溉之餘。莫不嘔歌于田里也。而尤以嘉定爲最。嘉定民風純厚。朴而不文士。氣則守正端方。向有長者之目。俗稱忠厚者曰嘉定屠城一記。實可爲邑人代表性質者也。至于其土地沃饒。物產豐裕。尤爲合郡冠。水利交通。頗極便利。

鹽鐵河橫貫邑中。吳淞江枕南鄙。支流又港。脈絡貫通。灌溉運輸。兩得其利。民生之裕。可以見矣。雖然。自華洋互市以來。大有所損。鴉片流毒四鄉。洋貨暢銷。全邑土貨出口無窮。收數每年有限。以致內用不給。代價大增。于是民生大困。回顧前此十年。白米每石二三元者。今則大至一倍有餘。即如雞蛋。前十年每枚五文者。今須十二文矣。以此兩項以推至各項。項々如是。及近年以來。尤覺米珠薪桂。而橫征暴斂之徒。不問皂白。惟私囊是飽。每畝加賦之命于。是乎至萬。姓聞之。愁顏一嘆而已。嗚呼。哀此下民。救世主安在耶。因調查農人生計現情而爲同胞告之。

#### 其一 南鄉

嘉定四鄉。田畝各有所異。南鄉地高。較之西鄉灌溉稍難。故稻不若西鄉之盛。而棉花過之。田中大半一歲種稻。則兩歲植棉。棉稻均播種于仲夏之初。而收



## 出款表

探于季秋之際。冬春之間。則植以麥。或于植棉之際。代以豆。豆價不讓于米。且性多肥實。〔設今年種豆明年于該地播種時。可省肥料半。蓋豆葉實有墜于下者也。〕故農人多喜之。其餘若油菜大麥蚕豆

玉蜀黍赤綠豆芝麻瓜菜蔬菜之類。亦多種者。然總以米棉豆麥四項為大宗。今特以各項農產之下本收成利息。詳列一表于左。均作一畝計算

六

## 入款表

米	棉	豆	麥	大麥	蠶豆	油菜
賦稅 每畝每年制錢 五百文	全	全	全	全	全	全
田租 每畝每年納制錢 二千一百	全	全	無	無	無	無
肥料 草餅二張三元 豆餅六百元 糞泥六百元	約一元 或成小豆餅價	不	用	用	用	用
人工 雜工及刈割 約二元	播種收成工價 約二元	播種收成工價 四百文	種收三工共六 百元	種收三工共六 百元	種收三工共六 百元	種收三工共六 百元
小計 洋價八百零五文 共七千二百文	洋價全上 共五千〇零文	共二千五百文	共一千文	共一千文	共六百文	共一千文
收成 折中數百米三 石共價十五元	折中數一擔價 共八元	折中數一石價 三元半	折中數收一石 價三元半	折中數石半價 三元	折中數石半價 二元	折中數收菜子 七八斗
柴草 稻草價約一元	花箕價約一元	豆箕價約一元	無	無	無	無

(1344)

13

## 利息表

小計	除清
洋價作八百五 共十三千六百	六千四百文
洋價全上共七 千六百五十文	二千六百文
洋價全上共三 千六百五十文	一千一百五十 文
洋價全上共二 千八百二十五文	一千八百二十 五文
洋價全上共二 千五百五十文	一千五百五十 文
洋價全上共一 千七百文	一千一百文
洋價全上共一 千七百文	七百文

〔注意〕各表均作粗田每畝計算。故出田租而不納賦稅。農人多貧。自有田者甚少。麥大麥蠶豆油菜之無田租者。蓋已于米棉豆三大熟中納去。若自有田者。則獲利較厚。以納賦稅較田租便宜一千六百文。依左表而計。每家若每年種田三畝。大小兩熟。僅可獲利十四千文左右。須種十畝方可得四五十千之利。勤耕勤種。則終年凍餒無憂。若不幸而遇風災水禍。尚不免也。至于一切玉蜀黍芝麻瓜菜等類。僅于田溝隙地種之。以供平日自用而已。不能算其利息。因畧之。此為農產物之大畧。猶有工作物在。亦列表以明之。

之表于左。

農人之工作物無多。所可算者僅酒布兩項。兩項中僅布可計。酒則非賣品也。故僅列布之出入款利息


經紗一機洋紗	一千八百文
經紗一機土紗	二千三百九十四文
經工	七十文
刷漿工	二百五十文
織工	九百文
右出款共結	五千四百十四文
織成十八疋	價五千四百文
右入款	

(1345)

利息

賠去十四文

依右表計算則人何樂而爲布哉。曰否。別有原因在焉。蓋農人每至冬季。田中無事。于是杜門紡織。緯紗自紡。織紡非傭工。經刷則互相爲助。設此家經刷則彼家來助。彼家經刷則此家來助。所有工資盡已除去。所下之本。僅一千八百文之洋紗而已。以此數而與入款之五千四百相較。則所得利息爲三千六百文。緯紗之棉花八斤約五百文。亦不計也。憶自洋紗盛行以來。民間之一大生計以絕。布經是也。初經紗盡用土紗。每機約二千文以外。此項工作。係年老力衰不勝耕作之村媼爲之。每日酌紡數兩。籍以度日。而今殆矣。故每見街頭村尾。皓首隆鍾。咨嗟踟躕以行乞于大人君子之前者。皆是也。嗚呼。天然淘汰。此我同胞發軔之時乎。



麗澤學院總章 (時評門參看)

第一章 教旨

一本院本朋友講習之義取名麗澤延納海內同志之士講求當世應用之學爲本院建設之本旨

第二章 分科

一本院分普通專修二部

(甲)普通部 照本院所定學科循序漸進者

(乙)專修部 就性之所近專習一科或數科者

三本院分爲四班歲升一班學科分 倫理 國文 英文 日文 地理 歷史 算學 經濟學

四本院附設蒙學堂分爲四班歲升一班學科分 國文 算學 歷史 輿地 地理

第四章 入學 退學 休學 體操 十門各課時刻另有列表

五欲入本院肄業者須先通書於本院得本院認可即可來學

六入本院肄業者每年學費八十元分兩期繳納第一期在正月開學時第二期在暑假後開學時

七學生資性太鈍或屢犯學規者由本院辭退學費按時扣算如自行退學者臨時酌議

八本院七日一休業暑假五十日冬假三十日清明端午中秋各休業三日

九本院設在上海華涇房屋寬敞境地清幽宜於衛生適於勤學

- 十本院有課堂四所宿舍十間操場一所可容百五十人以上
- 第六章 教員 職員
- 十一本院現設教員八人均學業優裕熱心同志之士
- 十二本院現設職員四人一司書記一司會計二司庶務
- 十三由教員中推舉職員長一人統籌全院之事務
- 十四教員及職員長半年一任連舉者連任
- 第七章 議會 另有專章
- 十五本院議會分二種
- (甲)總會 無定期遇有要事臨時集會公議決定凡教員職員學生均有議事之權
- (乙)分會 教員有研究會事務員有評議會學生有自治會均每月一集
- 第九章 規約
- 十六本院同人交際當親和誠厚以期團體日堅勢力日張
- 十七本院同人自處一須謹行儀以求人格之完全二須勤課業以求進步之日新三須耐勞
- 十八苦以求體魄之強毅四須尚整潔以求衛生之適宜
- 十八教員及職員須各勤厥職毋得放棄責任
- 附則
- 十九甲辰二月初一日為本院開學之日即此章實行之期
- 二十此章有更改處須同人公議決定

(1348)

## 發起人

費公道  
劉季平  
劉東海  
秦効魯

## 同訂



雜錄

## 滿奴獻媚書

庚子之役。實為滿洲政府由排外而變於媚外之過渡。其喪廉鮮恥。妖形怪狀。暴於全球。真想畢現。是書乃聯軍撤退時。滿奴索恩溥齎萬民傘於日本某大尉之通知信。頃從日人抄出者。文辭絕妙。殆滿奴中文人之筆歟。夫此咄咄怪文。觀之一如妖氛蔽目。何足累我筆墨。更何足污我江蘇。雖然。兵家者言。知己知彼。百戰百勝。我深知其根性。然後可施我對付之方針。爰登本誌。告我邦人。

## 自違

## 集範再易蟾圓遙企

雜錄

(1349)

曄輝時深蟻慕比維

○大尉大人景蕸燕申

勳華彪丙

望隆多節揚萬里之風聲

恩沛螭拗荷

九重之露澤

柏薇指晉葵藻心孚薄轡線菲材不克自振漸加

馬齒無望雄飛然世變茫茫每一念及思欲得二

三奇傑之士與之宏濟艱難不意

大君子遠臨敝國一見如故盤旋數次得親承

言論風采始知素所期望者向求之殷而不能一遇

今何幸不求而得之也天涯

知己到處相逢卜氏四海兄弟之言良不誣也本擬時聆

敎言以開茅塞奈

星旌遠逝已隔重洋耿結蓬衷難宣苦素惟有寅

賓出日望扶桑而想若木遙寄暮雲春樹之思耳

甘棠有蔭遺愛留人溥率安定門一帶住戶鋪戶

感激圖報謹呈萬民傘一柄聊盡微忱定知


一條冰懷儼白水之同盟

三級階升馳丹牘而共賀肅此恭請

助安不盡縷々

索氏恩溥頓首

胡運何須問



赫日自當中

## 珍聞譯片

## 美國之報界

美人譚猛。新著一書。曰報紙發行法。有美國報界最近之統計一篇。摘錄其一節。亦可想見其盛況矣。曰美國中以報紙特為生活者凡一百萬人。其俸給年額八千萬元。各報之總收入年額。一億七千五百萬元。其中九千五百萬元為告白費。八千萬元則售報之價金也。報紙總張數八十億張。裝潢之可得四十億冊書。足建一大圖書館云。

## 世界人口

現今世界人口。凡十八億五千萬人。如使之列坐於食案之兩側。平均一人占地十七英寸。則其食案之長。凡十萬英里。可繞地球三周。

## 世界之巨人

俄人馬希者。年二十二。身長八英尺。某科學者見之。

驚其魁梧異常也。攜往莫斯科。各國學會聞之。皆欲研究其發育機關。來觀者甚衆。據德之有名人類學者路相曰。是實巨人中之巨人。普通之巨人。至高者僅能及其肩而已。馬希有一長軀。馬希著之僅及膝。他人著之則沒腰。十二歲之小兒。可潛藏其中。其右手食指之指環中。容半元之銀貨云。

## 美國新砲

美國陸軍省新採用一種大砲。口徑十六英寸。長四十九英尺。砲尾直徑五英尺。砲彈距離凡及六十三里。各國之大口徑砲。皆遠遜之。昔有人欲在英國以大砲隔海擊法蘭西。今日始實現矣。

## 蟻數

英之亞威倍利卿。曾言一蟻巢之蟻數。凡四十萬。然據近來學者之攷究。則知此說過誇。法國蟲學家曰。雄者以毒氣蒸殺五丘下之蟻而數之。最小丘下凡

萬七千八百二十八個。次之為萬九千三百三十三個。次之為五萬三千十八個。次之為六萬四千四百七十個。最大丘下九萬三千九百六十四個。合計之凡二十二萬八千六百十三個云。亦可驚之數矣。

## 英國之富

據英國有名統計家之調查。英本國及其殖民地之富。總計為二千二百二十五億元。細別之則英本國一千五百億元。加拿大三百三十五億元。澳洲一百一十億元。印度三百億元。南非六十億元。其餘諸殖民地二百二十億元也。其歲入共三百十三億元。計英本國百七十五億元。加拿大二十七億元。澳洲二十一億元。印度六十億元。南非十億元。其餘諸殖民地二十億元也。

## 新發明之爆裂藥

德之一醫士及一技師發明一爆裂藥。曰沙非其。此

## 雜錄

之現在所用者。其爆裂力不啻二倍云。且無突然爆裂之虞。德之陸軍省欲秘其製造法。因與以特造權。而其造出之品。即由德政府收買云。

## 新發明之寒暑表

二十年前蘭格來博士。製一寒暑表。曰蒲洛米達。能測知十萬分之一之溫度。世人皆驚賞其精密。十五年來。研究益進。有亞伯德者。發明一最精之寒暑表。曰格維拉拿米達。雖一億分之一之極微溫度。亦能正確測定之。

## 花造之鐘

明年美國開聖路易萬國博覽會。其農藝館。置一極大之花造計時鐘。此鐘之機械裝置於地下。敷花為鐘形。其直徑百二十英尺。時針長六十英尺一分。時行五英尺。雖百人行動其上。機械亦不傷害。表時之文字。長十五英尺。以種々豔麗之簇花成之。其花如

其文字之時刻而開者也。夜間則用二千箇電氣球照之。

### 奇體

奧爾洛甫者。著名之玻璃體也。其皮骨皆透明如玻璃。歷遍歐洲各國之都市。博覽資鉅萬。今死於脫勃列芝。德國雷勃乞希大學。欲購其遺骸。爲學者研究。聞其價值甚昂。尙未定議云。

### 潛行船

潛行船僅用之於海戰。爲襲擊敵艦之利器。近來法人始以之供採海棉及真珠之用。曾一試之於哥列倫灣。船小僅能容三人。然至四十碼之深處。尙能行動自由。

### 電氣車之速力

前月德國於馬林飛的及沙遜間驗電氣車之最强速力。一點鐘凡駛行百二十五英里。又五分之四。約我

國三百八線路及電車皆無。悉乘者疑爲尋常之急行火車。毫無他異。但運轉手曰。平時常用此速力。終有危險之處。故伯靈赫漢勃兒間電氣車。每一點鐘可限定爲九十三英里云。

### 日中黑子

西歷十月十三日美國海軍觀測所見太陽中有黑點見。此黑點者不用測遠鏡亦能見之。始爲九小點。漸相合而爲二大點。其黑處之長十七萬二千英里。幅十二萬三千英里。

### 黑奴學校

美國黑奴中最有學識之布加華盛頓博士。近設一他斯克期高等學校。黑奴願入學甚衆。因校不能容而被拒絕者。凡一千四十八人。黑奴亦知好學。令我四萬萬文明之遺裔愧死。

### 世界最大之地圖

明年美國聖路易萬國博覽會場內。設一最大之美國地圖。長四百八十英尺。幅廣二百四十英尺。此地圖爲農務省之出品。於地面上以芝草界之。各州之鏡界線。以一種草表示之。而各州農產物。皆排列實物。模天然之地形。俾見者一望而知其出產形勝也。

### 記清華開校日大養氏之演說

東京舊有清華學校。爲吾國海外教育之一部。其後經同人重訂功課。加意改良。西曆正月八日。學業開始。公請名譽校長日本前文部大臣大養毅君。及名譽監督柏原文太郎君。來校行開校式。中國公使館隨員到者二人。一參贊馬公。一監督梁公。鐘鳴九下。大養氏登臺演說。由教習何君譯以華語。記者以其語之痛快真切也。撮而錄之以告我同胞。吾不知閱者至此。果動如何之感情乎。

### 雜錄

今日清華開校。得與諸君相見。余深喜近年貴國來游之盛。與諸君求學之殷。但諸君遠道數千里。來此海外留學。豈不以時局危急。發於愛國思想。欲求世界學問。以補救危亡於萬一。諸君既有愛國之心。當知今日之世界。爲何如現象。今日之中國。對於列強處何等之地位。日俄開戰之說。與黃白兩人種。有如何之關係。諸君苟念及此。當無不痛哭流涕。寢寐不安者矣。

余近頃以觀察東亞大勢。從遼東歸來。見俄國虐待華民情狀。慘不可言。俄之經營滿洲。德之經營山東。於軍事上布置。着々利害。西比利亞鐵道。達於旅順。德國新建設之鐵路。亦將及於山東省城。雙磐相聞。京師已成坐困之局。而况膠州灣據於德。旅順大連租於俄。威海衛佔於英。四面受敵。而中國海軍無立足之地。僅々芝罘一區。尙可停泊兵艦數艘。但此處

波濤險惡。風勢稍大。停泊難穩。是貴國即有海軍。亦苦無位置處矣。今世界列強。群向兵力。各謀保護其國權。而海軍尤為擴張國勢之根要。今貴國於海軍之現象。有如此。至於陸軍。直隸一省。僅有五萬。而用洋式操練。器械齊整。可為戰備者。不過二萬。餘皆不足用。此外各省。余雖不甚深悉。大約亦不出此數。若用以勦滅野蠻土匪。或可一用。欲與各國戰爭。則決不可恃。今俄國雄據北方。恃強蔑理。再占奉天省城。貴國政府。恐懼不敢置問。近且駸々及於日本。妨碍朝鮮主權。吾政府決計反對之。勢將開戰。戰事一起。兩國勝敗。自不可定。幸而日本勝。則貴國或尚可以支持。不幸而日本敗。則在日本猶有可以自保之道。而朝鮮之滅亡。滿洲之割據。此自無待言者。即如直隸山西一帶。恐亦在俄國勢力範圍以內矣。俄既如此。德占山東。英據長江。法奪雲貴兩粵。均在意計之

中。而中國乃立見瓜分。余試問諸君於此時。果作何等思想。余意諸君自必發憤歸國。集合團練。以與外人并命。此等思想。余甚欽佩。在貴國亦屬難得。但自余觀之。恐仍無濟。何也。貴國人之就義。只能自尋短見。不能殺敵致勇。此其故。因貴國人只有一人進退出處之思想。並無國家存亡利害之觀念。吾自歷史。上觀之。如明末時。殉難盡忠者。非不多。或閉戶自盡。或投河奔井。甚則罵賊而死。絕不有一致命於敵人者。此與國家有何利益。且多死一人。即少一殺敵之人。無益於已國。而反利於敵人。我日本人民。決無如此思想。如此行為之人。

(1356)

人敵一人。亦可殺死八萬人。而其時人心渙散。向各希冀免死。祇思鼠走兔奔。不想集合大群。同心禦侮。至刃斧臨頭。則惟有引頸就戮而已。故往々聚數千百男女。令一兵驅之。如驅羊豕。莫敢發一聲者。夫人類究非牛馬。猶犬何以馴服。一至於此。試問今日列強競爭。天演淘汰。地球上尚能容此等人。種以占據一席地耶。今諸君苟大發義憤。不惜一死。以救國亡。余敢以一言正告諸君。諸君決不可如前之為一身進退出處而死。要當為一國存亡利害而死。為一身進退出處而死。死不免為匹夫。為一國存亡利害而死。死乃無愧為國民。

余久承本校推為名譽校長。余實深願諸君勤學好問。勉成世界學者。諸君為求學而來。亦無不願勤學好問。以成世界學者。但至國家存亡一髮之際。又不願諸君僅以求學之心。置國事於不問。貴國開明者

少。諸君對於本國實負絕大之責任。諸君而不問。更有誰問國事者。幸而無事。諸君在此讀書。亦應注意。向武精神。使一面為學生。一面即有軍人資格。貴國習於文弱。向以執兵為恥。亦一亡國之原因也。不幸而俄日竟至決裂。諸君留待學成。緩不濟急。余勸諸君各歸本省。集結團練。各自保其土地。盡力與外人抵抗。使人人能殺就致勇。有身可殺。家可破。土地不可失之意。則貴國四萬萬人。雖甚貧弱。誰能亡之乎。余希望貴國自立甚切。故不覺與諸君言之過。懇諸君其善思之。

(1357)







## 警告代派所及閱者

本誌發行七期已過全年之半而內地之  
代派所及閱者之中尙多未繳足報資者  
殊屬有意延遲自本期起凡未繳足報資  
者概行停寄以前之報統作零售計算該  
款仍由經手者退繳  
其有閱者已付清報資而代派所延不繳  
出以致停報者可速函知總發行所或總  
經售所以便稽查

## 售價表

每冊	半	全年	全年
大洋兩角半	一元三角	兩元五角	
日郵三分	日郵二角五分	日郵三角	

內地由郵局寄者每冊另加郵費內地二分由信局寄者信資自給

## 廣告價目表

洋裝	一頁	半	一頁	一	行
五	圓	三	圓	二	角

黃帝紀元四千三百九十四年八月廿八日印刷  
黃帝紀元四千三百九十四年九月一日發行

編輯兼發行者 江蘇同鄉會幹事

發行所 日本東京市神田區駿河臺鈴木町大番地 江蘇同鄉會出版部

印刷人 日本東京市牛込區市ヶ谷加賀町一丁目 藤本兼吉

印刷所 日本東京市牛込區市ヶ谷加賀町一丁目 株式會社秀英舍第一工場

總經售處 中國上海四馬路惠福里 明權社